



63081/B

The Library of the  
Wellcome Institute for  
the History of Medicine

MEDICAL SOCIETY  
OF  
LONDON  
DEPOSIT

Accession Number

Press Mark

RICCA, C.

CJ.

Ex dono  
Amicissimi authoris  
Caroli Comitis de Richa M.D.  
& Principis Cavignani  
Archicamerarii.



XXI  
5



CAROLI RICH A  
PHIL., ET MED. DOCT.  
MORBORUM VULGARIIUM  
HISTORIA  
ANNI MDCCXXI.

SEU  
CONSTITUTIO EPIDEMICA  
TAURINENSIS ALTERA.



AUGUSTÆ TAURINORUM, MDCCXXII.

---

Apud Petrum Josephum Zappatam.  
SUPERIORUM FACULTATE.

*Clari Viro  
Dno Clementissimo  
Author*



Quod Medicorum est,  
Promittunt Medici, tractant fabrilia Fabri.  
*Horat. Ep. pr. l. 2.*

Nov. 18. 1812  
L. 1. 2. 3. 4. 5. 6. 7. 8. 9. 10. 11. 12.

## P R Æ F A T I O.



XIT in lucem Constitutio  
Epidemica Taurinensis al-  
tera eodem illa exarata  
more , quo priorem con-  
scripseram . Neque enim  
immutandum mihi quidquam visum est,  
cùm præsertim eam , quam primùm edi-  
deram , quæque earum , quæ deinceps  
tradentur , specimen erat , Clarissimis Vi-  
ris acceptam fuisse haud me lateat , ac  
summis etiam , quod vix sperare ause-  
ram , laudibus habitam . Et sanè , etsi be-  
nè id prudenterque actum esse sciam à  
Præclaris Hominibus , ut scilicet Junio-  
rum animos erigant , adque maiora ex-  
citent aliquandò ; Haud exiguam tamen  
mihi lætitiā attulit ab laudatissimis Vi-  
ris laudari , studiorum initia meorum be-  
nignè excipi , *measque aliquid* iis videri  
*nugas* . Nudus proindè , ac simplex sinen-  
dus erat liber in lucem ire absque ullâ



Præfatione, eoque maximè, quod superiore anno Institutum hoc ipse meum, eiusque rationem fusè aperuerim. Pleraque tamen adhuc habeo, quæ neminem latere velim, quæque æquum esse arbitror in ipso orationis limine explicare.

Ac primò quidem prolixior me fortè plerisque in locis adesse scio, quàm Argumenti Dignitas expetere videatur. Nec dubito quin id mihi crimini detur ab iis maximè, qui rem primoribus labris, ut aiunt, tantùm degustare solent. Utinàm vel delibarent semel; At, ut quampluribus mos est, iudicium persæpè ferunt contenti lectione Tituli operi appositum, aut unius, ac alterius Pagellæ. Nimis angusta profectò erat mihi orbita, si nunquàm extrà cancellos evagari liceret. Pulchrior evadit Oratio, illustriorque, cui collecti hinc inde lenocinante calamo flosculi, ceù Tabulis umbræ, adblandiuntur.

L. 2, cap. 4. *Facile est remedium ubertatis, inquit Fabius, sterilia nullo labore vincuntur.*

Alii quoque aderunt, qui me arguent, cùm sese frustratos spe viderint, ingentem  
hic



hic remediorum sylvam expectantes. Atque in hoc quidem malum crimine affici, quàm laudibus prosequi. Si quid in hoc peccaverim, scio me ab Doctis Viris facilè veniam impetraturum. Sapientibus ego scribo, Artisque Magistris, atque iis, qui *nobiliores animos aliquandò erexere, nec toti amplius sunt in curarum sordibus.* Mihi sufficit innuisse, quibus indicationibus satisfaciendum est, quo etiam ordine, & tempore; Etenim in eo præcipuè stat Medicina Practica, ut genuinas indicationes expiscari valeamus, non ut remedia excogitemus, quibus illis satisfacere possit, quod qui minùs observarunt, Empiricos àrmis instruxêre, quibus Medicorum opera imitari queant. Historiam trado morborum, non præcepta, aut præsidia, quibus hi curari debent. Quod si de hoc, aut illo auxilii genere mihi passim occurrit verba facere, observatoris id instar potiùs exequor, quàm Præceptoris. Sic e.g. de Peruviano Cortice loquens fatiùs duxi, quid ille boni præstiterit, adnotasse, *alboque obsignare lapillo*; Eveniet

Bacon. Hist.  
Vitæ, &  
Mortis in  
Præfat.

hinc



hinc aliquandò, quod mutata temporum facie conscribere occurret, quid is noxæ adtulerit ægrotantibus. Formulas quod attinet remediorum, Pharmacopæos adeat, qui hoc sibi in pulvere laudem quærit, ac famam. Id unum mihi potissimum in animo est, *Divinum* illud in Morbis revelare, horum indolem, ac morem, ingeniumque expendere, in quo quidem non tam metam figo, quàm animos iis addo, qui feliciore ingenio præditi ad hoc opus posthac se accingent, quod jam ego imperfectè molior.

Ceterùm nolim quis existimet, me huic operi faciundo accinctum esse, ut inanem gloriam aucuparer, meumque per ora hominum nomen utcumque volitaret. Solus veritatis amor, & communis utilitatis studium ad has partes suscipiendas impulerunt. Quid quantumque hoc meum sit, prudentis, ac boni Viri iudicium esto; Mihi satis superque erit, illud, & publicæ utilitati, & præsertim Subalpinorum incolu-  
mitati consecrasse.



## BREVARIUM.

I. **C**onstitutiones cuiuscunque Anni exarandi mos perutilis maximè, ac necessarius; Magna hinc rebus nova expectanda lux ac claritas. II. Autumni Anni MDCCXX. Constitutio, morborumque tum temporis ludentium indoles. Colicæ feliciter curatæ exemplum, Cadaveris sectio Viri immani Colicâ interempti. Valvularum ieiuni intestini, quas conniventes vocant Anatomici, usus. Ingens in Ileo repertum diverticulum, seu processus alter vermiformis. Num peculiaris id fortè affectus, seu herniæ causâ aliquando? Clariss. Morgagnius Professor Anatomicus Patavinus cum laude memoratus. Bartholinus, Diemerbroechius, Verheienius, Riolanus laudati. III. Ingens hiatus Diaphragmatis. tum plurimum effusi sanguinis in Thorace compertum. Antiperistalticus motus intestinorum impossibilis. IV. Vulgaris Febris, quæ sub æquinoctium Autumnale caput extulerat, descriptio. V. Erysipelata exarata febris pedissequa. VI.

Quo



Quo hæc pacto ludere visa. Orientales ac  
 Boreales Ventos eadem fermè efficaciam apud  
 Subalpinos pollere; Cur iidem medio sæpè  
 Vere perflantes hibernum frigus adferant.  
 VII. Morborum inter se invicem conver-  
 siones ac lusus. Quis horum totius Anni  
 Princeps; Qui alterius, ac inferioris or-  
 dinis? Quo more erumpere visa Erysipe-  
 lata; Locorum positiones potissimum ex-  
 pendenda. VIII. Erumpentis Erysipelatis  
 indicium. Quæ evanescentis prologia; Quæ  
 Medico artes in eius curatione. IX. Na-  
 tura morborum Medicatrix; Hippocratis  
 ex Macrobio elogium. Medicorum pleri-  
 que imperitis navigantibus comparati. X.  
 Ramazzinus laudatus. XI. Sanguinis  
 missio tutissimum in hæc Constitutione præ-  
 sidium nullo non tempore celebrata. XII.  
 Erysipelatum, tum inflammatorii cuius-  
 que affectus initia. XIII. Horum Phæno-  
 mena quæ? XIV. Abeuntium inflamma-  
 tionum modus, seu finis quotuplex? Du-  
 retus laudatus: Spbaceli, ac carcinomatis  
 incrementa. XV. Quæ appetente Vere ex-  
 pectanda morborum proles? XVI. Ab san-  
 guinis



*guinis illa stasi potissimum repetenda.*

*XVII. Medici Taurinenses commendati.*

*XVIII. Exaratas febres cum intermittere-  
tibus ita dictis nullam prorsus affinitatem*

*habere. XIX. Intermisionis dies nihil  
penitus levaminis adferebat. Neque in*

*omnibus eadem rigoris accessio. Ægro-*

*rum recensio. XX. Baglivius laudatus.*

*XXI. Morborum successiones timendæ.*

*XXII. Novæ inter horum Epigeneses im-  
pares sæpè Naturæ conatus evadere. Te-*

*meni Neptis Historia ex Hippocrate.*

*XXIII. Malorum complexus omnis in*

*Ægroto septimo expensus. XXIV. Ex-*

*trema morituræ hyemis impetus. XXV.*

*Cuidam repente sublato latæ ad cutim ma-*

*culæ visæ post mortem subnigræ. XXVI.*

*Dureti locus examinatus; Peculiaris spe-*

*ciei Icteri curatio. XXVII. Cuius momen-*

*ti sint hepatis aggritudines in Praxi.*

*XXVIII. Puellarum affectus hyeme in-*

*gravescentes. XXIX. Fluor albus Mulie-*

*rum quo pacto curandus. XXX. Quæ il-*

*lius scaturigines. XXXI. Diuturniorum*

*affectuum, qui hoc anno sævierunt, cura-*



*tionis scopus, ac ratio. XXXII. Venæ sectio proficua. XXXIII. Sanguinis lentor morborum ferè omnium hoc anno parens; Practici quamplures notati; Quæ detrahendi sanguinis æquior meta. XXXIV. Servandæ vires potissimum. XXXV. Celsi locus explicatus. XXXVI. Ardentis febris curatio; Quid in hac præcavendum maxime ac prænosendum. XXXVII. Diuturnarum ægritudinum enarratio. XXXVIII. Arthritidis vagæ curatio. XXXIX. Ut & Hemicrania. XXXX. Peculiaris Hemicrania tum temporis ludentis historia. XXXXI. Iugularium sectio quonam ævo celebrari cepta. Galeni liber de Vivorum Anatomie commentitius; Tum & Sorani Ephesii alter, qui introductio inscribitur. Iacopus Carpenfis laudatus. Riolanus Pater, Hildanus, Guastavinus laudati, & reprehensi. XXXXII. Iugularium structura ac distributio. XXXXIII. Artis esse Naturam, quo illa vergat, perspicere. Antiquissima Derivationis, ac Revulsio- nis vocabula facilius intelligi ab recentioribus. XXXXIV. Derivantia tutius usur-  
pari*



*pari postrevelentia, quàm econtrà. Cælius Aurelianus notatus. XXXXV. Venarum è capite orientium parens Iugularis. Ophtalmiæ Diuturnæ curatio. Scarificationes ad vetustos oculorum affectus quo more instituendæ. Hascè administrandi modus quotuplex ex Oribasio. XXXXVI. Veris, atque Æstatis Constitutio. XXXXVII. Morborum per ea tempora sævientium Historia. XXXXVIII. Peripneumoniæ, ac Vomiciæ frequentiores cæteris. XXXXIX. Pleuritis quo pacto à Peripneumoniâ secernenda. Quæ huius præcipua ac perennis nota. Dodonæus citatus. L. Ab pulsu utriusque dignotio eruenda maximè. Anatome Medicis necessaria. LI. Anaxionis Historia ex Hippocrate. LII. Vomicarum, ac Peripneumoniarum incunabula ab communi causâ deducenda. Suppurationis imminētis præludia. LIII. Ægrorum recensio altera. Sphaceli impendentis indicia. LIV. Cur aliquandò suppurationis, ac Sphaceli in denatorum cadaveribus vestigia occurrant. Ballonius citatus. LV. Quæ in hac Constitutione præ-*



*sidia proficua fuerint, quę eadem noxia,  
 ac pernicioſa. Agyrta cuiuſdam, ac im-  
 poſtoris audacia. Corticis Peruviani uſus  
 quid præſtet, quove in caſu adbibendus.  
 LVI. Præſatę peſtoris ægri-  
 tudines reapſe Eryſipelata Pulmonum dicenda. Cur ad  
 peſtus magis, quàm ad alias partes mor-  
 bifica materies illapſa. LVII. Ab ruenti-  
 bus viciffim Australibus, ac Borealibus  
 Ventis quodpiam acidum inter & acre  
 per aera ferri, quod exaratas attulit ægri-  
 tudines. LVIII. Clar. Gagliardus lauda-  
 tus, & reprehenſus. LIX. Imminentis  
 Gangręne, aut Spbaceli præludia. LX. The-  
 riace vis ac efficacia in huiusmodi rerum  
 fluctibus. Foreſtus notatus. LXI. Vomi-  
 carum generatio, ac incrementa. Vomica  
 folliculata quę. LXII. Altera Vomica-  
 rum ſpecies ex Villiſio. Cadaveris ſectio  
 tabe extincti. LXIII. Puris ac parulenti  
 diſcrimen. LXIV. Pus malum, ut ſignum,  
 & ut cauſa. Obſervatio Præctica. LXV.  
 Cæterorum per ſæſtatem ſævientium mor-  
 borum enarratio. LXVI. Nova Vomica-  
 rum Scena diverſo more erumpentium.  
 LXVII.*



LXVII. *Dira alui Tormina Augusto ingravescencia. Magna Puerperarum clades.*

LXVIII. *Et solida, & liquida precipuam morborum Scenam hoc anno extitisse. Iuvenis sectio Peripneumoniâ defuncti. Pylorus omninò occlusus in Ascitico repertus.*

LXIX. *Monstri Bicipitis Historia.* LXX.

*Authoris de huiusmodi Monstrorum generatione opinio. Monstrorum divisio in multiformia, & uniformia. Pestalossius Philosophus, ac Medicus Lugdunensis cum laude memoratus. Eiusdem ad Authorem Dissertatio Epistolaris de Monstrorum generatione, ac causis.*

LXXI. *Huiusmodi Monstrorum generatio in oviparis. Ovarii Gallinarum descriptio ex Graafio.*

LXXII. *Gemellorum ortus, ac productio. Clariss. Vallisnerius laudatus.*

LXXIII. *Massiliensium Pestis narratio.*

LXXIV. *Pestem inter ac contagiosos morbos, tum bosce, ac ceteros, qui non contagiosi vocantur, discrimen.*

LXXV. *Natura Pestis quesita diù, reperta nondùm.*

LXXVI. *Animalculis exiguiissimis universum aerem scatere negari haud posse. Harum*

*mira*



*mira fecunditas, velox interitus. Iis verò  
 Pestium ortum referre minimè deberi un-  
 quàm. LXXVII. Quotquot seviere Pestes  
 hætenùs hyeme, aut æstate illas exortas.  
 Insectorum id systemati adversum prorsùs.  
 LXXVIII. Res ultrò asseritur, ac com-  
 probatur. LXXIX. Quod de volucribus  
 insectis, potiore id iure de cæteris quæcum-  
 que illa excogitentur, dici. LXXX. Ve-  
 neni nomine nihil fingi posse aptius, at-  
 que appositum magis ad Pestis naturam,  
 atque effectus explicandos. LXXXI. Ma-  
 ximas res ab minimâ persepè causâ  
 exoriri multiplici experimento probatur.  
 LXXXII. Miasmatum horum venenato-  
 rum ortus, ac propagatio. LXXXIII. Con-  
 tagiosorum affectuum notionem plurimùm  
 ad Pestis naturam revelandam conducere.  
 LXXXIV. Comparatio inter systema ge-  
 nerationis, ac systema Pestis. Officiosa  
 Authoris ergà Clariss. Viros, qui de Peste  
 scripserunt, peroratio.*



# I V D I C I V M

## De hoc Opere.

**D**Emandante Reverendissimo Patre Magistro Io: Alberto Alferio Vicario Generali Sancti Officii Taurini perlegi, *Illustrissime, & Praclarissime Doctor* Librum tuum, cui titulus MORBORUM VULGARIIUM HISTORIA ANNI MDCCXXI. , Illumque summo prorsus, ac iucundo mentis oblectamento saepe percurrentes inveni laboriosum iter elapso Anno intrepido animo viriliter incæptum, indefesso pede, ac firmiore gressu à Te constanter perlustratum; Quapropter eruditissimos Tuos labores Tibi Decus, & Gloriam, Reipublicæ lumen, & utilitatem allaturos Typographo committendos, ut glorioso apertæ lucis splendore illustrentur libentissimè censeo, cum nihil damnandum, cuncta in illis ergà Religionem, mores, Regem, Philosophicam, & Medicam Scien-

Scientiam / commendatione dignissima  
contineantur. Perge Amice Dilectissime,  
Spartam, quam nactus es, illustrare,  
quodve feliciter cæpisti iter, gloriosè per-  
solvere. Vale. Taurinorum Augustæ.  
III. Kalend. Iunii MDCCXXII.

*I. A. Manzini Regis Medicus Ord.  
& Consil.*

---

**IMPRIMATUR.**

*F. Jo. Albertus Alferius Magister Vi-  
carius Generalis S. Officii Taurini.*

*V. De Aguirre Reg. Adv. & Studior.  
Censor.*

*V. Hyacinthus Cassotti à Casalgrasso  
pro Illustrissimo, & Excellentissimo D.  
P. Preside Ricardi.*



# CONSTITUTIO EPIDEMICA

TAURINENSIS ANNI MDCCXXI.



I. Nstituto meo inhærens  
prægressam Constitutio-  
nem, qualiscunque ea  
fuerit, in fine cujuslibet  
anni describendi, eò li-

*Constitutio-  
nes, cujus-  
cumque an-  
ni exarandi  
mos peruti-  
lis maximè,  
ac necessa-  
rius.*

bentiùs id exequor, quod exacti nuper  
Constitutio anni ab eâ, quam superiori  
expertum fuimus, toto penè cœlo diversa  
uberem explicet contemplationum sege-  
tem, quo nihil in re Medicâ tractandâ  
utilius unquam, tum rectæ medendi me-  
thodo, (quod Venerandi olim Senis, idem-  
que Magni illius Angliæ Cancellarii vo-  
tum fuit, consiliumque,) appositum ma-  
gis, aut accommodatum: Satque prolixam  
dicendi materiem suggerat, quod alte-  
rum quoque magnam profectò rebus lu-  
cem, ac perspicuitatem afferre poterit ali-

*Magna  
hinc expe-  
ctanda re-  
bus nova  
lux, ac cla-  
ritas.*

A

quandò



quandò . Deinde etiam animosum me ef-  
fecerant magis , majoresque ad rem sedu-  
lò , alacriterque gerendam , ac munus  
quod mihi persolvendum quotannis con-  
stitui , riè , diligenterque perficiendum,  
addiderant vires , ac velut impulerant  
Eruditi quotquot in Italia , tùm extra Ita-  
liam degunt Clarissimi Viri de re omni  
medicâ , ac literariâ optimè meriti , ad  
quos prima hujusce Telæ stamina , pri-  
maque studiorum meorum incrementa  
pervenere .

*Autumni  
anni  
MDCCXX.  
Constitutio,  
morborum-  
que tùm  
temporis  
ludentium  
indoles.*

II. Ut igitur, ubi superiore anno de-  
fuit Oratio mea , inde initium ducam ,  
blandiores unquam , amænioresque Au-  
tumni dies haud illuxerant diù , hiscen-  
tibus per intervalla ab Aquilonaribus  
Oris, tùm ab iis , quæ ab gelidâ Arcto  
ad Orientem declinant, lætioribus ventis,  
qui temperato inducò frigore salubrio-  
rem temporum conditionem induxere ,  
silentibus omninò dirorum morborum,  
quos passi sumus , Parentibus Austris.  
Plurima namque pluvia Septembris ini-  
tio delapsa , mox subsequens horridius-  
cula



cula aura, quæ superiore Autumno, perque hyemem dein, ac anteaactam æstatem se se prodiderant, exitiales febres Variolarum, ac Morbillorum, quæ facem illis prætulerant, vestigia insequentes ac morem, heù infandum nimis, in fugam verterat; ortumque dederat intermittentibus febribus, quæ jam tùm proludere cæperant, lætioresque, saltem funestam minus, Subalpinis futuram rerum scenam polliceri. Subirascebantur utique ac quandoque remigrare rursus, pedemque referre, ac subludere videbantur nondum deletæ illæ penitus, atque harum affecclæ, comitesque, immanes, immitesque Colicæ, Nephritici, ac Podagrici affectus, tùm Spasmodicæ ægritudines cæteræ superiore anno exaratae. Earum tamen vis nec diù quidem, nec imperiosè adeò sævire, nec præterquam ad paucos tantum, unum scilicet atque alterum extendi visum; Quibus vel familiares jamdiù aderant illæ, vel recrudescentes potiùs reliquæ, ac priorum morborum soboles; Ceù propè interitum, ac jam delinquens cande-

4 *Constitutio Epid. Taurin.*

*Colica, Au-  
tumno re-  
currentis  
feliciter  
curata  
exemplum.*

*Cadaveris  
sectio Viri  
immani  
Colicâ inte-  
ruptâ..*

læ, aut ellychnii lumen per intervalla ad-  
huc reviviscens dein omninò deficit, ex-  
tinguiturque. Fortè etiam ob uberri-  
mum vini proventum liberiore pede si-  
biniet unicuique indulgendi concessa fa-  
cultas, lætissimis Autumni diebus, or-  
tum exaratis recrudescentibus ægritudi-  
nibus dedit, sæviendique adhuc im-  
perium. Strenuus Miles, cum vesperè ci-  
bo, ac recentis meri potationi nimis in-  
temperanter indulserit, dimidiâ nocte di-  
ris ventris cruciatibus angi cæpit unâ  
cum vomitionibus inanibus, ac irritò de-  
sidendi conatu; Summo manè cum jam  
ferè animam agere videretur, elato ni-  
mirum, ac tympani in morem protenso  
ventre; fotu, balneo, anodynis, ac oleo-  
sis plerisque opportunè adhibitis, felici-  
ter evasit. Minus læta res obtigit Præno-  
bili alteri, ac Præclaro Viro, qui cùm  
unâ cum amicis ruri degeret, recentio-  
ris vini potu, etsi modum, ac sobrieta-  
tis limites minimè excesserit, Colicis do-  
loribus, quibus obnoxius olim fuerat, ex-  
templò correptus, celeri fato occubuit.

Aperto



Aperto cadavere abdominis musculos, tum obliquos præsertim, transversosque intensos admodum reperimus, atque adeò prærigidos, intentosque, ut perquam acuto cultro difficile adhuc foret illos abscindere: Ventriculus, ac Duodenum intestinum vacuum penitus occurrit, secus Jejunum, ac illi affine Ileum, quod utrumque flatu tumens, ac valdè tensum se se intuentibus obtulit, adeò ut oblitteratæ ferè vix conspicerentur amplius in horum altero valvulæ, quas numerosas plerumque cernere in illo est *con-* *niventes* dictas Anatomicis, rectius fortè *rugas*, aut *juga*: Rugarum enim hæ potius instar se habent ab pariete interno intestini efformatæ, ceù juga quædam præterlabenti liquido remoram modò, modò eidem per varios amfractus, ac orbes contendenti opem præbentia auxiliatricem. In externâ porrò Ilei facie ingens visum diverticulum paullò infra illius exordium, duos transversos digitos longum, ceù processus alter vermiformis, eâdem quâ Ileum figurâ, latitudi-

*Valvularum jejunæ intestini, quas conniventes vocant Anatomici, usus*

*Ingens in Ileo reperi-  
tum diver-  
ticulum,  
seù proces-  
sus vermi-  
formis.*

ne,

ne, atque substantiâ, cumque ejusdem  
intestini tubo, lato orificio, communi-  
cans. Sæpè ego hujusmodi diverticula, seu  
processus, ut illa vocat *Verhejenius*, in  
Ileo reperisse, olim memini in cadaveri-  
bus præcipue Virorum, quibus colicæ  
humorales, ut ajunt Practici, frequentes  
obtigerant. An id quidquam lucis alla-  
turum magis in re medicâ; An & hinc

*Num pecu-  
liaris id for-  
te affectus,  
seu herniæ  
causa ali-  
quando.*

potiùs ortum ducat peculiaris affectus al-  
ter, de quo haud ità pridem memine-  
rant ( *a* ) Viri Doctissimi in *Commentarijs*  
*Regiæ Scientiarum Academiæ Parisiensis*,  
cum nempè haud ipse intestini tubus, sed  
ea dumtaxat diverticula intra herniæ sac-  
culum coercentur, exercitioribus Me-  
dicis decernendum relinquo. Plura quo-  
que de hisce Ilei, tum Recti diverticu-  
lis, herniisque, in quibus illa interci-  
piuntur, verba facit, ubi & suas itidem  
observationes addidit, Clarissimus, ( *b* )

( *a* ) *Vide Comment. Reg. Scient. Acad.  
Paris. ann. 1700.*

( *b* ) *Advers. Anat. III. animadvers. V.  
pag. 8.*



ac toto Orbe Celeberrimus *Morgagnius* Clariss. Morgagnius Professor Anatomicus Patavinus cum laude memoratur.  
 Anatomicorum hujusce Ævi facile Princeps, cujus eruditioni, peritiæ, ac Doctrinæ levis nimis hæc est æqualaudis Præfatio. Optandum utique, quod *Bartholinus*, *Diemerbroechius*, *Verheijenius*, tum & *Riolanus* ipse (c) audacior æquo criticus, rerum Anatomicarum, ac Medicarum scientiâ insignis, qui Bartholinus, Diemerbroechius, Verheijenius, Riolanus laudati. laudatis viris facem tulit, idemque tria non nunquam hujusmodi diverticula, seu processus adnotasse ait, morborum historiam sincerè nobis, fideliterque exarassent illorum, quorum in cadaveribus id observaverant; Fortè enim quidquam ex hoc dilucidè, ac præclarè magis nobis in hac re modò innotesceret. Sed de his aliàs; Neque enim fas est in ipso Orationis limine diutiùs extra orbitam divagari.

III. Prodigiorum verò, ut institutam semel Anatomicam cadaveris sectionem prosequar; Prodigiorum maximum, ac celeris necis causa penès Septum transversum

(c) *Anthrop. lib. 2. c. 14.*



## 8      *Constitutio Epid. Taurin.*

*Ingens hia-  
tus Dia-  
phragmatis,  
tùm pluri-  
mum effusi  
sanguinis in  
Thorace  
reperitum.*

versum latens in conspectum tandem sese prodidit, quod dilatatum aderat, immane quantum! Ibi potissimum quò intercostalis nervus ad imi ventris viscera abit. Per hunc namque ingentem hiatus, quâ datâ portâ viam sibi ultrò in Thoracem fecere Colon, Pancreas, tum Epiploi magna pars. Plurimum in sinistro Thoracis claustro effusi sanguinis ab disruptâ Pancreatis venâ conspiciebatur, ac sinister Pulmonis lobus totus penè sub scaleno musculo altè absconditus, adductusque. Quæ quidè omnia eò libentiùs à me adnotata sunt, diligentèrque exarata, quò vera Colici sic dicti affectûs Idea nobis elucescat magis, quæve tot sæculorum spatio Arabum mentibus excogitata invaluit diù Antiperistaltici motûs doctrina, ceû fictitia, ac mechanicis legibus adversa omninò, tandem aliquando obsolescat, aboleaturque, facem ferentibus laudatissimis, tum in Angliâ, tum in Galliâ viris, qui detegendo in dies Vero unicè, ac gnaviter jamdudum incumbunt. Ad vulgares febres, quæ

*Antiperi-  
stalticus  
motus inte-  
stinorum  
impossibilis.*



quæ sub ipsum Æquinoctium, ac diù adhuc post ipsum toto Octobri, ac Novembri mense exeuntis Anni MDCCXX. caput extulerant, me conféro.

IV. Hæ quidem utut intermittentium indolem, ac morem toto sui decursu quodammodo prætulerint, ingeniumque; Attamen quid insolentis, quodve reipsâ vulgare quidpiam, ac reverà *Divinum* inesse iis ominabatur, præseferebant.

*Vulgaris febris, quæ sub Autumnale æquinoctium caput extulerat, descriptio.*

Neque enim diuturniores adeo extitere, quas quisque Medicorum jure meritò suspicabatur, quasve futuras, vel ipsa quoque Anni temporis conditio suadere poterat. Dolor insuper intensus capitis, idemque assiduus febrilis paroxismi afflecla, eique sæpè proludens; Oculorum rubor; Pulsus parvi, humilesque; Ingens corporis iactatio, quid denique in ipso ægrotantium vultu, ac vrinis facilè conspicuum intuentibus, quid intimè latens, aut superioris fortè ludentis adhuc constitutionis residuum, aut illi quæ iam propè impendebat, antecurrens, quid inquàm ab consueto intermittentium febrium genio, ac

*Quid soler-  
ti Medico in-  
cumbendum  
maximè.*

more diversum subcludere significabat. Iam  
tùm scilicèt cudebantur mox eruptiu-  
ra mala, aut propè orientia eadem anteire  
ceperant, ac elucescere. Atque hæc qui-  
dem potissima esse debet solertis, ac di-  
ligentis Medici cura, ingruentium nem-  
pè morborum excursus sedulò adnotare,  
vel minutissimas circumstantias, ac occa-  
siones castigatissimo examine expendere,  
atque uno verbo *primam*, ut aiebat Hip-  
pocrates, *malorum originem* detegere;  
Unde futuros rerum eventus magnâ sui  
laude prædicere queat, ijsque occur-  
rere.

*Erysipelata  
exarata fe-  
bris pedisse-  
qua.*

V. Nec equidem omen fefellit exitus.  
Propè namque ingens illicò imminente sol-  
stitio Erysipelatum numerosa cohors,ùm  
intrà Urbis muros,ùm longè, latèque per  
universum agrum, atque ad finitimas us-  
que regiones propagata est, silentibus tum  
temporis aut saltem ferocitate depositâ  
parciùs sævientibus præfatis intermitten-  
tibus sic dictis febribus, diviso velut in-  
ter alterutrum imperio, ac facultate lu-  
dendi. Raræ tunc, ac insensæ minùs  
agri-



ægritudines cæteræ quæ appetente hyeme solent potissimum in Subalpinam gentem se se immittere. Omne adeò imperium sibi, potestatemque irascendi erogaverat præfata morborum progenies, infesta initio multis, funesta paucis.

VI. Eius namque aderant moris, atque indolis, ut ludere magis quàm sævire, laceßere potiùs, quàm vincere vel le viderentur. Favebat ludentibus læta hyems Austris perflata frequentibus, at qui mox subsequenti Subsolano, aut altero quopiam è gelidioribus ventis terga dabant victoribus. Ludere ventos reverà quispiam dixerit inter se invicem, se se vicissim excipientibus Australibus modò, modò Orientalibus, immitique Boreâ, atque ità reciprocantibus imperijs altero alterius iram coercente, sævitiemque. Præ cæteris verò Orientales maximè ab medio circiter Januario ad finem usque Februarij lenissimè perflarunt tranquillo, ameno, & sedato prorsus Cælo. Atque id quidem observare erat, quod cum primùm hi spirare cæperant Septembri mense fu-

*Quo illa pa-  
cto ludere  
initio visa.*



*Orientales,  
ac Boreales  
venti eâdem  
fermè effi-  
caciâ sub-  
alpinos ver-  
berant.*

*Cur iidem  
medio per-  
sæpè vere hy-  
bernæ fri-  
gus indu-  
cant.*

gatis illicò Austris, qui heù luctuosè ni-  
mis sævierant diù, exaratae statim febres  
intermittentes prodire, quæ quidèr rur-  
sùs hiscentibus iterùm Australibus  
ventis imminui, aut saltem mitiùs lude-  
re videbantur; Recrudescere hæ verò dein,  
cum silentibus illis prorsùs, Orientales per-  
flabant, aut gelidus Boreas, quorum utri-  
que eadem fermè efficacia concessa est,  
quia eâdem, similique ratione condensa-  
tum, ac frigidum aera ex vicinis monti-  
bus adferunt. Sæpè etiam memini medio  
Vere, aut impendente propè Æstate in  
nostris regionibus, iisdem perflantibus,  
tùm Orientalibus præcipuè, frigus ple-  
rumque recrudescere magis; Quòd eve-  
nire arbitror, cùm nives in toto excelsò  
Alpium, quæ ad Boream imminet, tùm  
abrupto Apennini tractu jacentes, altio-  
ri Sole factò liquecant, frigidasque partes  
in nostrum aerem vehunt. Quantum  
namque frigus immittat Atmospheræ nix,  
vel glacies soluta præclaro experimento  
inde demonstrari potest, quod Spiritus  
vini rectificatus nivi adfusus tantum ge-



lu efficiat ut liquor aqueus in propinquo  
mox in glaciem convertatur.

VII. Hosce inter ventorum, ac mor-  
borum lusûs cernere erat modò Erysipela-  
ta, modò exaratas febres intra suum se fe-  
alveum condere, ac propè extingui; Nul-  
lus verò præfatis febribus, etsi ingruen-  
te hyeme in fugam verti viderentur pror-  
sûs, nullus inquam iis negaverit unquam  
omnium, qui labente anno erupturi erant,  
morborum principatum, ac veluti prædo-  
minium. Quisquis namque morborum  
circa æquinoctium autumnale maximo-  
perè furit, is totius anni constitutioni no-  
men impertit suum; quod à Doctissimis  
Viris jam diù adnotatum scio: atque ob  
id fortè mos erat *Hippocrati* Constitutio-  
nes Epidemicas, quas sermone eleganti  
adeò, atque ad rei naturam appposito exa-  
ratas reliquit, ab Autumnali Æquinoctio  
inchoare, propè occidentibus Vergiliis.  
Nec insolita quidem res est Epidemicorum  
Principem, qui sub Æquinoctio Autum-  
nali præ cæteris invaluit, initio hyemis  
mitiùs laceßere aliquandò, cum ex adver-  
so,

*Morborum  
inter se in-  
vicem con-  
versiones, ac  
læses.*

*Quis horum  
totius anni  
Princeps;  
qui alterius,  
ac inferioris  
ordinis.*



Sydenhami-  
us citatus.

Quo more  
erumpere  
visa Ery-  
sipelata.

Quâ illa Vr-  
bis parte  
numerosiore  
agmine se se  
prodiderant.

so, ut rectè advertit Magni nominis Vir Sydenhamius, ( a ) Epidemici inferioris ordinis, qui sub eo merentur, tunc temporis præsertim ingravescant, & rerum potiantur, donec dictus anni Princeps eorum vires frangat, & deleat nomen. Huiusmodi aderant memorata Erysipelata, quæ ludentibus vix orta hyeme Austris caput extulerant. Cæperant quidem illa primò paucos tantum invadere; mox verò ceu rupto aggere torrens in apertum magis erumpere, hosque atque illos nullo discrimine aggredi, nec Civibus modò, sed & universis penè Subalpinis gentibus infensa, atque illis præsertim, quæ iis in locis degebant, quæ ab Australibus ventis verberari magis consueverant. Quod vel ipsa intra Urbis mænia advertere erat: Eâ namque parte numerosiore agmine sævire illa visa sunt, quæ meridiem adspicit, nova Vrbs dicta ab Immortalis memoriæ Principe CAROLO EMMANUELE SECUNDO inchoata, aucta dein, perfecta- que ab Piissimâ, atque ad Magnarum Prin-  
cipum,

( a ) Morb. acut. sect. 1. cap. 2.



cipum , ac Reginarum exemplar natâ  
 MARIA IOANNA BAPTISTA, tùm ab  
 AUGUSTISSIMO REGE NOSTRO  
 VICTORIO AMEDEO , præclarâ Do-  
 morum structurâ , eleganti Viarum am-  
 plitudine , editisque Templorum cer-  
 vicibus nulli pulcherrimæ Urbium secun-  
 da . Ea scilicet ventorum indoles est, ut  
 sivè lenitèr , mitique flamine spirent, si-  
 vè rupto ceù turbine , feraque miscentes  
 murmura præcípites ruant, quidquid in  
 altum tollitur, ac inane per æthera fer-  
 tur, secum unâ ferant per mille id ipsum  
 vias , ac itinera mille necem hominibus  
 adferre potens . Uter verò in universum  
 exitialis magis Boreas ne aut sæuus ab al-  
 to ruens Aquilo , an circa terram ser-  
 pens illi oppositus Auster ? an qui ab or-  
 tu incumbunt, aut qui *vespere ab atro*  
 confurgunt , discernere nemo ausus ad-  
 huc , cum læthiferos quisque effectus in-  
 duxerit sæpè; tùm maximè cum vel diù  
 nimis , vel minimè servatâ temporum  
 lege dirè, crudelitèrque desæviunt? Edi-  
 scere id quidem , ac prænoscere par  
 ille

*Locorum po-  
 sitiones po-  
 tissimè ex-  
 pendendæ.*



ille unicè erit , qui locorum positiones, temperiemque Cœli uniuscuiusque Urbium propriam rectè expenderit , tum plures unà invicem observationes, Astronomorum more , ac exemplo , instituerit diù, aut ritè contulerit institutas .

VIII. Utque Erysipelatum morem, quo ea scilicet pacto eruperant, fusiùs, ac propiùs exponam ; Plerisque illa absque ullo proludente signo in hac, aut illâ corporis parte inopinatò apparebant. Aliis

*Erumpentis  
erysipelatis  
indiciũ.*

vehementissima febris prodituro Erysipelati facem tulerat, eratque iam propè erumpere impendentis Erysipelatis indicium certissimum, ipsa remissa extemplò febris, deficiensque. Ejusmodi aderant febres, quas reverà erysipelatosas dicere fas est, quæ superioribus annis, cum latissimè sævientes variolæ cumulatissimam edidere stragem, hisce præire consueverant, ac propè iam eminentes prænunciare. Eruperant autem in vultu potissimum; Nonnullis humeri, aut crura obfidebantur.

*Quæ evanescentis prodicia.*

Statim verò ac detumescere videbatur facies, aut quælibet alia affecta pars; Conturbaturba-



turbari hinc ceperat lenitèr alius, atq; hoc pacto intra paucissimos dies morbus integrè absolvebatur. Haud paucis hemorragia primis periodis è naribus prorumpens felici fidere restituit rem. Huic proludebant Hypochondria dura, tumida, dolorosa, aut intensus capitis dolor, aut oculorum rubor, aut tinnitus aurium. Ceteræ quæque Crises, quas sæpè moliri Naturam novimus, iisque morbo exitum dare, aut impares prorsùs aderant, aut illas experiri malum. Totum quod erat *Quæ Medico artes in eius curatione.* Artis opus, in eo innitebatur, ut ipsa Medicatrix Natura eò libenter contenderet, quò duci annuebat. Quod si oneri ferendo impar foret, haud deerant Medentibus Artes, quibus labentem erigerent, ac sublevarent, quo læta dein crisis per eas, quas ostenderat illa vias, succederet.

IX. Et sanè haud paucos memini nullius Artis ope, solâ Medicatrice Naturâ *Natura morborum Medicatrix.* sanatos: Haud exigua saltem spes salutis erat, totum concedere opus Naturæ, aut eius moribus per opportuna remedia obsequi. Equidem ut in morbis omnibus,



*In acutis  
morbis cu-  
randis ma-  
gnâ Medico  
opus pru-  
dentiâ, ac  
circumspe-  
ctione.*

*Hippocratis  
ex Macrobio  
elogium.*

*Medicorum  
plerique im-  
peritis navi-  
gantibus  
comparati.*

ità in acutis potissimùm, tùm in Erysi-  
pelate præsertim, ac morbo omni inflam-  
matorio haud exiguâ Medico opus est  
doctrinâ, prudentiâ, & sagaci cunctatio-  
ne, imò religiosâ naturæ motuum obser-  
vatione, aliter perniciosi nascentur erro-  
res. Magna utique Sapientiæ pars est  
mentem à præjudiciis liberam servare,  
nec dirigentis Naturæ motus per intem-  
pestiva Medicamenta prævertere. Novit  
id unum Magnus *Hippocrates* Iatricæ fa-  
cultatis Parens, atque ex illo celebri  
*Macrobi* elogio *fallere nescius, & falli*,  
qui diversis passim in locis, tùm præcipuè  
in libro de *veteri Medicinâ*, quâ summâ  
incumbendum sit prudentiâ, & circum-  
spectione in re Sacrà tractandâ, sic ille  
vocat medendi Artem, præclarè admonet  
Medicos, quorum plerosque iam tùm  
temporis idem in se admittere noverat,  
quod imperiti Navigantes: *Etenim, qui  
in tranquillitate, ait, navim gubernan-  
tes delinquant, manifesti non fiunt; At  
si ventus magnus, ac tempestas ipsos  
depræbenderit, tunc conspicui fiunt pæ-*  
*lâm*



lām omnibus hominibus, quod ignoran-  
tia, & erroris sui culpā navim perdide-  
rint. Pervenustam, pulcherrimamque  
de hoc argumento Orationem olim in Pa-  
tavino Lyceo habuit Clarissimus Ramaz-  
zinus, quam unā cum cæteris eiusdem  
celeberrimi Viri operibus Genevenses  
Typographi superioribus annis edidere.

*Clariss. Ra-  
mazzinus  
laudatus.*

X. Atque hic loci mihi de Erysipela-  
te, tūm in universū, tūm in specie, eius  
scilicet quod totā in Urbe, atque Agro  
tunc temporis sæviebat maximè, verba fa-  
cienti, in mentem subit Consilium Me-  
dicum quod Latino Carmine nunquam  
fatis laudatus Vir exaravit ad præclaris-  
simum nostri sæculi Poetam diro huius-  
modi in cruribus Erysipelate laborantem.

*Ejusdem ad  
celeberrimū Poe-  
tam Erysipe-  
late labo-  
rantem Con-  
siliū Medi-  
cum, elegiaco  
carmine  
exaratum.*

Quàm pulchrè, quàm elegantèr, quàm  
doctè Divini Senis Oracula elegiacis  
versibus expressit, ac propè dixerim il-  
lustravit! Hos ego haud abs re futurum  
dixi Orationi meæ adnectere, ceū gem-  
mam, aut monile quodpiam eximij ful-  
goris.

Ad Ill. , &amp; Reu. Dom. Abbatem

## MICHAELEM CAPELLARIUM

*Poetam Celeberrimum Erysipelate laborantem Consilium Medicum.*

„ **C**Rura Tibi, ut scribis, dirum Erysipelas adurit,

Vir bone, nec reperis qui levet ar-

„ *te malum.*

„ Plurima promittent Medici, namque id

„ *Medicorum est,*

Sed Tu ne fidas, nam dare verba solent.

„ A pingui, atq; oleo, veluti cane (a) & an-

„ *gue caveto,*

Unguina succenso dant alimenta foco.

„ Pinguia quin faciunt partem (b) putrere

„ *perustam,*

Nasceturque Ulcus, quod cachoetes

„ *erit.*

„ Nec minùs herbarum succos apponere

„ *tentes,*

Crura nec ut mos est, lacte fovere velis.

„ Talia

(a) *Hipp. de affect. n. 57.*

(b) *Hipp. 7. apb. 20.*



„ Talia quippe nocent, coguntq; recurrere  
morbum,

Qui ex imo ad summum proliciendus  
(c) erat.

„ Quid faciam ergò inquis? Tu sustine, &  
abstine, talis

Decubitus criseos est, mihi crede, loco.

„ Intereà in lecto recuba, & suffusa rubore

Aere ab externo membra tuere precor.

„ Sic etenim poterit sensim expirare quod  
urit.

Hęc fat nota Coi sunt documenta Senis.

„ Tuè ergò observa ac tristes animo ex-  
pue curas,

Sitque bene ut valeas unica cura Tibi.

„ Noli dum langues, Musis, Phæboque vi-  
deri

Tam charus, quin sis charior ipse Tibi.

Aurèum itaque hoc maximè præcep-  
tum in mentem sæpè revocandum, iùm in  
Erysipelate curando præsertim, quod idem  
amico Poetę laboranti consulebat Vir Do-  
ctissimus,

(c) *Id. 6. Apb. 25.*

Etissimus: *sustine* nempe, & *abstine*. Talis enim decubitus Naturæ victricis conamen est, ac criseos loco, quam si aliò avocare contendis, *putredo*, ac *suppuratio* expectanda illicò, funesta quantum!

XI. Totum ideò, ut quæ semel dicta sunt, iterum repetam, concredendum aderat Naturæ opus, cum præfertim, quod moliebatur, conficiundo muneri par illa foret, nec administram Medici opem efflagitaret. Advocanda utique quandoque erat in auxilium Ars, quæ quidem copiosâ celebratâ semel, aut etiam repetitâ, si vires tulerint, Sanguinis missione è cubiti Venâ, aut è Saphenâ, ubi opus adesset, hoc uno plerumque subsidio *utramque*, ut ajunt, *paginam* adimplebat, tum apparente nondum, aut propè iam eminente Erysipelate, tum etiam ipso iam adulto penè, nedum tamen remissâ penitùs febri, aut alio quopiam adhuc perseverante, quod urgebat magis, fero, immitique Symptomate. Hæc una aderat potior solertis Medici cura; Quod reliquum erat faustè id celeritèrque absolvebatur quiete, victu tenui,

Sanguinis  
missio tutis-  
simum in  
hâc constitu-  
tione præsi-  
dium omni  
tempore ce-  
lebrata.



tenui, liquido, antiphlogistico, potu simili, medicamentis diluentibus, & refrigerantibus simul, vel singulari dote acrispecifico oppositâ præditis.

XII. Hostile namque acre illud Austri-  
nis flatibus elatum, quod idem superio-  
ribus annis diras pepererat ægritudines, *Erysipela-  
tum tum in-  
flāmatorii  
cuiuscumq;  
affectus ex-  
ordia.*  
id ipsum, si quid ego hic judico, nedum  
subactum penitus, diversi tamen generis  
particulis commixtum, quas gelidus Bo-  
reas superiore Autumno præmaturè adtu-  
lerat, cruoris rubri arteriosi, inque mi-  
nimis canalibus stagnantis attritum effice-  
re par erat, atque hinc *phlogoses* indu-  
cere, vel in finibus arteriosis, vel in va-  
sis lymphaticis arteriosis, dilatatis osculis,  
admissos globulos rubros per fines trans-  
mittere non potentibus. Quidquid enim  
erodendo, crispando, adurendo vasorum  
extrema ità arctat in Conicis, Cylindricisve,  
ut diameter aperturæ fiat diametro Sphe-  
ræ Sanguinis minor; Quidquid cruorem  
aut lympham cogit ut coeat, aut eidem  
violentum motum præbet, quorum utrum-  
que ab acriorum corporum præsentia ex-  
plicari



plicari fat apud potest; quemcumque id inflammatorium morbum, Ignem, ut aiebat, *Hippocrates*, aut *phlegmona*, qui omnes ob causæ, & effectuum similitudinem ab Igne nomen habent, gignere satis est in minimis æquè arteriis, ac Lymphaeductibus. Ut enim in cruore rubra, sic in lymphâ alia est forte pars crassior reliquis.

*Eorundem  
Phænomena*

XIII. Quoties verò inducta semel stagnatio liquidi in vasis est, sive acre illud specificum, sive aliud quodcumque sit quod lympham aut cruorem cogat, finesque vasorum urat, erodat, aut distrahat; Acti adhuc ab superstite vitâ cruoris vis eos ipsa effectus inducere par est, erupturi, aut propè iam erumpentis, aut erupti tandem Erysipelatis, aut phlegmonis produdia, ac incrementa: Arteriæ namque primò minutæ, vixque visibiles obstru-  
tæ jam à Sanguine distendente augentur; Hinc tumor ruber, sive prima Erysipelatis Scena. Vasa mox lymphatica arteriosa antea pellucida, & invisibilia eadem patiuntur; Unde augmentum rubedinis;



bedinis : Distenta dein vascula rupturæ propinquant in fibris minimis , ac valdè invicem compinguntur liquida , & solida; Hinc dolor punctorius , durities , renixusque partis adulto iam propè Erysipelate , adauctoque. Cætera hinc repetenda Phænomena , rubedo splendens , calor , æstus , debilitas , molestia , febris, ab attritu partium liquidi inter se in solidum, tum solidi in illas , ab rubro accumulato , ab irritatis fibris , ab celerius per aperta viarum actio sanguine , Mechanicis hæc eadem omnia legibus præclariora , atque illustriora .

XIV. Exorientis hæc adultique Erysipelatis proludia . Posteriores illius Scenam exegerat Natura, quod incæperat illa opus, absolvens . Id verò resolvendo potissimum assequebatur , qui idem lætissimus ac tutior modus est, quo morbi inflammatorii exire solent . Obque id præcipue Artis Magistri , ac Principes Viri ab oleosis ac pinguibus , tum topicis , quæcumque ea sint , refrigerantibus , anodynis cavere jubent, ne aut pinguior factus humor , ac

*Quotuplex  
aberrantium  
inflammatio-  
num modus,  
ac finis .*

D

spis-

spissior, effusus idem, tum glutinosus magis suppurationi præbeat facem, qui alter modus est quo terminatur inflammatio; aut retropulso forte, inque parte affectâ hærente adhuc atroque facto magis, *gangrena*, aut *Scirrhus* oriatur, tertius illa, hic quartus abeuntium inflammationum finis. Hinc ubi sæpe occulta manent Erysipelata, atque intima illa obsident delubra, in acutas, aut lentas ægritudines desinunt; Velocis eadem aut lentæ mortis causa, cum scilicet, aut in sphacelum, sive ut ait *Ducretus* Subalpinorum Medicinæ decus eximium, in *Systrophemphlegmonicam* abeunt inflammatae partes ut in lypiria febris, seu, ut illam vocat *Baglivius*, *Erysipelate* alui; aut coacta eadem forte in glanduloso tuberculo iners materies in Scirrhum tandem degenerat, qui ut Sphacelo gangraena, carcinomati idem, seu cancro à similitudine sic dicto præludit inevitabili fato, ut in diuturnis obstructionibus glandularum contingere sæpè videmus post assiduas febres neglectas, aut malè curatas, atque earum præ-

*Ducretus*  
*Medicus*  
*Pedemon-*  
*tanus lau-*  
*datus.*

*Sphaceli*,  
*ac carcino-*  
*matis incre-*  
*menta.*



præfertim glandularum, quæ liquorem facilius inspissandum obtinent, vel ratione loci stagnare plus cogunt.

XV. Mihi equidem numerosam adeò tunc dierum latissimè oberrantium Erysipelatum cohortem vix ingruente hyeme extemplò editam adultamque animo reputanti haud inanis utique metus subiit ne forte appetente Vere acriora facta spicula, sævientibus maximè atque unà invicem assiduo more inter se confligentibus Australibus, ac Borealibus ventis, dirioribus malis ortum præberent, ac incunabula, quibus iam tum proludere illa videbantur. Metuendum scilicet ne huiusmodi *Systrophes phlegmonicæ* intrà pulmones tandem ceù in Principe Theatro subluderent aliquando; Statim atque hyberno exacto frigore, ac novo concitato tumultu in liquidis aptior foret præfatis, exoticis particulis aditus, quo intra eademmet liquida eâ, quâ pollebant diù, crudelitate sævirent; Notum jam tum scilicet erat perspectumque mihi, quàm mala cubaret in præcordiis labes. Nec va-

*Que proximo verè expectanda mala.*

num utique , atque inanem prorsus metum effecerat ventorum unà ludentium indoles; Utriusque enim flatus sæpenu-mero Subalpinis potissimum exitiosi extitere , tum maximè , cum se se vicissim excipientes , atque alterno ludentes flamine varias , ac discrepantes inter se invicem alterationes aeris gignunt . Cum verò aereo hocce fluido nobis circumflutum liquida , cum solida æquilibrii perennitatem illius acceptam ferant , quo vita ipsa capit semel , ac servatur diù ; Sitque inter duo hæc nostri corporis componentia , liquida nempe , & solida ipse aer veluti libræ *canon* , atque *examen* cui utraque parent , ac obsequuntur . Conspicua res est alterato libræ *canone* servatura eadem haud amplius esse instituti æquilibrij legem , ac proindè tot inter discrimina rerum jure meritò suspicari fas esse imminente propiùs vere nova oritura mala , quibus nigram facem jam tùm præbuerant ludentia passim Erysipelata , tùm pronus heù nimium hoc anno ad *Stasin* cruor , tùm quæ *Epide-*  
*mici*



*mici primi Ordinis*, seù anni Principis Morbi dignitatem sibi comparaverant exoræ paullò ante Arcturum febres, quas etsi intermittentium plerasque morem servasse meminerim, quid tamen *Sacrum* ac re ipsâ ingens inesse iis, solertibus Viris iam tum visum aderat, perspectumque.

XVI. Sane ut ab Erysipelatum narratione ad exaratas febres gradum faciam, exercitationibus utique haud imposuerant illæ, vel primo sui initio, quippe eam, quam prætulerant primo adspectu faciem, facile coniecere erat simulatam esse, subque eâ Laruâ, ac simulationis artificio magnum latere aliquid se se manifestiùs ostensurum aliquandò. Enim verò cum nihil huiusmodi unquam superiore anno contigerit, eruere erat statum liquidorum toto jam penitùs Cœlo discrepare ab eo, quem ipsamet liquida dudum obtinuerant: Ad *Stasim* scilicet magis illa vergere, eaque proinde præcavenda mala, quæ ab prono ad concretionem sanguine ortum ducere novimus. Atque hanc quidem novam rerum Scenam induxerat no-

*Sanguinis stasis, seu ad concretionem pronitas potissima morborum, qui hoc labente anno sæviere, causa.*

va anni Constitutio appetente Librà, statim atque hiscere cæperant ab gelido Aquilone Septembri mense flatus, qui diathesin Aeris extemplo prope immutârunt.

XVII. Memini equidem me pluries tùm temporis de iis quæ Subalpinis propè impendebant currentis decursu anni, ægritudinibus, sermonem habuisse cum celebrioribus Artis Magistris, quos eximie mihi laudi foret debitâ honoris præfatione singillatim recensere, si prolixiorem me esse fineret dicendarum rerum magna feges, ac dignitas. Edoctum fecerat antea cta superioris anni Constitutio, quæ ab sanguinis fluore, quæ ex adverso ab eodem ad fixitatem ac lentorem properante, quæ rursus ab hac vel illâ aeris crassitudine timenda magis, ac prævidenda sunt. Ecquid autem perspicuum magis, quàm ab tendente ad concretionem Sanguine ea quidem prænoscere, ac prænunciare, quæ ab minus veloci tramite progredientibus liquidis, hinc ab consueto eorundem more abludentibus solidis necessario subsequi



sequi, atque expectanda esse Mechanicæ nos leges docent, quibus tùm liquida, tùm solida inter se invicem elegantiludunt spectaculo ? Ut exacto anno prodierant mali ingenij febres, tùm quæ sub iis merebantur spasmodicæ ægritudines cæteræ, illæ ab sanguinis fluore ortæ, hæ ab exoticarum particularum spiculis, quas una secum invexerant dirè, ac diù sævientes Austri; Novâ modò rebus inductâ facie à priori diversâ prorsùs, nova quoque morborum proles caput extulit, quos anteire, ac ceù prima acies celeritate vincere visæ fuerant recèns enatæ Autumno febres. Tantùm scilicet adhuc intra liquida res erat brevibus circumscripta finibus, propagatâ nondum ad solidas partes labe. Et sanè ut parva sæpè scintilla magnum excitavit incendium, novæ hinc, totque ortum duxerant ægritudines, quæ omnes quidem ab uno fonte progerminarunt, unâ omnes, ac eâdem methodo profligandæ, etsi pro diversâ, quam induerant, larvâ inter se invicem differre quodammodo viderentur.

*Exaratas  
febres nullā  
cum inter-  
mittentibus  
itā vulgo di-  
ctis affinita-  
tem habere.*

XVIII, Enim verò si præfatas febres attentius expendit quispiam, si harum ortum, ac incunabula, morem, ingeniumque, otiosè singula, & consideratè perpendimus, atque hæc omnia in animo verè cogitamus, nullam prorsus illas inter ac febres intermittentes itā vulgò dictas originis affinitatem comperimus. Sic quidem illas vocare lubet ab intervallo paroxismi interjecto, ut morem Practicis veteribus geram, quibus olim appellationes febrium, quibus dignoscuntur, à quâlibet sanguinis alteratione, vel symptomate particulari desumere satius visum fuit, quæ diversæ speciei febribus pari jure possunt competere. Quidquam tamen inesse iis peculiare, arcanæ anni Constitutioni referendum, nilque penitus cum intermittentibus vulgò dictis commune, aut hisce proprium iùm ipsa febris indoles, iùm quæ sub illâ ludebant per hyemem Erysipelata, ad quorum adspectum sese illa toties abscondere visa est, iùm quæ deinceps proximo Vere, ac æstate sese prodiderant ægritudines aper-  
tè



tè fatis ostenderant. Nec quidquam vetat *Erysipelatosas* nuncupare, aut si mavis dicere, *Ignneas*, ab urente sensu caloris, inductâ in liquidis stasi; *Hemitritæos*, sive *Semitertianas* dixere Veteres de qua febre doctissimum vide *Duretum*, in *Coac. & suum*, quem ità benè commentatus est *Divinum Senem* 1. *Epid. com.* 3. *aph.* 5. Neque enim abs re erit hæc febris concipere, ceû accensionem quamdam erysipelatofam cruoris ad fixitatem vergentis, qui idem statim ac perflantes Austri rarefactum magis æra effecere, anteaçti lentoris vestigia in hac, vel illâ externâ corporis parte deposuit; Ubi verò denuò hiscente Boreâ constriçtus magis, condensatus ac compressus aer evadebat docente Barometro, eadem iterum redibant febres, intra ipsamet liquida rursùs sese condente igne; Qui idem aut Phrenitides plerumque, aut funestas huc illuc *systrophes* ludens pepere-  
rat.

XIX. Ac revera intervallum illud Paroxyfmi interjectum larva erat, seû simu-

E

lationis

34 *Constitutio Epid. Taurin.*

lationis integumentum, quo incautiores aliquandò hujusmodi febres fefellerant.

*Intermissio-  
nis dies nihil  
penitus le-  
vaminis ad-  
ferebat.*

Cernere erat in hoc apirexiæ statu, si modò ità dicere fas est, ægros non ut mos est in cæteris febribus, penè omninò sublevatos pleno inter duos quoque paroxysmos intercedente intervallo, aut potius vexatos penè dixerim magis, anxios, pervigiles, siticulosos, ore, oculis, ac fronte turbatos; Pulsus aderat parvus, humilis; urina impensè rubra; tensivus capitis dolor, dirus, ac immitis prorsùs, æquè ac sub ipso febris statu, ac incremento; Nullus quoque tùm accensionis initio vomendi conatus, aut ullum vel levioris nausææ vestigium, quod hærentem in primis vijs mali fomitem ostenderet, quàm citissimè removendum; tùm declinante paroxysmo emergens sudor, quo apparente solent intermittentes febres per vices desinere. Summa namque rerum, ac potissima morbi causa ab Phlogisticâ liquidorum crasi, ac proindè turbato eorundem progressu repetenda erat. Quod quidem probè distinguere, tùm probè



probè noscere opus aderat, ut inde curativæ indicationes ritè dirigerentur; Ali-  
ter exulcerabatur magis res, stupente  
Medico, ac morbi malignitatem perpe-  
ram accusante. Neque etiam, ne quis  
me immemorem prorsùs credat, ac re-  
rum, quas sub oculis habuimus nuper,  
oblitum, eadem aderat singulis æqua ri-  
goris accessio. Quidam enim exiguo  
horroris vestigio; Plerique valdè sensi-  
bili rigore corripiebantur. Nonnullis pri-  
mo tantum accessu, ac febris aditu, haud  
paucis ad singulas accessiones, ac vices  
idem rigor, ac horror supervenit. Ho-  
rum plurimi toto apparentis Apyrexia  
decurfu molesto quodam frigoris sensu  
detinebantur, pulsu vix elato, ceù ex-  
quisitâ tertianâ laborantibus aliquot an-  
te accessionem febris horis contingere  
solet. Quidam etiam properante ad exi-  
tum morbo unâ cum iudicatione mayo-  
ri horrore obriguere. Sæpè id latentis  
diù vomica inopinatò disruptæ prælu-  
dium extitit; Autumno quidem, ac per  
hyemem omninò pauci: Vere, ac æstate

*Neque in  
omnibus  
eadem rigo-  
ris accessio.*

longè plurimi. Vix quemquam novi absque sanguinis è naribus, aut ab hemorrhoidalibus venis profluvio sanatum. Utrique horum conturbata sæpè alvus prolusit, aut quod inchoaverant opus, absolvit. Quibus nihil hujusmodi obtingit, Phrenitide per hyemem, ac Veris initia correpti sunt, quorum neminem servatum vidi. Orto autem Vere plerique lætâ pulmonum suppuratione, dummodò in docti, ac solertis Medici manus inciderent, incolumes evasere. Quæ quidem sequentibus ægrorum recensitionibus illustriora efficere pergam.

### *ÆGER PRIMUS.*

**S**utoris Uxorem propter Regias Archigymnasii Ædes degentem, quas superioribus annis vix confecto bello, Magno ac Rege digno sumptu è fundamentis erexit, atque hoc ipso Anno MDCCXX. XIII. Kal. Decembris festis-

*Ægrorum  
quorundam  
recensione s.*

simâ pompâ, omnique lætitiæ apparatu Musis referavit INVICTISSIMUS REX,  
ignis



ignis ut *Hippocratis* verbo utar, hoc est vehementissima febris cum rigore prehendit. Huic inter exordia intensus capitis dolor contigit, lumborumque, ac præcordiorum dextrorum, quæ quidem mox fluentibus menibus allevata sunt. Sexto die rursus suborto rigore exasperata sunt omnia. Somnia non aderant, extrema frigida, pulsus parvus, sitibunda erat, adusta alvus pauca demittebat. Septimo pulsus elatior, urinas reddidit impensè rubras, levius habuit. Octavo rediit rigor, capitis lumborumque dolores intensi magis, lingua sicca, urens, fuliginosa. Nono quievit; Undecimo sub noctem conturbata est alvus, multaque prodire cum bilioso affluxu. Decimoquarto perturbatâ iterum alvo perfectâ judicatione absoluta fuit.

*ÆGER SECUNDUS.*

**M**ulierem quamdam gemellas laboriosè enixam, cum non admodum partus purgamenta processissent, primum

primum quidem febris corripuit horro-  
 ris sensu haud exiguo; Mox capitis, &  
 cervicis gravitas non sine dolore tenuit.  
 Postridiè molestè habuit, non dormivit.  
 Tertio die repetiit una cum rigore fe-  
 bris, pulsu parvo, humili prorsùs, ab-  
 jecto, præcordiorum anxietate magnâ,  
 siti multâ, inordinatè quidem, & incon-  
 stanter perturbatâ, rursùsque consistente  
 alvo. Septimo paullò elatior pulsus; sub  
 Vesperam febris rediit, exiguo prælu-  
 dente rigore. Octavo lochia repentè  
 fluere, atque uno, eodemque temporis  
 momento latis pustulis subrubris sædari  
 visa cutis, quæ ad tertiam usque vicem  
 sese ostenderant, condebantque vicissim.  
 Capitis mox, ac cervicis dolor remisit.  
 Quievit. Undecimo copiosè adhuc fluenti-  
 bus lochiis integrè convaluit.

### *ÆGER TERTIUS.*

**P**Ræsul dignissimus, qui juxta Dianæ  
 Templum, nunc Sacram *Confrater-*  
*nitatis Sancti Spiritus* ædem decumde-  
 bat,



bat, febris acutâ correptus est cum rigore. Lingua resiccata erat, siticulosus, bile abundans, somnum non cepit. Postridiè vix horum vestigium aderat. Tertio, quinto, ac septimo per vices repetiit febris unâ cum intenso dolore capitis, qui interjecto paroxysmi intervallo augebatur magis, quin etiam vix elatus pulsus toto Apyrexix tempore percipiebatur. Nono in sinistro femore splendens rubedo apparere visa in Orbem veluti, ceû lata macula paullò supra femoris articulationem cum Tibiâ, quæ citò priorem deferens locum in superiori femoris parte sese prodidit, mox in ejusdem lateris Tibiâ haud longè ab malleolo interno, Thaleri Imperialis magnitudinem haud multum superans. *Erysipelas volaticum* appellant. Decimoquarto copiosa è naribus hemorrhagia superveniens morbum feliciter absolvit. Huic alvus ab initio continenter biliosis liquidis multis diffluebat, aut si consisteret, fervida, & cruda deiciebat. Urinæ per totum morbi decursum rubræ  
ad-

admodum sublime quid in medio suspensum habentes.

### ÆGER QUARTUS.

**N**obilissima Mulier, quæ propè Collegium Patrum *Societatis Jesu* habitabat, ubi filiam enixa est, nec purgationes irent, eam tertio die acuta febris cum horrore corripuit. Octavo deliravit, statimque ad intelligentiam rediit. Undecimo per intervalla soporis quâdam specie detinebatur. Sub noctem extrema paullum perfrixere, sed mox recaluit: Mente nonnihil mota est mediâ nocte: Duodecimo sub tempus matutinum latenter obiit. Aperto cadavere plurimum grumosi sanguinis in cavo uteri repertum, tum vasa quæque uteri sanguinea distenta valdè, ac ferè varicosa; Intestinorum externa facies atro suffusa colore; Hepar prægrande admodum. Potissima vero mortis causa in dextrâ uteri tubâ sese prodidit, ubi disrupti recens tumoris vestigium aderat,



rat, ac inundantis adhuc materiæ albæ, sædæ, teterrimæ. Plura mihi quoad morbi historiam, tum anatomicam cadaveris administrationem scire haud licuit ab Medicis, qui tum curationi, tum sectioni intererant. Sanè eiusdem, ac reliquæ, quæ tum temporis sæviebant febres, indolis hanc fuisse, quâ nobilissima Mulier fato cessit, fidem fecerat indubia *Archigenis* conjectura, tum quæ illam sequebantur Phænomena, tum quæ in cadavere obviam venerat puris copia, disruptus Tubæ abscessus, vasorumque per uteri substantiam repentium varicosa tensio ab lentescente cruore, unde phlogistica primum labes, mox suppuratio ortum tulit.

*ÆGER QUINTUS.*

**A** Dolescens tum illustri stemmate, tum morum candore, ac probitate præclarus, qui propè Templum *B. V. Angelorum*, decumbebat cum ejusmodi Erysipelate, cujus supra memini ægroto

*tertio* per Autumnum laborasset quo crura modò, modò pubes, ac finitimæ Scroto partes infestabantur; Mox auriginosus extemplò factus, acutâ dein febris, extremâ hyeme, quæ cum exiguo rigore primùm, mox absque ullo rigore pervices repetiit, correptus fuit; Pulsu vix elato, qui idem per totum morbum permanerat, magnâ capitis gravitate, siti ingenti, adustâ alvo. Quod postremum quidem in omnibus ferè hujusmodi febribus ægrotantibus adnotare erat. Reliqua, quæ ad morbi decursum pertinebant, cum ea distinctè unquam scire mihi concessum haud fuerit, reticere magis lubet quàm exarare. Sextò ingenti oborto stertore celerrimè periit, lenatâ fortè, ut ego suspicor, ac propagatâ ad pulmones labe, quæ tùm per hyemem simulatè incedens proximo mox Vere larvam abjecit.



## ÆGER SEXTUS.

**I**urisconsultum juxta *Theatinorum domum*, quâ ad forum itur Olitorium, febris à cænâ vehemensprehendit; Noctem laboriosam transegit. Postridiè per totum pedem ad talum usque tumor subruber, ac tensus valdè apparuit, cujus in centro atrum quid aderat, ac subnigrum. Infantiâ correptus est; Ex alvo merè biliosa plurima processere. Paulò post convulsionibus à capite subortis celeri fato interiit. Ingenii erat tetrici admodum, atroque vultu, abque hominum consortio omninò alienus, ceu *Mysanthropos* alter.

## ÆGER SEPTIMUS.

**P**ari quoque etsi veloci minùs fato sublatuſ est piissimus Sacerdos *Congregationis Oratorii Divi Philippi Nerii*, mihi amicissimus; Is cum initio hyemis diro cruris Erysipelate laborasset,

set, paullò post, medio scilicet Januario desipere levitèr cæpit, mox in furorem repentè agi unà cum feбри acutâ statis vicibus repetente. Urinæ aderant pallidæ, decolores, tenues, atro quodam in iis suspenso, quod in acutis plerumque morbis Phrenitidem præfagire solet; Oculi protuberantes, trucesque; Facies tetra, vultuosa, horrenda adspectu; Lingua nigra, pulsus durus, respiratio rara, & magna; fæces albæ; collectio floccorum. Præcesserant hiæce somni turbulenti, Stillicidium narium, oblivio subitanea, alvus suppressa diù, ac mæror ingens tùm propè imminentis, tùm præsentis mali præludium idem, ac comes. Rogatus ego una cum Parente meo, ut ægrotanti opem præberem, eius sententiâ, & auctoritate nihil præsentaneum magis visum fuit, quàm ea citissimè validissima remedia adhibere, quibus tolli posset inflammatio ad cerebri arterias orta; Missiones nempe sanguinis repetitas, diluentia ex decoctis antiphlogisticis, nitrosis affatim exhibita,



ta, pediluvia, Epispastica, Cucurbitas, clysmata, & his similia, quibus ex voto obtigit ferocitatem morbi compescere, apparente iterum ad crura Erysipelate, cujus præsentiâ, ceû læto enitente fidere exarata symptomata quæque mitius extemplo laceffere, ac dein sese subducere prorsus visa sunt. Hæc una namque salutis spes erat materiam morbificam, ut cum Practicis loquar, in parte Principe dirè ludentem, quam vincere prorsus haud poterat Ars, ad crura revocare, quò illa primum erroris sui notam reliquerat. Atqui evanescens brevi recens ortum Erysipelas, omnemque deindè eludens Artis opem sævioris mali omen tulit. Facta namque ad pectus indomiti humoris metastasi, inque exili pulmonum membranâ, ac tenellis vasorum reticulis obortâ phlogosi, læthalis Peripneumonia impedito sanguinis traiectu successit, quæ nullum faciendæ amplius Medicinæ locum reliquit. Nil melius *bonâ crysi*; Nil pejus, & mortiferum magis, quàm prava metastasis, vel egref-

egressionis progressus ad pessimam *Epi-  
genesin*. Mala enim orta malis gravissi-  
ma inferunt mala, quæ sunt veluti so-  
boles quædam tùm *Pblegmones*, tùm qua-  
litis malignæ, & partium oppressa-  
rum.

XX. Atque hæ sunt selectiores *Ægro-  
rum* historiæ eâ, quâ passim in adversa-  
riis festinante calamo exaratae fuerant,  
styli perspicuitate, ac brevitate, quod  
in historicâ narratione potissimum expe-  
titur, conscriptæ. Quæ quidem haud  
exiguam lucem afferent, tùm iis, quæ  
superiùs attuleram, tùm quæ adhuc di-  
cenda manent plura, per Autumnum,  
ac hyemem gesta, perque totum dein cur-  
rentis anni decursum. Enim verò, ut  
de harum postremâ tantum eloquar, quan-  
tum ab hac una lucis in morborum suc-  
cessionibus dignoscendis, præcavendis-  
que, quam sibi illustrandam, exornan-  
damque Spartam constituerat seriore Li-  
bitinâ dignus Illustris *Baglivius*; Quan-  
tùm inquam lucis, claritatisque eniteat  
nemo non videt. Equidem magna hæc  
est

*Baglivius  
laudatus.*



est Sapientiæ laus morborum conversiones, non leves illas utique, & parvi momenti, quæ frequentissimè occurrunt, & succedendi progressum, ac normam constantem servant, at quæ vel solertioribus sæpè negotium facessunt Viris, futuras nosse, ac velut è specula prævidere; Sæpè hinc novum orientem, aut recens ortum morbum vel ipsa inter exordia reprimere contigit auspicato.

XXI. Timendas morborum successiones scitè non minùs, quam doctè admonuit ex *Galleno Ballonius*, ac diù olim, qui utrique præluxit, Magnus Artis Dictator *Hippocrates*; Timendas utique, atque eò magis considerandas, quod hæc inter conversiones, ac transmutationes morborum multa passim symptomata contingant, quæ bonis, & eruditis Medicis ob similitudinem, & fallaciam persæpè imponunt, & novi morbi tamquàm rediviva soboles ex aliis subindè consequantur, atque repullulent. In unum verò calamitosior est morbus, qui alteri succedit per metastasim materiæ

*Morborum  
successiones  
timendæ.*

riæ morbificæ in Partem Principem fractis jam viribus. Nemo namque dubitat, quod materia prioris morbi mitior sit, quam secundi per metastasim nati.

*Novas inter  
morborum  
Epigeneses  
impares ple-  
rumque na-  
turæ cona-  
tus.*

XXII. Nec difficile erat coniicere tot inter nova orta mala imparem, ac propè effectam Naturam haud posse amplius diù ludentis impetum eludere, illius vim, feritatemque compescere. Simile quid olim Panormi obtigisse memini Præclaro Equiti Triremium Præfecto, cui ad tertiam usque vicem enormem Tragædiam dirum luserat in crure Erysipelas, totidemque illud vicibus gravior alter morbus exceperat, quò tandem, nùm auxiliatricis Artis ope, an Naturæ potiùs victricis auxilio incertum adhuc, utriusque saltem beneficio, conturbata spontè alvus, tùm copiosa contingens ab hemorrhoidalibus venis sanguinis evacuatio desperatam jam penè rem opportunè restituit. Nihil autem hujusmodi, quidquid molita fuerit Ars, Piissimo Viro contigit; Errabunda namque materies vix erroris monumenta prodidit;

Ma.



Magnum profectò lentoris argumentum, quo ceù compede obstricta liquida haud poterant amplius in libertatem adigi, ac certanti Naturæ obsequi. Neque enim Criseos loco erat, aut imparem potius Naturæ conatum ostenderat recurrens ad crura Erysipelas, quod læthali tandem Peripneumoniæ *lampada* præbuit; nil namque paullum criticum unquam. Pro morbi verò magnitudine impar heù nimis aderat Erysipelatis in crure vestigium; Ità *Teimeni Nepti* ( *a* ) apud Senem Magnum in acutâ, & magnâ febre metastasis facta est ad digitum, & mortua est, *cum non sufficeret ad suscipiendum* exigua adeò pars quidquid expellere Natura tentaverat. Cæperat ipsa quidem, nec potis fuerat inchoatum motum absolvere, infausto prorsus iudicio, exituque infelici; Ceù cum exhibitum olim venenum post multos annos derepentè exortio in parte aliquâ externâ dolore homines celeriter exinguit. Atque tunc ego quidem cum recurrere

G

vidi

( *a* ) *Seçt. 1. lib. 2. Epidem.*



vidi Erysipelas absque ullâ aliâ manifestâ crisi, dirioris mali omen adstantibus haud sine magnâ Artis laude prænunciavi ( *b* ) *Avicennæ* consilio edoctus, cujus utique fraudis, & inemendabilis doli infinita propè exempla legere est apud *Hippoc. & Galenum*, aliosque Medicinæ Principes, atque Antesignanos. ( *c* )

*Malorum  
complexus  
omnis in  
ægroto septi-  
mo attentè  
perquam  
expendendus.*

XXIII. Dignaque sanè quæ attentius expendatur, hæc ipsa aderat tot invicem morborum conversio, atque successio. Erysipelati namque, quod primum in crure proluserat, Phrenitis successit, huic alterâ vice Erysipelas, atque huic postremò Peripneumonia, quâ tandem vitâ defunctus est æger. Totidem malorum successionibus totidem quoque cernere erat ludentis unâ tempestatis mutationes obsequi. Cum primò enim Erysipelas

( *b* ) 2. 4. tract. 1. c. 29.

( *c* ) l. 4. Epid. tract. 81.

*Id.* l. 3. Epid. tract. 2.

*Id.* l. 1. Prorrhetic. sect. 2. com. 17.

*Petrus à Castro* sect. 4. §. 44. & seq.

*Bagliv. Pract. Med. lib. 1. pag. 51.*



sipelas præluxerat, Austrina Constitutio  
vigebat, quæ ad plures dies propè ap-  
petente Solstitio perduravit. Successerat  
hinc gelidus mox ab Aquilone flatus,  
ac tùm quidem in Phrenitidem factus est  
transitus. Dein verò repetentibus Au-  
stris, Erysipelatis iterum in crure vesti-  
gia graviore morbo prælufere; Novo  
namque inducto repente frigore, Borea-  
lium ventorum afflatu, postremum Tra-  
gœdiæ actum absolvit inopinatò oborta  
læthalis ima inirà præcordia *Systrophe*,  
quâ tunc dierum plures celeriter è vita  
migrarunt, atque hos inter Senes po-  
tissimùm, tùm qui ferosâ ad pectus col-  
lue conflictabantur diù. Tot scilicet ma-  
lorum transmutationes ab diversâ Ae-  
ris Diathesi, quod *Divinum* illud est,  
ac reverà Sacrum Mortalibus, profici-  
scebantur, impendentium morborum pro-  
ludia, ac incrementa.

XXIV. Propè namque imminebat  
prævisa diù nova malorum Soboles, quo-  
rum præcipua Scena inirà Thoracis de-  
lubra parabatur. Prodire quidem

*Extrema  
moritura  
hyemis im-  
petus.*



jam tum per hyemem caperant exitiales pectoris ægritudines, at errantis potius in morem nedum auferant adhuc sese palam, apertoque Marte prodere. Nondum enim larvam abjecerant penitus exortæ Autumno febres; Quin imò attollere hæc magis caput properante Vere visæ sunt, novo recens, atque acerbissimo oborto frigore, quod luctuosam rerum faciem ipsa inter Veris exordia reddiderat. Denso hinc agmine visæ foras erumpere Arthritides, Hemicraniæ, Anginæ, atque unà cum toties exaratis febribus ultrò, citròque ludere, quibus illæ ceu ingruente hyeme Erysipelata, ac Epidemici inferioris subfelii famulabantur. Uno in Monialium Cætu *Divæ Mariæ Magdalene* omnes ferè Vestales anginâ correptæ extremos morituræ hyemis conatus dirè pertulerant. Quidam quoque è Civibus, cum magis ingravesceret frigus, repentinâ morte sublati sunt. Quosdam etiam memini hosce inter tumultus repentiè insanientes, quibus nil tale unquam contigerat.



tigerat. Plerisque ulcera per hyemem prodire maximè in pueris, & præcipuè pedibus, digitisque eorum, nonnullis etiam in manibus. Rubor cum inflammatione mediocri aderat. Haud paucis pustulæ oriebantur, dein exulceratio. Prurigo modica, dolor ingens; Multis humor exibat, sed non admodum, qui referre, vel pus, vel faniem videbatur. Dira æquè iis quoque extitit hyems, quos diuturniores ægritudines dudum vexaverant; Plerique horum namque ad interitum iusto celerius forte properarunt, atque hi potissimum, qui Scorbuto, Phthysi, aut Hydrope laborabant dudum. Hos inter Scorbuticis præcipuè frequentissimæ obtigere hemorrhagiæ læthales ex ipsâ cute externâ non apparente vulnere, quod, mirabile dictu, observatum fuit in Pictoris filio septenni propè *Collegium Nobilium Patrum Jesuitarum*; In Cauponis uxore ad *Forum Carolinum* jam quinquagenariâ propè, tùm in Questoris famulo haud longè ab Foro *Castri dicto*; Potissimum verò ex labiis, gingivis,

*Atrocis  
Scorbuti  
Historia.*

givis , ore , naribus , utero hujusmodi excretiones obtigerant . Memorandum Mulieris exemplum adhuc subit læthali hujusmodi ex raninis venis hemorrhagiâ brevi temporis intervallo peremptæ . Cæperat illa diù olim Scorbuto dirè vexari innupta adhuc . Nupta dein sæviùs per vices recurrere sæpè malum consueverat, quod quidem ingravescere magis , ac vires *acquirere eundo* ostenderat: difficilis magis , anhelosa , ad motus vel paucos ferè deficiens respiratio ; Dolores varii, ac vagi per omnes internas , externasque corporis partes mira producentes tormina Colica , Hysterica , Iliaca ; Rubræ modò , modò flavæ , ac violaceæ maculæ in cute apparentes ; Crurum tumor accedens , recedensque ; Oris fætor ; Gingivæ tumentes , adque minimam pressionem evomentes cruorem ; Dentium vacillatio , ac nigredo ; Quodque funestissimum aderat , varicosi annuli ad raninas venas , quibus cinopinatò referatis læthalis oborta est hemorrhagia , cui obfistere nulla Ars potuit unquam . Huic

Soror



Soror aderat, quæ atrocibus æquè conflata malis haud abfimili prorsùs fato biennio ante vitam cum morte commutaverat. Utrique harum cum tenellâ adhuc ætate forent dira scabies, ac improba ulcera futuri incrementa mali præluferant, quibus sicca dein ac lenis Elephantiasis successit.

XXV. Horum alteri, quos tùm temporis repentè è vivis sublatos memini, latæ admodùm maculæ, ut ab Chirurgo ore didici, qui inspiciendo cadaveri accitus fuit, ut quæ celeris adeò, citæque necis causâ fuerit ad eos, ad quos id spectat, renunciaret; latę inquam admodùm maculę in universo corporis ambitu conspiciebantur; colore violaceo, ac ferè subnigro, tùm quæ præsertim præcordia, cruraque, ac totum vertebrarum tractum occupaverant. Magne id quidem inductę in liquidis stagnationis monumentum. Id namque est exiguas inter, quas *exanthemata* Græci vocant, ac latas maculas discrimen

*Cuidam repentè sublato latæ ad cutim maculæ post mortem visæ subnigræ prorsùs.*

*Exiguas inter, ac latas maculas discrimen.*

men, quod illę fusionis, ( *a* ) ut superiore anno, adnotavimus; hæ coagulationis potius, ut ajunt, præludia sint, quod idem mihi assidua per sexdecim ferè annos apud Subalpinos praxis edocuit. Illę febribus continuis, mali moris, exitialibus morem gerant, hæ diuturnioribus passim malis, ac Scorbuto potissimum facem præferre visę, tùm persæpè etiam repentinam mortem prosequi, aut illi proludere, ut in repentiè denatorum Cadaveribus cernere est aliquandò. Illæ cursus rubræ magis occurrunt ob tenuiores quas effusus ab arteriarum osculis cruor dimiserat, profugas, ac diffu-gientes hinc inde partes; Hæ verò sub-nigræ, ac sublividæ prorsus ob fixiores sanguinis particulas venarum extremitatibus hærentes, ut ait *Villisius*. Illæ sanguinis Phenomena coire amplius haud potentis, hæ futuri, ac propè imminentis lentoris exordia. Hæc inter postremas, quæ sublivide sunt, prolixioribus illæ malis, quæ nigræ verò subito,

aut



aut celeri fato præludere solent. Nuper desideratus omnibus, dum hæc scribo, celeriter obiit Amicus meus, qui ad no-

*Tam subli-  
vidas inter,  
ac nigras  
alterum.*

vum Urbis ambitum *apud Portam Se-*  
*cusinam* habitabat, cui perquam latis

huiusmodi maculis summo quodam ma-

nè, cum aliàs sanissimè degeret, inter-

stincta illicò cutis apparuit: Vespere

cum ad cænam lætus accederet, è vivis

repentè excessit. Nuper etiam diutur-

no confectus morbo ad plures abiit Piis-

simus Vir propè Templum *Divi Fran-*  
*cisci de Paula*, cui biennio ante subli-

vidæ maculæ Veris initio, mox fædus

Icterus nullâ proludente febris inopinatò

obtiguit, præduris diù, ac tensis admo-

dum Hypochondriis; Aperto Cadavere

vel minimam bilis copiam in cystide, ac

nigerrimam prorsus, atramenti adinstar

observavi. Idem olim in mortuis dere-

pentè adnotavit *Fernelius*.

XXVI. Atque hoc quidem sensu agebat

*Duretus*, livores peiores esse quàm ni-

gredines, in Chronicis nempe affectibus,

ubi illæ è malis veniunt per mala; succes-

*Dureti  
locus expli-  
catus.*

H

sione



*Peculiaris  
speciei Icteri  
curatio,*

sione veluti, ac conversione unius morbi in alium; metuendâ quantum. Secus utique in acutis, in quibus *palindromes*, ac *gangrænæ* propè iam factæ indicio nigredines sunt. Sivè verò sublividæ, sivè nigre sint ad cutim maculæ; Utrisque diuturna jecoris ægritudo, aut vehementissimus dolor præludere consuevit. Hinc sublividis potissimum Icterus sæpè, aut illæ Ictero fatali prolusere. In hac ego Icteri specie ab visciditate, & ab amurcosa bilis qualitate oriâ tartareis, veluti pro secreto, uti soleo, & aquâ Nucerianâ Sale admixto prunellæ, repetitâ per duas, vel tres vices purgatione alternis diebus ex Rhabarbaro, quod olim iure merito *Patrem Hepatis* ob specificam eiusdem ad plerosque Hepatis affectus curandos virtutem dixerunt *Arabes*; Deinde ad Serum lactis veniendum cum marrubio bullitum, & singulo manè calidè dandum; Quod si nimium fuerit amurcosa bilis circa jecur impacta, aut magna eiusdem viscida, nigræque prorsus copia, addi poterit

cum



cum fero in maceratione drachma una hellebori nigri præparati alternis diebus vel cochlear unum, aut alterum Syrupi cachectici Fernelii cum helleboro, qui syrupus magnarum est virium in Chronicis; Et denum omnibile hac methodo expurgatâ, (hic primus curationis scopus prudentis Medici esse debet) chalybeata, & roborantia usurpanda, nunquam infelici successu.

XXVII. Neque enim raræ omnes Icteri species tantum, quotquot recensentur à Practicis, tum huiusmodi exarata modò, cui sublividæ sæpè maculæ anteire solent, sed Chronici ferè morbi omnes ab malè affecto Hepate ortum habent. *Tantæ* scilicet *molis* adest hæc una haud immeritò Princeps pars inter cæteras, quas præclaro quodam munere in æconomiâ animali fungi novimus; Ut contabescant hæ sensim necesse sit illâ laborante, ac pereant tandem, ni ab imminenti exitio quàm citissimè tueatur. Hystericis, Calculosis, Colicis, Scorbuticis, Lienosis, Asciticis, Tympaniticis,

*Cuius momenti sint Hepatis ægritudines in Praxi.*



ac innumeris id genus aliis nunquam observatum incolume hepar, quin imo ab hoc uno malorum fomes, ac origo sæpè repetenda, obstructio scilicet, inflammato, aut schirroso, quæ tria duritatis nomine vocat *Hippocrates* (a); Quod autem horum aderit, stercorosa dejectiones ostendent.

*Peculiares  
Virginum  
affectus  
hyeme in-  
gravescentes.*

XXVIII. In hac perturbatione rerum, totque inter exaratas ægritudines diuturnas, quæ impendente Vere aut egros ad interitum celerius fortè quàm par foret, ducere, aut exacerbari magis visæ fuerant, obviam veniunt peculiares Virginum affectus, qui, si dirè crudelitèrque unquam, tùm per hyemem maximè ergà insontes Puellas tyrannidem sævissimè exercuere, ab copiosiore liquido iidem potiùs stagnante, ac pressis nimium proindè vasis orti, quàm ab effecto eodem, pravo, ac vappido, ut etiamnum ferunt exercitatissimi Viri. Proderant hinc iis magis, quàm celebriora

*Pallidi Vir-  
ginum colo-  
ris curatio.*

quæque chalybeata usurpari solita, iterata venæ sectio in pede. Ipsa dein vasa à

(a) *Coac.* 30.

plet-



plethora nimis debilitata adstringentibus  
opportune roborando, ac confirmando.  
Quibus confestim ad Martialia propera-  
tum est, magna iis repente excitata  
Phlogosis graviora intulit mala. Ars  
quippe erat iis consuetam Artis opem  
haud adhibere, quod quidem ab Consti-  
tutione. Anni ediscere est, eiusque  
Principis ingenio Morbi, cuius imagi-  
nem sæpè etiam referunt diuturnæ quot-  
quot eo tempore sæviunt ægritudines  
cæteræ.

XXIX. Haud paucæ quoque Mulie-  
res visæ fluore albo per hyemem labo-  
rantes, tum subsequenti potissimum Ve-  
re, ac Æstate; Atque illæ quidem præ-  
fertim, quæ hystericis olim insultibus  
vexari consueverant. Ars quoque iis  
erat non equidem effæto, pravoque cruo-  
ri suæ restituendo indoli, non fermento  
ulli uterino emendando, aut exaltatæ bili  
demulcendæ incumbere, aut erodenti-  
bus salibus coercendis, inutili remedio-  
rum apparatu; Ast potius, ut ego ar-  
bitror, profectum ab universali causâ  
malum

*Fluor albus  
mulierum  
quo pacto  
curandus.*



malum, antequam radices agerem, aut adhæresceret magis, delidere; Radicatum verò si quod foret, ac missis stirpibus firmatum proprio in solo, ac delubro reprimere. Utor ego frequentissimè in hoc morbo, quo potissimum Nostrates Mulieres laborare solent, ter quaterve purgato corpore (si hysterica fuerit bis purgasse suffecerit) injectione alicuius liquoris appropriati.

*Quæ illius  
scaturigines.*

XXX. Quod ad huius fluoris scaturigines attinet, in obscuro adhuc res latet. Nemo fanè, quod sciam, acu illam tetigit haftenus. Crediderim ego haud aliunde petendas esse illas, quam ab iisdemmet menstruorum fontibus. Nec profectò ab verosimili prorsus aliena hæc hypothesis est. In quotquot enim, quæ huiusmodi profluvio diù laborantes vitâ migrarunt, nihil in utero comperitum memini, præterquam feri aliquod in eius fundo effusi, quodve adhuc exiguâ copiâ premente digito abhiantibus fortè vasorum orificiis guttatim profiliebat, cùm in iis quoque intueri est, quæ

in-



inchoante fluxu menstruo, aut penè jam  
peracto, defuncte sunt. Quamobrem ut  
satis est ea foramina, per quæ uteri si-  
nus cum huius cavea communicare  
Clariss. Viri observarunt, propè immi-  
nente menstruo fluxu à vi erumpentis  
sanguinis tantummodò diduci, quò san-  
guis subindè effluat periodo nulli ignotâ,  
desinens idem fluere, mox ac imminu-  
tâ vi, tum quantitate liquidi, quæ unica  
est periodici eiusdem fluxus potissima  
causâ, sese contrahentibus circumiectis  
fibris, exarata foramina occluduntur,  
aut saltem tantùm patent adhuc, quan-  
tùm satis est exiguo fero iugiter trans-  
mittendo, quo uteri cavea humecta ser-  
vetur. Ità laxatis foris fibris, aut iisdem  
à nimio sanguinis affluentis impetu debi-  
litis feri fluxum contingere puto magis,  
aut minus diuturnum, quo maior, aut  
minor est fibrarum laxitas, quove ma-  
gis illæ aut minus sese restituere queunt,  
inque proprios systalticos nisus confur-  
gere. Rarò, ac vix rarò quidem puel-  
las, aut virgines huiusmodi affectu cor-  
reptas



reptas memini, sæpè equidem nuptas, tum quas hysterici insulius frequentissimè laceßere consuevere; Plerasque etiam novi ab difficili partu in hanc ægritudinem incidisse, nonnullas post assiduam uteri hemorrhagiam; Neminem unquam quinquagenario maiorem, aut quibus menses defecerint. Quàm facilè verò laxari vasorum uteri fibræ, quam levi de causâ ea foramina diducta semel haud occludi penitùs dein, quàm celeri tramite per tot implicatissimos uteri sinus affluens liquidum tum gravitate suâ, tum fortè etiam copiâ, uteri vasa distendere, villosque divellere repetitis arietationibus, & gravitationibus queat, neminem latet! Obscurior res est, quænam illa sint, quove more se habeant exarata foramina, per quæ ab erumpentis sanguinis impetu diducta leviter, aut diducta semel, nondum penitùs occlusa ampliùs, tum menstruâ evacuatione cruor, tum serum diuturno fluxu secedit. Nùm villi illa fortè arteriarum uteri evanescentium, seù venarum eiusdem pri-

*Foramina uteri, per quæ menstruus fluxus statis temporibus secedit, quæ.*



modò nascentium, vel earum limites? Sed de his pro instituto satis. Ad Arthritides modò, Hemicranias, Anginas, quæ ruente, ex alto Boreâ Veris initia præcesserant, mea sese convertit Oratio; Ne quid per hyemem gestum prætermittam. Neque enim tantùm iuvat delibare rem, sed & ampliùs lubet excurrere, quove illa omine præluxerit, aut obtigerit, expendere.

XXXI. Una eademque aderat harum omnium ægritudinum curationis ratio, si modò ad Principem ludentem affectum mentis acies dirigebatur. Sive enim ad fauces, sive ad artus, sive ad involucra cerebri, sive ad oculos, (Ophtalmiæ namque plurimæ sub id quoque tempus proluserant,) præcipuam ageret Scenam Morbus; Unus idemque erat vincendus hostis, idem omninò curandi scopus in singulis, idem pariter, si ab hoc quispiam Medicorum tantisper abluderet scopo, expectandum ægrotantibus fatum. *Ostendit autem sanatio.* Neque enim purgantia, neque anodyna, neque

*Diuturnorum affectuum, qui hoc anno sævierant, curationis scopus, ac ratio.*

alia quæque hisce obm conducentia auxiliorum genera profuisse visa præter venæ sectionem, quæ feliciter sæpè restituit rem, iùm ea unà simul exhibita remedia, quæ aut præsentis Phlogistico affectui compescendo, aut impendenti liquidorum præcavendæ labi, ex qua hujus, vel alterius Partis Principis imminens aderat Sphacelus, *Natura monstrante viam*, citius occurrerent. Princeps namque ad Principis morbi vim reprimendam, coercendamque, cuius imaginem referebant exarata omnes ægritudines, Princeps inquam præsidii genus id erat, quod stagnationem, ac lentorem liquidi eluderet hoc uno affecti crimine, nimia scilicet sui copiâ, ac pondere, quo lentescere idem in vasis opus erat, aut saltem si non omninò adhuc lentescere videretur, ad concretionem, ac fixitatem celeri gradu contenderat; Quodque idem ob prægressas Constitutiones annorum magnâ ex parte Australium id amiserat sui, quod illud poterat perenni actum in Orbem  
more



more tueri, abque propè impendenti exitio, ac jacturâ vindicare.

XXXII. Agebatur siquidem de sanguine, qui mole suâ sibi metipsi erat no-  
xæ, ac detrimenti; Nullus hic proinde *Venæ sectio  
proficua  
maximè.*

cunctationi locus. Timendum enim, *ne*  
*dum Romæ consuleretur, Saguntus ex-*  
*pugnaretur.* Si quâ in re periculum fe-  
cit mora, aut *Præceps*, commonente (a)  
*Hippocrate*, visa occasio fuit: In hac  
equidem illa eluxit maximè. Ipseque  
ego quod sanctè assero nulli ex iis, qui  
per ea tempora ægrotaverant, aut Ar-  
thritide, aut Anginâ, aut alio quopiam  
ex prænaratis affectibus, tùm aliis ple-  
risque diuturnioribus, inauspicatò ces-  
sisse hujusmodi præsidium memini, dum-  
modò opportunè administratum, *dum*  
*præsens aderat indicans*, ut Practi-  
ci ajunt. Ejus namque erant hujus-  
modi omnes affectus indolis, ingenique,  
ut liquido gravitate peccanti morem  
gererent, cui haud lætius unquàm, ac  
feliciore fidere occurrere Ars novit, quàm

I 2

venæ

( a ) 1. *Apb. sect. 1.*

venæ sectione repetitâ, quoutque itâ ad solidorum libellam sese haberent fluida, ut restitutâ invicem præclarâ æquilibrii, ac conspirationis lege, facta, rectaque res foret, supremum heu subitura propè discrimen! Cur verò lentore peccans cruor meninges modò, modò fauces, oculosque, ac artus laceffat inermes, modò infantes aliquandò pulmones, quod sæpissimè obtigit, haud itâ implicata res est, ut Dædali ingenio opus sit ad id revelandum, demonstrandumque? Excel-  
 la profectò magis eadem, ac digna Philosopho *originis principium* harum ægritudinum, quas præsens currentis anni Constitutio in Scenam tulit, tum earum genium, ac morem propiùs inquirere. Cur eadem Arthritides, quæ tam dirè adeò crudeliterque superiore anno sub Principe ludente affectu militaverant diù, diversum ab iis, quæ modò per hyemem potissimùm extulerant signa, toto cælo præsidium expeterent? Cur illæ spasmodicis cruciatibus moleste magis, hæ nihil hujusmodi prætulerant? Cur raræ  
 hoc



hoc anno hytericæ mulierum affectiones extiterant, quæ olim paucis pepercerant? Cur nullæ prorsus, aut vix paucæ ephemera viæ febres, aut diariæ, ut vocant, quartanæ, ac hujusmodi aliæ ægriitudines cæteræ, quæ nullo non tempore proludere solent, tùm ultrò citròque ire nullius in servitutem redactæ?

XXXIII. Ceterùm ab lentore sanguinis, tot omnes eîsi discrepantes invicem ægriitudines prodiisse ipse extractus è venâ cruor colore, habituque apertè factis manifestabat. Quidpiam namque instar pelliculæ, aut exilis membranæ in eius superficie conspiciebatur, qua disrupta viscosus, ac nigerrimus sanguis in fundo vasis supererat. Sæpè alterâ, ac tertiâ vice opus extitit sanguinem mittere, imperante morbo quantum demendum aderat cruoris, non equidem illius colore, aut habitu, ut adhuc plerique autumant *Celsi* ( a ) autoritate suffulti, qui ait, *cum sanguis profluit, colorem habitumque eius attendere opus est*

*Lentor sanguinis morborum fere omnium hoc anno parens.*

*Prælicî quamplures notati.*

( a ) Lib. 2. cap. 10.



est; nam si is crassus, & niger est, vitiosus est, ideòque utiliter effunditur: Quod quidem idem Celsus accepisse videtur ab Hippocrate, dum dixit in Pleuritide sanguinem esse mittendum, donec melior, aut ex nigro ruber appareat. Sanè hujusmodi sententia ut ut improbanda omninò non sit, reticere tamen haud possum hinc sæpè decipi Medicos; eamque nullo unquàm in morbo curando satis esse constantem, aut sufficientem metam, & periculo non vacantem superfluæ evacuationis, aut suspitione diminutæ; Perinde ac vetustissimam alteram Galeni ævo percelebrem ad animi usque deliquium. Habent id quæ à Maioribus tradita nobis oracula sunt cùm cæteris rebus commune longâ vetustate præclaris, ut illa frequentius in medium afferri soleant, quàm rectè intelligi, & convenienter usurpari. Non enim quia purus, aut quia mutatio in meliorem non fit, semper continuanda est missio; Neque quia mittitur, suppressendus est: Sed donec aliqua utilitas appareat,

*Quæ detrahendi sanguinis æquissima meta, ac indicatio.*



pareat, aut confertim, aut per vices educendus est, maximè in acutis morbis, & suo initio, quo, ( si particulares sunt, ut Pleuritis, Phrenitis, Peripneumonia, Angina, & aliæ inflammationes internæ, quibus suppurationis necessariò ut plurimum mors sequitur, aut etiam non rarò suppurationem præcedit) dempta in tempore morbi materia, quæ in venis est, maturè etiam cesset discrimen à morbo. Quod similiter in ardentibus febribus, & synochis faciendum est. Detrahendus scilicet sanguis non sumptâ meiâ à colore, & substantiâ eius, sed à morbi magnitudine, statu, & Patientis viribus. *Leonard. Bottallus de curat. per sang. mission. cap. 27.* Nihil fanè Artem Medicam æquè conjecturalem facit, quam medicamentorum quantitas, quæ, ut habet *Galenus ( a ) neque dici, neque scribi, neque definiri omninò potest.*

XXXIV. Detrahendus verò statim aderat sanguis, ac febrilis Scena exordiebatur,

*Servanda  
potissimum  
vires.*

( a ) *Metb. Med. 7.*



batur, aut præfatæ particulares ægritudines proludebant; Ut desistendum illicò, ac conijcere erat parem fore Naturam obeundo certamini. Hæc meta, is scopus erat mittendi sanguinis, *servare vires*. Equidem rarò ullus gravissimus morbus, ut Cynanche, Peripneumonia, Phrenitis, Febris ardens, cuius fortè genium prætulerant exortæ Autumno febres, ne quid de cæteris dicam, non citissimè, & felicissimè curantur, dummodò *opportunè* convenienti remedio illis succurratur. Atque hanc utique opportunitatem, seu *occasionem*, aut tempus conveniens *albo signandum lapillo* iidemmet morborum motus indicabant, potissimum quidem per horum initia, sæpè etiam sub eorum decursu, aut illis iam ad exitum properantibus. Nulla namque expectanda unquam remissio febris, quæ si obtigerat aliquandò, haud læti ominis erat; Nullus hic advocandus dierum numerus, aut exoranda Crysis. Eiusmodi quidem aderant exarata ægritudines, quas ipse olim Ga-

*lenus*



*lenus ( a ) tradiderat, in quibus nihil tale quidquam attendendum esse ajebat, imò quocumque die mittendi sanguinis scopum in laborante inveneris, in eo auxilium illud adbibendum.*

XXXV. At urget, ajunt hic loci quamplures, urget in hac parte, *Celsi* Celsi locus explicatus. sententia dicentis ( b ) *quod si vehemens febris adest, in ipso impetu eius sanguinem mittere, hominem iugulare est.* Fateor id ego quidem, nec quidquam Magni Viri laudi demptum velim unquàm, quem ego tàm præstantem doctrina fuisse reor, ut paucos ei anteponendos Latium protulisse censeam: Atque is fortè Magnorum Virorum instar multa maluit feris Nepotibus in obscuro relinquere. De his proindè suspicari fas est locutum esse febribus ( c ) *purissimum Scriptorem*, ac propè dixerim ( d ) *Medicorum Decum*, quæ certam obser-

K

vant

- ( a ) *Lib. de cur. rat. per sang. miss.*
- ( b ) *L. 1. cap. 10.*
- ( c ) *Vossius de Vit. sermon. 1. cap. 16.*
- ( d ) *Casaub. ep. 29.*

vant intermissionem, aut saltem per vi-  
ces impetum remittunt, etsi semper du-  
rent. *Intermittentes* illas dicimus, has  
*continuas remittentes*; Quamvis etiam  
tunc vel in ipso impetu maiore febris  
nocere nunquam, sed potius iuvare ve-  
næ sectionem compertum sit.

*Ardentis fe-  
bris curatio.*

XXXVI. Secùs equidem censendum  
de iis, quas *Causos*, seù *Ardentes* vo-  
cant, ob frequentiam, discrimen, fanan-  
dique laborem funestas sæpè; Cuiusmo-  
di aderant, quæ Autumno primum sese  
prodiderant, ac toto ferè Anni decursu  
ultrò citròque oberrarunt. Et sanè  
aut *famulante Naturâ* brevi solvebantur  
copiosâ narium hemorrhagiâ, ut plerif-  
que eo tempore obtigit, aut eâdem *Nat-  
urâ* Duce, opportunè celebratâ Phle-  
botomiâ quàm citissimè per initia, at-  
que in ipso earum impetu iugulabantur;  
Secùs aut ultimam rebus iacturam celeri

*Quid in eâ  
præcavendū  
maximè,  
ac præno-  
scendum.*

nece adtulerant, aut in diuturnos affe-  
ctus diros admodum, ac graves quam-  
quàm minus calamitosos abiere. Qui-  
bus postremis quidem nihil præsentia-  
neum.



neum magis, aut opportunius unquam, quàm sanguinis detractio; Atque hæc quidem per hyemem, Autumnumque. Orto autem iam Vere in Peripneumonias defiere læthales prorsus. Hæ namque ut mox addam, aut velox inducto Sphacelo fatum, aut lentam ægritudinem factâ suppuratione tulere; Cui imminenti exitio, antequàm scilicet sive Sphacelus, sive abscessus propè esset, nil præstantius unquam docuit Ars, quàm sanguinem demere lato vulnere, ac repetitis vicibus, dum vires ferant. De febribus loquor, quæ ab *stasi cruoris* proficiscuntur, cuiusmodi potissimum aderant, quæ exaratâ Constitutione vigerant, iis ferè consimiles, quas tum olim *impetuosas* vocaverat memoratus *Galenus* (a), quasve idem prolixâ sanguinis missione sæpissimè, subque ipso earumdem impetu, exortu, ac incremento iugulasse fatetur. Hosce inter, queis copiosa narium hemorrhagia morbum absolvit, pueros præsertim hac ope servatos

*Febres impetuosas dicta Galeno.*

K 2

(a) *Meth. Med. c. 4.*

vatos vidi. Adulti verò, aut provectiores ætate Viri, quibus id copiosè minus contigit, haud pauci in Arthritides, ac Hemicranias incidere graves admodum.

XXXVII. Nec citrà operis pretium fore puto, si quod accidit mihi vidisse, hic enarravero, quod ad exaratos affectus, qui unà cum ardentibus febribus longè latèque sævierant, præsertim attinget, atque Arthritides potissimum, tum Hemicranias. Anginæ enim, quæ novo repenti exorto frigore facem prebuerant cæteris, brevi constitutos sibi fines persolverant; Adque primos mitiore flamine adspirantium ventorum flatus omninò desierant. Uique ab Arthritide initium feram: Eius hæ aderant moris ut Vertebra-  
*Diuturnum egritudinum Historia.*  
 rarum tractum, tum anteriorem Thoracis partem, ipsasque adeò Costas, earumque interstitia lacefferent magis, quàm Illia, extremosque Artus. Præcipuus namque hic ludebatur Tragædiæ Actus, cum maximè haud convenienti tempore, aut vanâ remediorum farragine orientibus malis succurrebatur.  
 Plures



Plures fefellerat nempè consuetus huiusmodi ægri-  
tudinum mos ; stupebant-  
que admodum cum eludere illas cætera  
quæque usurpari Practicis solita reme-  
dia videbant , ac contumaciores effici,  
delato mox ad universos Artus Malo,  
quod hanc primò , aut illam tantummo-  
dò partem occupaverat ; quodque præ-  
cavere utique poterant præstantis auxilii  
genere , quod ludentis morbi indoles ini-  
tio suaserat , suadebaturque adhuc pari se-  
curitate , ac fiduciâ.

XXXVIII. Hisce artibus affini meo,  
cui dira Arthritis hos modò , ac illos *Arthritidis  
vaga cura-  
tio.*  
artus crudeliter divexabat , opem attuli,  
ac incolumem illum citius fortè , quàm  
ipse sibi spem fecerat , reddidi. Huic  
sub finem hyemis febris occurrit , quæ  
tertio die mitius laceßere statim cæpit :  
Atqui ferus universam Spinam , imaque  
occupans præcordia , mox ad omnes fe-  
rè artus delatus dolor acerbio-rem intulit  
ægritudinem , cui frustra lenientibus , pur-  
gantibus , diureticis usque adhuc opitu-  
labatur . Rogatus ego , malorumque ori-  
gine

gine, ac successione sedulò exploratâ iussi sanguinem detrahi ad uncias decem; Diætam quod attinet, iuscula hordeacea, avenacea, panatellam, atque eiusmodi alia de more præscripsi, iùm pûisanam ex hordeo, ac rad. liquiritiæ, acetosæ in aquâ fontanâ incoctis pro potu, ac denique *Sydenhamii* consilio, ut æger per aliquot horas singulis diebus lecto sese abstineret, præceperam, cum calor iugi decubitu, ut citatus Author ait, morbum sæpè promoveat, intendatque. Die sequenti sanguinis tantundem detrahi iusseram; mox tertio dein, ac ultimo, uno alterove die interiecto. Plerisque memini quarto, ut plurimum, venæ sectionem huiusmodi affectu ægro- tantibus nunquam infelici exitu adhibitam; Rarò tamen obtigit ultrà quartam vicem venam incidisse, nisi vel regimen iustò calidius præcesserit, vel medicamina calidiora ægro præter necessitatem fuerint exhibita. Paregorica, si- vè *anodyna* quæque valere omninò iussi, ut ut sæviret dolor. Noveram enim il-  
lorum



lorum usu morbum magis figi, neque  
tàm facilè dein venæ sectioni cedere, quæ  
ideò ob hæc ipsa medicamenta officiosè  
nimis exhibita sæpiùs quàm par erat  
opus, celebranda fuerat aliquandò. Ne-  
que enim arbitror eam illa, quam titu-  
lo pollicentur, *analgesian* præstare. Mi-  
rum equidem, ut his ritè peractis, mox  
potione cathartica è lenitivis exhibitâ  
ægri dolores imminuti fuere, quò tan-  
dem refarcitâ, quam fecerat sanguinis  
detractio, iacturâ virium, Veris benefi-  
cio quod opportunè occurrerat, omninò  
evanuerunt.

XXXIX. Arthriticos alios quamplu-  
res novi per ea tempora diris cruciati-  
bus divexatos, quibus ortum, ac in-  
crementum præbuit prægressa febris  
contrario modo, ac postulabat, tractata,  
hoc ipso more feliciter sanatos. Nec  
atrociter minus sæviebant Hemicrania, *Ut & He-  
micrania.*  
quæ modò unâ cum febris comite, mo-  
dò etiam absque febris subludere vide-  
bantur. Harum magna pars copiosâ ef-  
fusione sanguinis spontè è naribus ob-  
ortâ

oriâ ludere desinit extemplò . Huic propè erupturæ, aut pleno erumpenti alveo præ-  
 lusit sæpè hærens diù, quâ Sagittalis Su-  
 tura per capitis longitudinem rectâ per-  
 gens supra coronalem ad angulos æqua-  
 les incidit, ferus dolor, proficiente san-  
 guine paullatim desinens. Pluries hinc  
 mihi animo subit, nùm eligenda fortè  
 in hoc affectu curando peculiaris vena  
 tùm origine, tùm vicinitate præclara,  
 quæ opus feliciter magis absolveret; Oc-  
 currebant eiusmodi plures ad Tempora  
 potissimùm, mediâ in fronte, secus  
 Aures, ad Nasum, ac *Iugulares* præ-  
 fertim, quæ iis omnibus ortum præ-  
 bent; Atque ab hisce quidem tutò fuit  
 auspicia desumere, sive quod pleniore  
 fluento, quod unum expectabatur ma-  
 gis, exitus concedebatur cruori, sive  
 quod ab Iugulari, tùm externâ, cùm  
 internâ, citior aderat expectanda *Deri-  
 vatio*, tùm *Revulsio*, quàm ab reliquis  
 memoratis venis, quæ illius propagines  
 sunt. Evicit inquam præ cæteris Iugu-  
 larium Sectio, ac magnum fuit periculi-  
 tantibus

*Iugularium  
 sectio profi-  
 cua.*



tantibus subsidii. Visus namque illicò  
 mitescere capitis dolor, ac ferè penitùs  
 desinere; Nonnullis, quibus id præsidii  
 experiri, horroris erat, etsi nihil omni-  
 nò fuerit extimescendum, affixæ Tem-  
 poribus hirudines haud imparè attu-  
 lere opem, etsi modicò velociter minùs,  
 ac in ipso præsentis discriminis articulo  
 opus aderat, quod unicè sperari poterat  
 ab apertis Jugularibus. Consultius erat  
 huic sanguinis missionem præmittere è  
 Brachii venâ, aut si urgeret opus, è  
 longinquiore alterâ in Pede. Hacque  
 methodo haud paucis quos atroces hu-  
 iusmodi Hemicraniæ dirè vexaverant diù,  
 penè extemplò subventum est.

XXXX. Ceterùm ne ultrà suprâque  
 quàm sit æquum in his moram faciam,  
 meminisse lubet peculiaris cuiusdam mi-  
 rum in modum ludentis Hemicraniæ hi-  
 sce artibus feliciter curatę. Iurisconsul-  
 tus, qui in eâ Urbis parte habitabat, quâ  
 supremum Arcis Propugnaculum eminet  
 ab EMMANUELE PHILIBERTO olim  
 ad Regni tutelam, defensionemque ex-  
 citatæ,

*Peculiaris  
 Hemicranię  
 tium tempo-  
 ris ludontis  
 narratio.*



citatae, ac novis subinde munitionibus, cuniculis, aggeribus, operibusque tum ab Successoribus Ducibus, tum ab Invictissimo Rege VICTORIO AMEDEO instructae, quibus obsidentium Gallorum superioribus annis impetum elusit ac vim. Is inquam cum summo quodam mane ad forensis Palestrae negotia obeunda è lecto surgeret gravi admodum capitis dolore vexari cepit in sinistra parte ad Tempora usque: Quem quidem haudquaquam magni fore momenti ratus ad plures dies æquo animo adversam valetudinem invictè sustulit, Quousque tandem cum mihi quâdam die forte fortunâ haud longè ab foro occurrerit, auxilii à me quidquam rogavit lubens omnem mihi referens mali historiam Oppidò raram. Narraverat enim se horâ circiter octavâ matutinâ alternis diebus huiusmodi dolore perquam acuto corripì, qui ad quartam usque Pomeridianam perdurabat, quo tempore collecto animo, ac re omni compositâ sese paullatim recipiebat, adque consueta



sueta sibi munera redibat, ceù nihil huiusmodi obtigerit unquam. In ipso autem aditu Paroxyfmi, ut ità loquar, magna Capitis gravitas proludebat futuri prænuncia doloris, exeunte verò paroxyfmo, quod præcipuè etiam adnotandum subit, modico sudore perfusa Tempora aderant, quo doloris Scena terminabatur. Addiderat sibi ab Amico propositum Occipiti admovendum vesicatorium, tum ano Hirudines, quod utrumque præsidii genus experiri ait sibi vetitum hætenùs ab gravi, quo premebatur, rerum onere; Se tamen iam modò negotiis omnibus valedicturum prorsùs, nec ampliùs perpeti diutiùs posse Mali acerbitem. Quamobrem omni cunctatione abiectâ sanguinem detrahi iubeo è Brachio, mox altera vice intermissionis die lato vulnere è Iugulari sinistrâ, quibus ac balnei usu, fotûs, diluentium, quiete, ac æquiore victûs ratione brevi conva-  
luit. Idem Pistoris uxori contigit iuxta Sacram *Divi Dominici* Ædem, Biblio-  
polæ filio septenni propter *Turrim pu-*



*blicam* excelfo vertice præclaram, Mercatori ditissimo propè Templum *Divi Rochi*, Adolescenti Iuris studioso in vico *Divi Thomæ*, ac plerisque aliis, quibus recensendis haud immoror. Neque enim huic persolvendo muneri tempus suppetit.

*Iugularium  
sectio quo-  
nam ævo  
celebrari  
capta.*

*Galenus Li-  
ber de vivo-  
rum Anato-  
mie commen-  
tarius.*

XXXXI. Sanguinis ex Iugularibus mittendi mos est satis antiquus, utcumque inter paucos obtinuerit, de quo si perbrevis historia præmissa sit, haud illam puto legentibus fore injucundam omninò. Sunt, qui *Galenum* secuisse Iugulares tradunt: Ille tamen ni fallor non sectionem ipsam imperare videtur, sed si casu aliquo secentur, curationis modum præscribere. In *vivorum Anatome*, qui fanè perridiculus liber est, & ab Arabe quodam, ut videtur confectus, atque adeò perperam *Galeno* adscriptus, *Iugulares aperiri iubentur in principio Lepre, & Anginae, angustique anbelitus, in Asthmate acuto, in raucedine vocis, in abscessu Pulmonis, in spirandi difficultate, & in Splenis, & laterum morbis.* Eadem prope memorat *Sorani*

*Epbesii*



*Epheſii introductio* : Sed cum hoc itidem opusculum planè commentitium ſit, cum-  
 que *Cælius Aurelianus*, qui ſe in omni-  
 bus ferè *Soranum* ſequi proſitetur, de  
 hac re omninò fileat ; nihil hinc quod  
 eiufmodi Medicinæ antiquitatem probat  
 colligendum eſt. Sufficiet itaque has ve-  
 nas ſecandi originem ( *a* ) ab *Alexan-*  
*dri Tralliani* temporibus repetere, qui  
 Iugulares à ſe ſectas eſſe ſcribit, ma-  
 ximèque profuiſſe. Hanc ut quibuſdam  
 familiarem ævo ſuo curationem refert  
 ( *b* ) *Actuarius*, quam itaque in Cato-  
 che, & Phrenitide deprædicat. Eam in  
 omnibus morbis capitis adhiberi iubent  
 Arabes, neque in iis ſolum, ſed in Le-  
 præ, acutiſque Thoracis affectibus : Un-  
 de fortè conſuetudo illa ad *Ægyptios*  
 manavit, quam apud eos etiam tùm,  
 cùm Alexandriæ eſſet, vigiſſe perhibet  
 oculatus Teſtis *Alpinus* : Poſt Arabum  
 tempora, niſi in *Bertruccio*, & *Arnoldo*  
*Villanovano*, ( qui hoc ex iis ad ver-  
 bum

*Tùm & So-  
 rani Epheſii  
 alter, qui  
 introductio  
 dicitur.*

*Alex. Tral-  
 liani ævo  
 iugulares  
 ſecari ca-  
 pta.*

( *a* ) *Lib. 4.*

( *b* ) *Lib. 3. c. 1.*

*Iacobus  
Carpensis  
laudatus.*

bum exprimunt, uti ferè ex Græcis Arabes ) vix ulla est de huiusmodi venæ sectione mentio, donec anno circiter 1500. Anatomes studium penè intermortuum revocavit *Iacobus Carpensis*, modumque incidendi iugulares fusè descripsit. Quo quidem seculo à pluribus pleno ore laudatur hoc curandi genus ; Sed longè abfuit, ut in consuetudinem venerit ; Quippè *Bottallus*, qui circa annum 1570. scripsit, disertè dicit se neque hoc unquam à Medico præscriptum, neque à Chirurgo tentatum vidisse, adeòque aut nunquam in usu fuisse, aut esse tùm penitus exoletum : Et quamquam ipse primus venæ sectionis usum in Galliam induxerit, venamque quamlibet in quocumque ferè morbo secuerit, fatetur, quod in iugularibus id experiri minimè ausus sit, *reformidans ( a ) ne propter illius magnitudinem, & magni trunci vicinitatem non satis citò, neque tutò sanguis cohiberi possit.* Imò

*Rio.*

( a ) *Curat. per V. S. cap. 40.*



*Riolanus* Pater, qui recens à *Botalli* *Riolanus Pater, Fab. Hildanus, Jul. Guastavinus laudati, & reprehensi.* ætate fuit, de Apoplexiâ locutus in hæc verba prorumpit, *Iugulares ausi sunt quidam secare pro extremo remedio.* Etiam *Fabricius Hildanus*, qui *Ophtalmiis*, *Hemicraniis*, *cerebrique inflammationibus* hanc à se Medicinam cum efficacissimo subsidio sæpiùs adhibitam esse prædicat in Epistolâ, quam ( *a* ) ad *Doringium* 1614. exaravit, *perpaucos tamen Medicos, qui sectionem harum venarum approbarunt, sibi innotuisse* scribit, eamque *periculosam* agnoscit, *nisi expertus affuerit Chirurgus.* Quinimò in scriptis eodem anno editis *Julius Guastavinus* Professor *Pisanus* has venas non sine periculo secari posse pronunciat. Ità plerisque ab hoc auxilii genere deterritos fuisse constat, sive quod *Iugularium vulnera aliquando læthalia esse observaverint, perperamque sibi persuasérunt idem ex earum sectione eventurum;* Sive potius, quod ut sæpè fit, *falsa hæc à manu imperitâ sectio parùm feli-*



feliciter cesserit, notamque infamiæ ex-  
perimento inuulerit. Hoc nimirum solum  
frequenter venit, ut quod remedii ge-  
nus ignorantia semel notaverit unius in-  
scitia, dignitati suæ vix restituere queat  
scientium universa consensio. Utcum-  
que verò ea res se habuerit olim, nul-  
lum est in Historiâ Medicâ exemplum  
ubi ritè peracta sectio aliquid adtulerit  
mali: Imò sæpissimè usus ostendit mor-  
bis compluribus, atque iis præsertim,  
qui caput attingunt, nullo modo melius  
succurri,

*Jugularium  
structura,  
ac distribu-  
tio.*

XXXXII. Quod quidem, cui scilicet  
fundamento innitatur facta in capitis,  
ac cerebri potissimum morbis Jugula-  
rium sectio, tum huiusmodi venarum,  
tum arteriarum, quarum ope sanguis  
per cerebrum, ac caput ultrò citròque  
commeat, structuram, ac distributionem  
penitiùs ex Anatomici delibanti cui-  
que facili Marte elucescit. Enim verò  
Jugularis vena vel externa est, vel in-  
terna: Quarum hæc multò grandior uti-  
cam



eam post *Nicolaum Massam* ( *a* ) accuratissimè descripsit *Fallopianus* ( *b* ) licet in Brutis, à quibus harum venarum figuras apud *Vesalium* ( *c* ) expressas habemus, contrarium prorsus reperiatur. *Externæ* ~~internæ~~ ramusculi extremi ab ore, à faucibus, à facie, ab oculorum tunicis, ab universâ denique capitis cute atque musculis nascuntur. *Interna*, quæ multò altius delitescit, quamquàm aliquandò partibus iam memoratis furculos aliquos impertiat, ad imum cranii rectà affurgit, inque *duræ matris* sinus laterales immergitur. Ità ut iugularis externæ propagines extremæ, arteriæ Carotidis externæ ramis inferantur: Interna itidem Iugularis, ac Carotis interna vasculis *duræ matris* intervenientibus coniungantur, ac confluant. Sæpè etiam vidi utriusque venæ ramos aliquot opposito tramite, externæ scilicet ad ima cranii, internæ ad maxillæ glandulas, ad

M

fauces

( *a* ) *Introd. Anat.* 62.( *b* ) *Observ. Anat.*( *c* ) *Lib. 3. 7.*

*Fallopium  
laudatur.*

fauces, atque externas quasque partes deduci; Quod à nemine usque adhuc præterquam ab prælaudato *Fallopio* visum comperitumque ego quidem superioribus annis coram Chirurgis Taurinensibus in Theatro Anatomico, cum ibi iubente, ac annuente REGE Prælectiones Anatomicas, alterâ vice haberem, attentius huiusmodi venarum distributionem inquirens apertissimè ostendi. Iam tùm scilicet altè infederat animo huiusmodi auxilii genus ad praxim utiliter revocandum aliquandò.

*Artis esse  
Naturam  
perspicere,  
quo tendat.*

XXXXIII. Equidem Artis cùm sit Naturæ ductum sequi; cùmque sanguinis è naribus eruptio ( ne extrà oleas digredi videar ) uti maximè naturale, ità præsentissimum nuper visum fuerit vitæ præsidium; Conspicuum erat in huiusmodi rerum angustiis nihil præsentaneum magis fore quàm easdemmet venas, aut ex eodem derivatas alveo aperire. Quænam autem scalpello iam opportunæ aderant, quàm ipsæ ( unde cæteræ omnes per caput dispositæ exoriantur

tur



tur) *Iugulares*? Sive revellendi, sive derivandi gratiâ incidi illas opus sit. Utrumque enim horum assequi earumdem sectione fas est. Quod sanè etsi Paradoxum videri queat nonnullis, doctè tamen, ac scitè admodum recèns persolvit Vir doctissimus ( *a* ) in *aureis de Febris commentarijs ad lib. 1. & 3. Epidem. Hippocratis*. Est namque ubi Derivationis loco, ut ubi Revulsione causa hæc aliquandò obtingit secare venas. Quæ quidem vocabula, licet satis antiqua sint, tamen nemo unquam intelligere poterit, nec proinde secandi leges in alterutro genere rectè statuere, nisi accesserit accurata de valorum structurâ, motuque sanguinis cognitio. Hocque verissimum esse facilè agnoscet, qui Scriptorem qualemcumque ante ostensam sanguinis circulationem, atque adeò *Harveij* ætate superiorem perlegerit. Neque alia ratione Saphenæ sectio modò *Menses* deducit, modò eadem inconsultiùs facta eosdem potenter suppri-

*Antiqua derivatio-  
nis, ac re-  
vulsione  
vocabula  
faciliùs in-  
telligi ab  
recentiori-  
bus.*

M 2

mit:

( *a* ) *Io: Freind. pag. 23. comment. 2.*

mit: æquè ac medicamenta discutientia, quæ tempestiviùs adhibita tumorem prorsùs dissipant, ferius admota excitant, atque attollunt, & in Pus demùm resolvunt.

*Tutiùs derivantia  
usurpari  
post revelationem,  
quam e contra.*

XXXXIV. Derivando equidem magis quàm revellendo præstitam nuper ab hisce opem novimus; Ufus namque, & ratio ostenderat priùs tundendam fuisse in brachio, aut in aliâ quâpiam parte venam quamlibet, quàm Iugulares; Sic enim humorum impetu, atque ardore iam elanguescente enata ad extrema vasorum obstructio revellentibus labefactata leviori tandem negotio derivantibus funditùs tolli pòterat; Eadem planè ratione ac tumoribus cum inflammatione subortis occurri Practicis mos est, præmissis scilicet ex aliâ parte longinquiore revellentibus, antequam derivantia adhibeantur. Hinc in illustri illâ historiâ quam de gravi Oculi dextri inflammatione ad hunc modum sanata narrat memoratus *Hildanus*, primo die vena in brachio dextro secta dicitur, pro-



proximo exhibitum Catharticum , tertiò demùm Iugularis aperta . Eodem fundamento nititur consuetudo illa , quâ ingravescente Anginâ post revellentia felicissimo successu Iugularem internam circâ inferioris maxillæ angulum incidimus; Neque enim irrisione tam dignum est , quàm *Celio Aureliano* ( *a* ) videtur, quod de venis manimariis in eodem morbo secandis scribit *Hippocrates*; ( *b* ) Nam & istę quemadmodum primus docuit *Fallopius* [ *c* ] originem aliquandò à Iugularibus ducunt .

*Celius Aurelianus*  
notatus.

XXXXV. Sivè autem Iugularis interna , sivè externa sit , sivè temporales , sivè aliæ quæpiam hisce affines venę , perinde est . Usus quidem edocuit citiùs , securiùsque rem absolvi apertis Iugularibus , in quas tamquàm in communem alveum omnes illæ venulę exonerantur . Tutiùs fortè etiam , ac citiùs temporalium arteriarum sectio idem persolveret , propter  
eum

*Communis*  
*venarum*  
*Capite*  
*orientium*  
*Parens Iu-*  
*gularis.*

( *a* ) *Lib. 3. 4.*

( *b* ) *De Morbis 3. 11.*

[ *c* ] *Observ. Anat.*

eum, quo sanguis effunditur, impetum, si modò pleno flumine exiliat; Atqui hæc sectio, ut feliciter cedat, non nihil difficultatis habet: Etiam aliquandò cum periculo fit; Quare vix auferim eam in medium afferre, nisi huius olim *Galenum* meminisse noverim, eiusque absol. vendæ modum tradere. Secuisse olim arterias, idque satis frequentè Veteres consuevere; consuetudinemque eam ità apud Ægyptios invaluisse scribit *Alpinus*, ut has illi haud rariùs, quàm venas scinderent. Nuperrime memini Præclaram Vestalem, cui diuturnâ Ophthalmiâ laboranti pleraque passim adhibita fuerant præsidia nullo aut vix exiguo prorsùs levamine, affixis tandem me iubente *Temporibus* hirudinibus mirâ celeritate restitutam. Harum quippe altera cùm sese ità arteriæ Temporum fortè fortunâ agglutinaverit, ut vix inde auferre posset, plurimum effudit cruoris magno impetu proflientis, quive ægrè admodùm cohiberi, nec absque magno labore potuit. Huic revellentia quæquæ

*Ophthalmiæ  
diuturnæ  
curatio.*



quæque , tùm cætera Artis subsidia ,  
 quorum prolixam seriem ferunt Practi-  
 ci , diù ante usurpata postremo huic  
 præsidio adhibendo illuxere . Nec longè  
 quidem ab huiusmodi auxilii genere ab-  
 ludunt institutę aliquandò in vetustis hu-  
 iusmodi affectibus scarificationes iuxtà  
 ima , atque ad eorundemmet oculorum  
 latera , tùm propè summitatem Nasi ,  
 quâ eiusdem vena ignoto plerisque tra-  
 mite pergit . Antiquissimum id erat præ-  
 sidii genus , cuius ratio & modus unam  
 habent universalem causam , nempè ut  
 pars , cui infliguntur , exoneretur . Ve-  
 nulæ quippè plures vix conspicuæ sub  
 universa cute feruntur , quę hoc more  
 sectæ celerem aliquandò opem præstite-  
 re , quam vix sperare erat ab alia qua-  
 pian) maioris venæ sectione ; Sivè quod  
 illæ arteriarum finibus propiores sint ,  
 sivè quod arteriolæ pariter , quibus sum-  
 ma instructa refertaque cutis est , unà in-  
 vicem scindantur , incidanturque ; Sivè  
 quod ibidem fortè , in exilibus nempè  
 vasorum meatibus , ac propè eorundem  
 fines

*Scarifica-  
 tiones ad  
 diuturnos  
 oculorum  
 affectus  
 quo pacto  
 instituendę.*

*Scarifica-  
tiones admi-  
nistrandi  
modus quo-  
tuplex ex  
Oribasio.*

fines lentescere primò incipit cruor, di-  
rarum hinc sæpè ægritudinum ortus, ac  
incunabula. Quoad administrandi mo-  
dum, duplex is est apud *Oribasium*; vel  
enim *Catà Phlighin* fit, idest verbera-  
tim, & punctim, vel *Catà Sirmon* h. e.  
per tractum, & cæsim, qui postremus  
modus magis in usu *Italæ* est. Atque  
hæc quidem ad *Æquinoctium* usque  
gesta.

*Veris, ac  
Æstatis  
Constitutio.*

XXXXVI. Haud lætiora minùs exti-  
terant initia Veris. Orientales namque,  
ac Boreales invicem diù ludentes venti  
ad aliquot dies adhuc dirè perflarunt,  
silente tùm temporis, suaque in claustra  
recepto Austro. Erupit is tandem levi-  
ter, perque totum deinde quod supe-  
rerat Veris reliquum, ac *Æstatem* mi-  
tissimo flamine perspiravit, ruente vi-  
cissim per intervalla Borea, cuius gelido  
afflatu sæpè repenti vifa recurrere media  
*Æstate* hyems. Consueto hinc nivali vel-  
lere defraudata tellus, inopes aquis fon-  
tes, infesta præmaturæ rubiginis vesti-  
gia, magna ubique siccitas, ac pertur-  
batio



batio rerum. Rupicapras ipfas, (quæ silvestris, & montana Fera est summa Alpium fastigia perpetuò inhabitans specie ac mole vulgaris Capræ, sed paullò celsior cruribus, quàm esse solet caprinum genus,) per subjectam planitiem excurrere fertum propter inopiam lympharum. In animalis huius ventriculo reperiuntur sæpenumerò globuli quidam adeò cardiaci, & alexicaci, ut lapides Bezaardicos virtutibus longè antecellant, si credimus *Velschbio*, qui peculiarem de iis scripsit tractatum titulo de *Ægagropilis*. Sæpè quidem Aprili mense exigua visa pluvia, at quæ vix Colonorum votis sufficeret; Quo usque tandem Maio uberius pluit, novaque, ac lætior rebus affulsit spes. Kalendis Iunii hora quarta circiter Pomeridiana, nitido existente Cælo, Sol visus extemplò coloris ferè cuprei, quo usque occiderit penitus; Sequenti die ater idem præluxit ad octavam usque horam circiter; Mox fragores auditi protinùs, ac horrendis troniitibus circumfremere, ceù disruptis

ruptis nubibus Cælum . Æstas hinc temperata successit, ac lætissima prorsus si quæ procellis commota minùs exitisset, aut furentium ventorum immodicis flatibus . Nunquàm enim maioribus grumis grandinare perspectum, frequenterque adeò ab omni parte Cæli emicare repentiè fulgura, nunc intermittente luce, nunc condita . Sæpè etiam fulmina cecidisse visa, hucque ac illuc ludendo prorumpere. Appetente Autumno Grues ingenti exercitu aera ad plures dies obumbrarunt . Ferri autem hæ videbantur magnis itineribus ab Oriente ad Occidentem, sublime editèque admodum, ac cum silentio volantes, quod serenitatem præfagire aiunt, secùs ac si obstreperis vocibus frequentiores susurros excitent . Pulchrum erat integras cohortes cernere modò in cornua divisas, modò in unum collectas triangulum efficere circumeunte Duce, ceù exercitûs Præsides, ac Rectore . Visa & Avis quædam Subalpinis ignota, subnigra rostro, tubrubra pectore, subflava alis, tubviridis pede,



pede, mole Turturis instar, *Garrulus Bohemicus* dicta *Gesnero*, de quo mirascribunt, tam quoad internam viscerum constitutionem, quàm quoad ingenium; Rectius fortè *Rubicella*, seu *Pyrrhula*, aut *Ampelides Aldrovandi*. Seriùs quam olim advenerant Hirundines, tùm seriùs etiam discessere. Insecta quod attinet, horum numerosam adeò exstitisse progeniem haud meminimus unquam, ac eorum præsertim, quæ *Coleoptera*, seu *vagina-pennia* nuncupantur, quod alas suas velut in vagina recondant; Hæc inter novum quoddam spectatum animalculum albis nigrisque maculis tam pulchrè variegatum, ut Vestem Damascenam Phrygia acu intertextam iurares. Medio Vere, cum florescere primùm cæpit frumentum secundarium, (Secale vocant Nostrates,) summo illud manè exoriri, perque æra vehi denso examine visum; Vespere dein sese super spicea ferta colligere, ac mori infesto prorsùs aculeo; Hæc namque cernere erat sequenti manè exusta prorsùs, ac ferè absumpta. Odo-



re teterrimum aderat; Fortè *Scarabæus minimus*, seù *Fullo Charletoni*, si molem, ac vestem vario artificio fulgentem spectamus: *Ephemeræ* verò species potiùs, si vitæ illius brevitatem respicimus. Erucarum ac Bruchorum magna soboles; velox interitus, ut & animalculi cuiusdam vitibus summè infensi, Italis *Taliadizzo*, Græcis *Ips*, ab *Ipto*, i. e. *Blapto*, *Noceo*; Quia proprium eius est in vitibus versari, easque erodere; Hinc vini proventus modicus, cui tamen tum aeris fortè, tum ventorum sævities, ac inclementia haud parùm tulit. Vix paucæ per Æstatem obstrepere auditæ Cicadæ. Subdulce mel, & subaquosum. Feni exigua perceptio; Serici haud ingens; Copiosior Tritici. Hocce in horreis collecto sobolescere visa insecta quædam non alata illius summitates diro spiculo depascentia instar Teredinis. Toto deliquit anno Mercurius, nec unquam visus ultrà 20. lineam ascendere, ceù constitutam sibi metam, ultrà quam pergere vetitum.



XXXXVII. Ad Morbos venio , qui *Morborum per ea tem-  
 pora defæ-  
 vicientium  
 Historia.*  
 reliquo hocce anni decursu subluferant. Hos inter Variolæ visæ extemplò , ad-  
 que primos Ventorum Meridionalium  
 afflatus proludere , perque universum  
 agrum errantis in morem huc illuc di-  
 vagari , haud exiguo perculsis timore Ci-  
 vibus , eam nempè , quam hæ superiori-  
 bus annis ediderant , cladem adhuc dùm  
 animo expendentibus . Vix auferant illæ  
 tamen Suburbia ipsa , nedum Urbem at-  
 tingere . Citiùs etiam quàm credebatur ,  
 sese subduxerant ; Nec diræ adeò , atro-  
 cesque , cuiusmodi extiterant olim . In-  
 solentiùs quidem intrà Urbis mœnia de-  
 bacchabuntur recens ortę ægritudines ,  
 quæ sanè etsi diversę ab iis primo intui-  
 tu viderentur nonnullis , quæ exacta hye-  
 me , ac Autumno sevierunt , haud ab-  
 simile tamen ingenium , irascendique  
 morem præbuere ; Quod rem attentius  
 consideranti facile erat decernere . Enim  
 verò vix mitior arriserat Veris Constitu-  
 tio ; Vix leniores perflaverant Venti , ut  
 illicò erumpere visæ foras pleno velut  
 agmine

agmine Pleuritides, rectius forte *Peri-pneumoniæ*, atque unâ simul ruere iis comites assidue febres, ardentesque. Sæpè etiam caput attollere videbantur Erysipelata, hosque ac illos indiscriminatim laceßere, at ludentis instar potius; Aut enim præcludere hæc exaratis affectibus, aut iis obsequi magis, quàm sibi quidquam addicere, perspicuum erat. Lusus illa reverà aderant, quibus morbifica huc illuc pergens materies, aut iam fortè vitalia claustra obsidens etiamnum incautiores fefellerat. Præcipuè enim hosce inter rerum fluctus metuendum erat de vitali Theatro, ubi dein cùm ablatò Sipario postremus plerumque ludebatur Tragediæ Actus. Id unum solerti prudentique Viro prævidendum erat, ac totis viribus enitendum maxime, ne *fractò aggere* ad pectus illaberetur errabunda materies, vel illabens illa, aut iam fortasse elapsa, quàm citissimè illinc revocaretur. Hæ Medico erant artes, queis vindicanda, ac servanda erat res.



XXXXVIII. Et sanè de iis tuendis  
potissimùm partibus agebatur, à quibus *Peripneu-*  
prima vitę stamina proficiscuntur. Huc *monia ac*  
tota Belli moles incubuerat; Huc pugnae *vomica fre-*  
locus, huc pręlii campus, huc denique *quentiores.*  
rerum summa gerebatur, heu funesto  
plerumque exitu. Nunquam frequen-  
tiores obvię Vomice, ac dira pectoris  
mala; Quodve mirere magis, cernere  
erat haud paucis vomicam penè ex ab-  
rupto sese prodere nulla proludente fe-  
bri, aut alio quopiam signo, quod se-  
pè latens intrà pręcordia quidpiam præ-  
nunciare solet. Nonnullis vix una, ac  
altera febris accessio præcessit. Plerisque  
anxietas maxima, febris acuta, Tussis,  
sepè etiam dolor lateris punctorius, pul-  
sus mollis, velox, ac inęqualis, præcalidus  
spiritus, seù ingens in spirando fervor,  
sputa per initia liquidiora, cruenta, fe-  
da, lingua urens, turbata alvus, san-  
guinis stille è naribus, extremorum fri-  
gus. Hęc prior mali Scena, cui nisi  
initio statim occurrebatur, inevitabile  
erat inducto velociter Sphacelo farum;  
Sepè

Sepè hinc congesto in parte aliquâ Pectoris pure, Vomica tandem in apertum suo tempore prodibat felici plerumque omine. Quamplures hac viâ per æstatem lætâ suppuratione evaserunt.

*Pleuritis  
quo pacto  
à Peripneu-  
monia se-  
cernenda.*

XXXXIX. Atque hinc luce meridiana clariùs patet, quàm falsò Pleuritidis nomine id mali genus rùm temporis indigaretur; Siquidem nec *Tussis*, nec *sputorum excretio* inter signa, quibus fecernitur Pleuritis, recensenda minimè veniant, quæ potiùs ad alium morbum huicque in multis dissimilem *Peripneumoniam* nimirum pertinent. Mirabar ego Celebriores Viros in hunc errorem incidisse, hancque pectoris ægritudinem, quæ nihil commune habebat cum Pleuritico affectu, Pleuritidem nullo discrimine appellitari. Hinc tot audiat per Urbem sævire Pleuritides, quæ æquiore iure Peripneumoniæ dici debuerant.

*Quæ præci-  
pua buius ac  
perennis  
nota.*

Aderat & perennis altera, ac constans harum nota, quæ nullo modo Pleuritidi unquàm competit: *Magnus* scilicet *in spirando æstus* ob turbatiorem ac magis festi-



festinatam respirationem, oppressis magno onere Pulmonibus. Scio inventa Practicis vocabula quædam, quibus id ipsum explicant; At si fas est, quid ipse sentiam, apertè dicere, asyla hæc potius sunt ignorantia Medicorum, atque eorum quidem, qui, ut rectè olim aiebat *Verulamius*, *fingunt simul, creduntque*; *Neque unquàm nobiliores animos erexere*. Quantum verò conferat in re Medicâ præsertim rem unam ab aliâ secernere; Quantum inde Arti laudis, ægris emolumentum accedat, nemo non videt? Legitur apud *Dodonæum* historia Peripneumoniarum popularis, quæ tunc temporis, annis nempe 1557., & 1565. grassata est, huic nostræ haud absimilis: Atque is quidem ad extremum narrationis suam sic claudit, quod scilicet (a) morbum hunc non Pleuritidem, sed Peripneumoniam fuisse mortuorum corporum dissectiones coram ostenderant; & hoc utique innuere modestè videtur Vir Doctissimus Medicorum sui temporis *Obf. Med. 21.*

*Medicorum  
plerique  
notati.*

*Dodonæus  
laudatus.*



ris errorem, qui foriè de eo tamquàm de Pleuritico affectu iudicium fecerant.

*A Pulsu  
unicè, sive  
Pleuritis,  
sive Peri-  
pneumonia  
internosci-  
tur.*

L. Nec difficile quidem erat conijcere vel ab ipso unicè pulsu nihil huiusmodi ægritudinem affine habere prorsus cum eâ, quæ à Pleuræ inflammatione oritur, etsi Tussis adfuerit, ac dolor lateris punctorius. Nunquàm enim aut saltem compertam paucis memini pulsum duritiem, quod quidem ultimum inter proprietatis notas malim reponere, quæ Pleuritidi conveniunt, quàm cum *Galeno* Tussim. Cuius sanè sententiam uti sæpiùs datâ operâ aspernari, & respuere hominis esset valdè arrogantis, ità in omnibus sequi velle, superstitiosum est. Neque enim Authores in Medicinâ faciendâ, sed rationis momenta querenda sunt. Confusa hinc ac implicata, & à veteribus, & à recentioribus tradita huc usque est utriusque huius morbi descriptio. Etenim si veterum scripta perlegimus, hi quidem eos inter se distingui scribunt, sed easdem utrique notas assignant: Idque facilè animadver-



madvertere licet, quod quæ apud illos  
 de Pleuritidis caractere habentur, ad Pe-  
 ripneumoniam meliore iure referenda  
 sint. Recentiorum verò plerique vix ul-  
 lum inter hos morbos discrimen ponunt,  
 gradu tantùm dissimiles esse volunt.  
 Nonnulli etiam Pleuritidem dari haud  
 contendunt, quæ Peripneumoniam non  
 habuerit coniunctam, ac vicissim inflam-  
 mari haud posse Pulmones, in fonte  
 Pleurâ; Quod tamen & ratio, & histo-  
 ria Medica falsum ostendunt. Multa  
 namque Pleuritidorum cadavera secta  
 sunt, in quibus Pleura corrupta inte-  
 gro Pulmone reperta est; Secùs quidem,  
 si unâ cùm inflammatione Pleuræ vi-  
 tium quoque in Pulmonibus, sive quod  
 idem redit, Peripneumonia adfuerit;  
 cuius utique, ut quæ toties dicta sunt,  
 iterùm repetam, cuius inquàm propria,  
 & minimè eminentia signa sunt unâ  
 cum acutâ febris *Pulmonum* gravitas, *Peripneu-*  
*Tussis, sputorum excreatio, atque in-* *monia, ac*  
*gens in spirando fervor; Illius verò,* *Pleuritidis*  
*Pleuritidis nempè, anhelitus difficilis, pul-* *nota.*  
O 2
suum



Anatome  
Medicis ne-  
cessaria.

*suum durities* (Quod caput est maximum,) *Febris, pungensque ac vehemens lateris assiduus dolor.* Equidem nedum magna, sed omnis, ut ita loquar, Medicis lux ab Arte Anatomicâ petenda est, quâ morborum plurimorum, & proprias Sedes eruere, & signa legitima fecernere queant. Eam ob causam factum arbitror, ut *Celsus* elegantissimam illam humani corporis descriptionem curandi præceptis inseruerit: Utque eadem vestigia persecutus breve quoddam de partium structurâ commentariolum morborum Historiis præmiserit *Aretæus*.

Anaxionis  
Historia ex  
Hippocrate.

LI. Et sanè tota hinc, ausim dicere, pendet curandi Ars; Ut enim in Pleuritis liberior sanguinis detractio sola sæpè absque alio quopiam subsidio morbum absolvit; & hæc quidem, at maiori circumspectione instituenda in inflammatione Pulmonum est, cui oleosa omnia, quæve ad sputa elicienda idonea habentur, suum & quoque calculum ferunt; potiore quidem titulo, ac æquiore iure, quàm  
in



in Pleuritide Verâ. Exemplo est *Anaxion*, cui haud veritus est *Hippocrates* magnâ sui laude octavo die sanguinem mittere, de remediis, quæ sputa extruderent parum sollicitus. Quamquam enim nomen morbi in hac memorabili Historiâ reticeatur, haud difficile tamen est illum pro germanâ Pleuritide agnoscere. Est quid utique reverâ *Divinum* in Peripneumoniâ, quod nunquàm, aut rarò in Pleuritide occurrit. Etenim intrâ parietes Pleuræ arteriolæ multæ à ramo intercostali deductæ effunduntur, quæ levi sæpè de causâ nimium distentæ obstrui solent, inflammationemque pariunt; Ast Peripneumoniam quod attingit, huius sæpe numerò parens extitit, qui idem

*graves morbos mortalibus affert Multimodè.*

LII. *Nec vana loquor*: Eadem namque, quæ superiore Autumno, ac exâstâ nuper hyeme eas induxit ægritudines, quas superiùs retuli, ipsa eadem adhuc dùm vicens causa huiusmodi

*Vomica ac Peripneumonia ab communi invicem causâ profecta.*

Peri-



*Suppuratio-  
nis inchoata  
praeludia,*

Peripneumonias Vere ortas, perque Æstatem dein latè sævientes intulit, quæ ple-  
risque in Vomicas haud inauspicatò de-  
fiere. Is namque unicus aderat mali  
exitus, in quo nonnulla saltem posita  
spes erat adhuc. Curiosum erat proces-  
sum omnem morbi in suppurationem  
abeuntis adnotare, cùm scilicet inflam-  
matoria materies ab ipsamet Natura re-  
solvi non potens, nec Arte emendari,  
blandior tamen, stagnans eadem, calens,  
pulsaque, coercentia latera extendendo,  
vel rodendo abscessum vomicamve for-  
mabat. Futurum id clarissimo argu-  
mento declarabat ipsa morbi indoles fa-  
tis quidem acris, nec tamen acerrimi,  
tùm minimè superata adhuc fera sympto-  
mata, quodque potissimum aderat, spu-  
ta liquidiora, nec criticis diebus evacua-  
ta per ordinem, qui sanationem doceret.  
Fieri autem iam propè abscessum osten-  
debant leves, vagæ, sæpè repetentes si-  
ne manifesta causa horripilationes, stillæ  
sanguinis è naso, genarum rubor, sitis,  
pulsus debilis, ac mollis, febricula; Qui-  
bus,



bus formato dein tumore, seu abscessu Tussis unà aderat comes pertinax, sicca, ad pastum, motumve aucta; respiratio difficilis, parva, anhelosa, strepens; decubitus in affectum latus tolerabilis; sudor nocturnus maximè circa iugulum, & frontem; urina spumosa; pallor, macies, debilitas summa. Proximè hinc impendebat tumoris disruptio, cui aut imminenti propè, aut sæpè etiam sub ipso disruptionis puncto, ac temporis articulo præludebant deliquia, turbationes alvi, stertor, hæmorrhagia narium, suppressa penitus sputa, moxque uberiore eadem copiâ educta, sanie commixta, fæda, teterrima. Sæpè purulenta iam facta materies repente intrà pulmonales venulas resorpta, ac sanguini permixta aliò ferebatur, ceù Præclaro Iuveni contigit decumbenti ad *Portam Eridani*, quem ortus inopinatò ad sinistram aurem abscessus extremo, quod propè aderat, eripuit fato. Quotquot in cava Thoracis, inque Mediastini dilatata vacua abiisse illam, aut  
ad



ad hepar verti novimus, omnes perire.

*Ægrorum  
recensio al-  
tera.*

LIII. Una scilicet spes salutis erat, si disrupto abscessu sputa bonis avibus eiciebantur, suasque illa Phases, ac mutationes obibant *Præcticis* notas. Haud paucos hac viâ servatos memini, quorum exempla aliquot hoc in loco perscribere haud puto alienum.

### *ÆGER PRIMUS.*

**C**Omes iuxta Templum *Divi Francisci de Paula*, temperamenti atro sanguinei, habitûs strigosi, adque bilem generandam, ut aiebat *Hippocr.*, idoneus, medio Vere acuta febris corripitur cum dolore lateris punctorio, Tussi, gravitate *Pulmonum*, pulsû celeri, elato, valido. Idem superiore hyeme diro in facie Erysipelate laboraverat. Sepè etiam olim Pleuritide vexari consueverat, initio Veris. Postridiè exacerbata sunt omnia; ferus magis doloris sensus, intensior febris, sitis magna, pulsus duriusculus



lus. Quartò stillæ sanguinis è naso; turbata levitèr aluus; Urinæ subrubræ, atque suspensum in iis quidpiam; Somnus nullus; Sputa liquida, pauca; Summa corporis per intervalla frigida. Hactenus ad quatuor vices secta in cubito vena. Quintò Clarissimorum Virorum sentiâ nova imperatur Sanguinis missio, ac dein lenis exhibita potio ex Mannâ. Vespere calor vehementiùs excanduit; Parum adhuc Sanguinis è naso profluxit. Spiratio magis difficilis, pulsus velocior. Iterum ex brachio missus est Sanguis ad uncias decem. Sextò lateris quidem dolor cessavit, ac ferè ex toto evanuit, at sævior adfuit Tussis, magnaue corporis iactatio; Multa per aluum demisit biliosa. Septimò molestè magis habuit, nam & intendi magis febris, & infestare Tussis, & spiratio ingravescere visa. Conclamata propè res erat gravi præludente stertore; Tùm quidem novus repentiè obortus horror, commotaque spontè aluus, ac penè sub idem tempus copiolus ex utrâque nare effusus sanguis spem fecit lætius.

P quid-

quidpiam hosce inter tumultus rerum elucescere. Exhibita fuit è vestigio cardiaca, oleosa, sputum moventia, inter quæ ego floribus Belzoin palmam deferro; Paullò post multa caput, & concocta expuere. Allevatus est; Undecimò Sputa faciliore conatu eliciebantur; lenior febris; Turbata adhuc dùm alius ter, quaterque per diem concreta pauca demittebat probæ indolis. Sæpè etiam per vices ab disrupto abscessu Sanguis visus è naribus proflire ad aliquot uncias. Victu tenui utebatur, potu melleo, *hydromeli* vocant Greci, quod liquoris genus est ex purissimâ aquâ, & melle temperatum. Decimoquartò remissâ penitus omnia; In urinis alba, multa subsidebant; Sine siti erat. Benè spirans. Trigesimoquartò absoluta prorsus suppuratio est felicissimè. Sæpè per id temporis accendi iterùm visa febris, ac excandescere magis Tussis, at citò id, aut uberiore urinæ profluvio, aut commotâ alvo, aut sputo liberiùs elicitò omninò evanescebat. Forte id etiam exigui alterius formati tumoris,



moris, aut alterius exiguæ vomicæ ex templò disruptæ præludium aderat. Vix paucis obtrigit septimo die læto omine prodiisse vomicam, perque totum morbi decursum assiduo lusu Sanguinem è naribus profluxisse, ac unà simul turbari repentiè aluum; quæ quidem omnia amplissimam præbent contemplationum segetem, quo nihil Arti majoris compendii extitit unquàm, ac præstantius idem.

*ÆGER SECUNDUS.*

**S**acerdos *Congregationis Oratorii Divi Phil. Neri*, cui flaccidi diù pulmones, ac sæpè morbis conflictati, tùm propè imminens senectus, ex febris tertianâ duplici appetente Æstate decubuit. Comes huic aderant sputa improba, pulmonum gravitas, pulsus intermittens, ac leves animi per intervalla defectiones. Opem illi initiò tulerat Pater meus; At qui cùm ipse paucis post diebus ab Urbe abesse coactus foret gravioribus curis

distractus ; Ægri tutela mihi relicta est .  
 Cùmque omnia sedulò , ac diligenter ex-  
 penderim, erupturam propè diem vom-  
 cam ægrotanti , ac adstantibus detuli .  
 Die sequenti cùm summo manè ægrotan-  
 tem inviserem ; disrupti noctu abscessûs  
 notam prætulit sputum sanie permixtum ,  
 tetrum olens, copiosum . Ipse media cir-  
 citè nocte quid insolens persenserat sub  
 imo pectore , ac penè animam agere vi-  
 sus ; Diù ante incerti doloris vestigia in  
 utroque Thoracis latere occurrerant , qui-  
 bus unà sicca, ac fera admodum Tussis  
 proluserat . Selectioribus balsamicis, Trau-  
 maticis, Rhypticis in usum adhibitis ri-  
 tè peracta res est , ac omnis rescissa pe-  
 nitùs mali origo .

### *ÆGER TERTIUS.*

**R** Everendissimus Abbas *Congregatio-*  
*nis Reformatæ Divi Bernardi* gra-  
 vi olim Orthopnæâ diù detentus, ex ali-  
 quot dierum itinere , cum sæviùs quàm  
 unquam perflaret Boreas , in febrim acu-  
 tam



tam incidit unà cum magnâ spirandi difficultate, Tussi, dolore lateris punctorio, pulsu languido, ac inæquali. Mox intensiùs adaucta febris; Spiratio ingravescens magis; Facies, oculique, emortui hominis instar; Mens emota; Sputa initio liquidiora, viscida modò, ac cruentis lineis interstincta; Urinæ per initia tenues, nihil subsidentes, copiosæ. Brevi ad extremum redacta erat res. Decimoquarto subitæ defectiones animi, vacillans pulsus, frigida repentè extrema propè erupturæ Vomicæ præluferant; Prodire mox visa sputa puris instar, graveolentia, exiguo conatu, fæda. Septimò & vigesimò obstricta dudum alvus biliosis multis perturbata est, nec paucò tempore talia multa processere; In totum autem tùm febris reliquerat, tùm sputorum excretio lætissimè desiit. Cruenti quidpiam ab hæmorrhoidalibus venis sub morbi decursum effluxit. Secta bis initio in cubito vena, mox alterâ vice in pede; Hirudines quoque ano affixæ semel;

mel; Disruptio tandem apostemate appropriatis remediis opitulatum.

### *ÆGER QUARTUS.*

**P**istorem propter *Portam Urbis Victo-  
riam*, an potius *Victoriam*? Per  
illam namque INVICTISSIMUS REX  
unà cum EUGENIO PRINCIPE, ac  
cæteris fœderati Exercitûs Ducibus Ur-  
bem memorandâ illâ die ingressus est,  
quâ fractis, & profligatis Hostibus ob-  
sessam trium mensium obsidione Civita-  
tem solvit, Italiæ libertatem asseruit,  
Europæ securitatem restituit; Pistorem  
inquàm febris acutaprehendit cum do-  
lore lateris punctorio ad dextrum usque  
Hipochochondrium, ac Regionem umbili-  
calem propagato. Magna abdominis ten-  
sio, ac totius corporis lassitudo; Facies  
mox ab initio subfusca ferè, pulsus hu-  
milis, merentes oculi, respiratio gravis,  
anhelosa, difficilis. Quartò mitior do-  
lor, pulsus intermittens; commota al-  
vus; Urinæ flagrantès; Sputa pauca,  
sub-



subflava, improba; Nox laboriosa. Septimò delinquens per intervalla è vestigio pulsus, vacillans idem, vix elatus; Paucus sudor circà caput prodiit; Nihil ab alvo deiecit. Nonò sudore per totum corpus diffuso læta sputorum excreatio obtrigit, quæ ad vigesimum usque diem probâ expurgatione perduraverunt. Huic ob virium iacturam, cuius certissimus index erat pulsus humilis propè, deficientque, semel tantùm parca doli missus fuit sanguis è brachio. Utramque tutiùs paginam implère Cardiacà, Balsamica, Traumatica. Magnam præstitit opem in principio Morbi Theriaca cum vino exhibita, tùm quandòque etiam unà cum aquâ Scabiosæ, ac Syrupo de Papavere errarico; Hoc enim more coctâ magis sputa liberiore viâ ex pulmone prodierant; Valentior itidem pulsus, ac validiores vires rediere. Vesicantia quoque bina admota humeris, fectus, moxque ab effracto apostemate Rhyptica, abluentia, consolidantia feliciter usurpata, inter quæ Therebintinata

nata quæque, ac balsamica cætera Principem locum obtinent.

### *ÆGER QUINTUS.*

**O** Litoris Uxor iuxta *Hortos Regios* decumbens sædâ per hyemem scabie longo intervallo vexata, medio Vere febris acutiâ ex levi occasione corripitur cum rigore, ac dolore Capitis, anbelitu difficili, cui postridè sese unâ comitem addidit Tussis, sitis, ac dolor in dextro Pectoris latere per vices repetens. Tertio die febris rediit, mox dirior Tussis, abiectus omninò pulsus, sputa atro colore prædita, pauca eadem, ac summè viscida. Vespere sincerus ex dextrâ nare exiguâ copiâ sanguis effluxit; Alvus autem stercora probè demisit. Quarto rigor repetiit, sopore aliquantulum detinebatur; Biliosa, flava, multa vomitione reiecit, paullumque intermittens, virulenta; Pulsus debilior, ac inæqualis; Facies ab ipso morbi exordio vultuosa; Sputa liquida; Vires abiectæ prorsùs. Refici hæc  
visæ



visæ sensim, ac recreari, atque unâ simul erigi pulsus, spataque uberius ac probè elici, exhilarari vultus ab exhibita per vices Theriacâ in aquâ è toto Citro, aut Scabiosæ unâ cum modicâ dosi hircini sanguinis. Gemina quoque ad-mota Tibiis vesicantia. Undecimò febris reliquit penitus. Trigesimo quartò exiguâ iterum proludente febre, ingentioris salivatione correpta est, magnâ diu noctuque exundante feri copiâ tenuis, fætidæ, acescentis. Quod quidem postremum repurgato corpore, tum fero lactis destillato ad aliquot dies præscripto in totum desuit. Huic Genitrix septuagenario maior, ac Soror aderat natu minor, occulto utraque cancro pectoris dudum vexata.

*ÆGER SEXTUS.*

**A**lteram ex abortivo fætu circiter quintum mensem febris acuta corripuit cum exiguo horroris sensu, lumborum dolore, & gravitate capitis. Ter-

Q

tiò

tiò inaugebantur magis dolores; Respiratio difficilis aderat, pulsus debilis, inæqualis, extremitates frigidaë, intus exæstuans, jactabunda, urens. Quinò sudor paucus circa caput, ac summum pectus dimanavit; Per vices visa delirare, confestimque rursus ad intelligentiam redire; Sputa sublivida; Urinaë pauca, tenues, nigrescentes. Septimò sub tempus matutinum è vivis migravit. Alvus huic per totum morbum recrementis multis, crudis, ac tenuibus fluxit.

### *ÆGER SEPTIMUS.*

**F**Aber Ferrarius Athletici habitus propè *Xenodochium Charitatis* ex febris assiduâ decubuit cum dolore lateris gravativo, Tussi, Pulsu vix elato, inæquali. Sputa per initia liquida, cruenta, pauca; Respiratio laboriosa; Oculi micantes; Facies atro colore suffusa; Siticulosus; Insomnis. Tertiò extrema livida ferè, & frigida; Præcordiorum contentio submollis utrinque; Pulsus propè deficiens



ficiens. Quartò mens perturbata fuit; aliquantulum insudavit. Multa per alvum deiecit improba. Quintò obiit. Aperto cadavere præduros pulmones Hepati substantia, ac colore consimiles comperi plerisque intimè albicantibus lineis interstrinctos, è quibus purulentus, aterque humor prodibat graveolens. Plures insuper intrà cordis delubra exigui Polypi occurrerant, atque horum alter prolixus admodum in pulmonali arteriâ, perque illius ramificationes, ac maiores truncos eleganter dispositus. Mirum fanè, (quodque idem maximè lentescentis liquidi, tum solidi haud ampliùs in proprios systalticos nifus consurgere potentis argumentum extitit;) Ut tam exiguo tempore tanta pulmonibus labes accesserit, tam citò hi suppurari, atque hinc intrà horum sinum, ac profundiores recessus tanta congeri potuerit fæda, ac purulenta materies! Huiusmodi exempla præter multa, quæ à nobis afferri possent, sexto videlicet, septimo, nono die denatorum, in quorum cadaveribus

pulmones sanie undique scatentes reperi-  
ti sunt, legere est apud *Bonetum Anat. Pract. l. 2. c. 4. Ballonium, Riolanum, Hollerium, Zacutum, &c.* Idem quoque in Cadavere Illustris Viri Ludovici Gonzagæ sexto morbi die defuncti observasse refert *Cardanus (a)*, cui nempe omnia vasa pulmonis ex triplici genere, magis tamen asperæ arteriæ rami erant pleni sanie simili lacti, adeò ut nullus adesset prorsùs sanguis. Plerisque horum, qui celeri adeò fato sublati sunt, nigroris unà simul vestigia conspiciebantur, imminenti illa, aut fortè iam facti Sphaceli proludia. Conijcere autem erat propè adesse id ab doloris carentiâ, aut minùs exquisito illius sensu, quod quidem utrumque Sapientes nunquàm fefellit.

*Sphaceli  
impenden-  
tis signa.*

*Nàm id post  
obitum ab  
putredinoso  
cadaveris  
afflatu re-  
petendum.*

LIV. Neque id sanè arduum conce-  
ptu est, ut unà simul suppurationis, ac  
Sphaceli indicia occurrerint. Nec illa iis  
prorsùs habenda fides, qui ut idipsum  
con-

( a ) *De providentia ex anni Constit.*  
*pag. 1052.*



concupi queat, minimè edocti, huiusmodi nigroris, seu Sphaceli notas in pulmonibus obvias cadaveris corruptelæ adscribendas malunt. Cur namque eiusmodi nigroris vestigia in omnibus passim haud reperiuntur? Cur in pulmonibus illa potius, quàm in intestinis, quæ ob fæcum colluviem citius quàm ulla alia pars corrumpi, ac in Sphacelum abire debuerint? Cur denique in uno tantum, aut altero pulmonis lobo, reliquâ illius parte infonte penitus, ac integrâ? Equidem mali hinc potius culpanda sævities, & suppurationem, & Sphacelum inducere celeriter apti, ut præclarè idem explicat laudatus *Ballonius Epid. & Ephem. lib. 2. pag. 165.* Inclytæ Reginae Ioannæ exemplum afferens, quæ sexto die defuncta est, inque illius cadavere pulmones unà simul multa sanie plenos, ac Sphacelo obritos deprehendit.

*Ballonius citatus.*

LV. Isque aderat omnis sævientis morbi processus, quem quidem dum mihi adhuc ob oculos pono, ac mecum tacita cogitatione perpendo, præclarè video, tum

*Quæ in hac Constitut. præsidia proficua fuerint, quæ eadem noxia, ac perniciofa.*



tum luce meridiana perspicuum magis elucet, quàm opportunum fuerit labentem hæc inter discrimina Naturam erigere, tueri, vindicare; Quàm ex adversò *periculosa plenum opus aleæ* diversam ab hoc tramite viam insistere. Nullus hic enim sudorificis locus, aut catharticus, cum maximè in præcipiti res erat; Quin imò ipsamet cautè adhibenda remedia, quæ recreandis, confirmandisque viribus dirigebantur. Quot equidem recensere ego possemè medio sublatis, quos hisce artibus, atque adminiculis servari posse evidens erat, ac planè conspicuum; Si modò in doctum, ac prudentem Medicum incidissent? Quot *Orco* dedit præceptis unius hominis audacia, qui eò temeritatis evasit, ut indiscriminatim singulis decantatum quoddam sudorificum in eiusmodi pectoris ægritudinibus exhiberet, ceù Polychrestum, ac Divinum propè auxilium? Oh quàm perutile foret Reipublicæ huiusmodi pestiferam hominum sobolem de humano Corio impunè ludentium proscribere!



scribere! Oh quàm miseris ægrotantibus proficuum in solertis ac probi Viri manus devenire! Quantum verò expediat Medico, quæ exhibenda sunt remedia, maturè expendere, eaque pro morborum indole, atque ingenio Exploratoris instar secernere; Ipse Peruvianus Cortex, ut de hec uno loquar, ostendit. Is namque, qui superiore anno voto feliciter respondit, *Cane* modò peior, & *Angue* fugiendus nedùm in exaratis sævientibus pectoris affectibus erat, sed & in cæteris ferè, tum potissimùm in ipsis, quæ mox Autumno præluserant, quæve dein toto decursu anni sævierant passim, febribus; Evidenti quidem indicio, stimulo magis, quàm fræno opus esse, secus ac præterito anno, quo tota humoralis massa ad orgasmum heuè prona nimis, ac *nescia stare loco*, coercenda erat potiùs, ac ceu iniecto compede suos intrà fines, ac limites, ne diffugeret illa prorsus, compescenda, quod quidem mirè utique præstare potens est memoratus Cortex, ut Doctissimi Viri adnotarunt.



tarunt. Eamdem ob causam pariter vesicantia, quæ Superiore Anno noxia valdè existerant, ac nefasta prorsus, haud exiguum hoc labente anno ægrotantibus opem attulere; Ut & sanguinis missio, quam propè dixerim Princeps potissimumque extitisse in hac Constitutione præsidium, ut superius ostendi. Equidem ut apud Geometras *curvum* norma sæpè est, ac regula recti; fas est exinde decernere, quibus in morbis proficua sit, quibus econtrà noxia venæ sectio, iùm vesicantia, ac cætera quæque consueta Artis præsidia. Profectò si ab *Hippocratis* ævo ad hæc usque tempora hisce vestigiis institissent Medici, optatæ perfectionis apicem iam dudum attigisset Ars, quæ coniecturis & adhuc iure meritò facta illis videtur, qui haud sciunt errores non Artis esse, sed Artificum.

*Præfatæ pectoris ægritudines merito Erysipelata Pulmonum dicenda potius.*

LVI. Omne scilicet, ut ad exaratas pectoris ægritudines me conferam, intra Thoracis claustra intimè latebat malum; Quod quidem, si Erysipelatis morem, incre-



incrementa, exitum, quibus idipsum se-  
 se perspicuum præbet aliquandò, ac re-  
 cèns præbuit, attentius expendimus, ac  
 utrumque horum invicem comparamus,  
 nihil omninò diversum, ac discrepans re-  
 perimus; Quin imò fateri opus est eiuf-  
 modi exaratas pectoris ægriiudines nil  
 aliud reverà esse quàm *Erysipelata Pul-  
 monum*, quæ in gangrænam dein, aut  
 suppurationem, aut in utramque tende-  
 bant. Febrim quod attinet, eiusedem hæc  
 ipsa erat indolis, ingenique, ac illa,  
 quam iam iùm comitem tibi adsciverant  
*Erysipelata* superiore Autumno orta.  
*Crymodem* vocabat *Aetius*, ut eam ab  
*Typhode*, ac *Lypiriâ* secerneret, quæ  
 obfesso *Erysipelate* hepate, aut ventri-  
 culo oritur. Ut autem ad pectus potiùs,  
 quàm ad aliam quamlibet partem præci-  
 piti gradu rueret morbifica materies, ibi-  
 demque phlegmonis modò, modò *Systro-*  
*phes*, aut abscessus more subluderet,  
 totque diræs adeò egritudines gigneret,  
 haud abstrusa res est intellectu. Quan-  
 doquidem huc, qui per universum corpus

*Cur ad pe-  
 ctus magis  
 quam ad cæ-  
 teras partes  
 morbifica il-  
 lapsa mate-  
 ries.*

R

per-



perenni lege fertur cruor, totus pleno alveo pertransit; Huc mira triplicis generis vasorum textura præclaro invicem ordine ludentium conspicitur; Huc denique aeris alterationes quotquot effingere, aut cogitare animo quispiam potest, vestigia sui relinquunt. Hinc solidis, ac liquidis propagata labe; hinc Phlegmona, hinc Sytrophes, hinc enati ad pectus abscessus, quarum omnium ægritudinum parentem causam lubet ab aere ipso deducere.

LVII. Et sane ut is *acrioribus moleculis* dives superioribus annis, cum assidue adeò perflarent Austri, ad fluorem liquida coegit, ac dirè admodum si quis unquam, adversus solida se se præbuit, eadem crispando, vellicando, erodendo, ut tot palàm fecere spasmodicæ affectiones, quæ iùm temporis immanitèr populabantur: Ut idem *subacidis, ac nitrosis Salibus* onustus, quas Boreas vehit, eadem sæpè liquida ad fixitatem deducit, nec solidis parcens ea ab proprio sui elatere cogit recedere, inque fistulic

*Ab ruentibus invicem Austro, ac Boreâ mixtum quodpiam per aera ferri quod peculiares morbos induxerat.*



cas reflexiones abripi haud finit amplius;  
 Num vicissim ruentibus Austro, ac Bo-  
 reâ, cuiusmodi hæc ipsa existit labentis  
 anni Constitutio, *neutrum* quodpiam  
 corrumpere apium, ac figere abs re foret  
 excogitare *salinum principium*, quod *in*  
*aere ludens* hæc intulerit ægritudines,  
 tum à fixitate, ac *stasi* liquidorum,  
 tum ab putrefactivâ eorumdem, ac so-  
 lidorum unâ invicem conspirantium labe  
 pendentes? Quot enim ludere in mores  
 salia novimus? Quot illa formas indue-  
 re? In quot se se larvas effingere? Quis  
 omnes horum species recensuit unquam,  
*quot nec Proteus quidem lusit, nec co-*  
*loratus spectatur Camæleon?* Quis inti-  
 miora huiusmodi Naturæ abdita penetra-  
 vit? Ut acidum, austerum, acre, &  
 sexcenta alia in Sanguine latent incon-  
 spicua, ita in aere innumera ludunt,  
 quæ homines *multimodè* afficiunt, ac tot  
 diversa inferunt mala. Equidem in eiusmo-  
 di rerum trepidatione, totque inter vento-  
 rum oppositos flatus æquum erat interno-  
 scere insolitum aliquid *per æthera inane fer-*



ri , quo semel affecta liquida , ac solida fixitatem illa , hæc labem , utraque necrosin , ac gangrenam susciperent .

*Ut ab diversis effectibus conijciebatur.*

LVIII. Eiusmodi itaque exoticis salibus imbutus aer obvium quidquid , ac suscipiendæ labi aptum magis inficit , ac lædit . Quæ quidem salia cum diversæ adessent naturæ , diversas quoque affectiones induxerant , *Phlegmona* nempe , *Systrophes* , *Sphacelos* , *Apostemata* , prout figendo , & erodendo apta , aut horum alterum , aut utrumque sæpè pepere- rant . Nunquàm autem Sphacelo obsita ulla visa pars , quin huic inducta in liquidis stasis proluserit , oriumque dederit , ac incrementum . Nùm verò exitiales eiusmodi moleculæ ab spirantium adverso invicem flamine ventorum concursu , nùm ab aliâ quâpiam fortè causâ repetendæ sint , decernere nemo ausus unquàm , ac revelare ? An Terræmotibus quidquamtribuendum , iure dubitat ( a ) Clar. *Gagliardus* quod

*Gagliardus laudatus.*

idem

( a ) *Relazione de' mali di petto dell' anno 1720. p. 33.*



idem observationibus longâ annorum, locorumque intercapedine dissidentibus, institutis, ac collatis invicem comprobare nititur. Ast & id ipsum gravibus adhuc laborat difficultatibus, quas quidem prævidit laudatus Author, hæud tamen pro rei dignitate persolvit.

LIX. Hæc inter læthiferas particulas liquidis, ac solidis æquè infensas, exitio-  
 sæ, ac perniciosæ magis erant, quæ gan-  
 grænosam labem inducendo pollebant ma-  
 gis. Hinc enim enato celeritèr Sphacelo  
 velox discrimen, ut ægroto *sexto, ac sep-*  
*timo* obtigit, aliisque nonnullis, qui quar-  
 to plerumque, quinto, ac sexto die de-  
 functi sunt. Nosse erat huiusmodi fi-  
 gentis veneni vim, (sit verbo venia,) vel  
 ab ipso ore, vultu, oculisque ægrotan-  
 tium perturbati instar hominis, atto-  
 nitique, fero heù, trucique obtutu;  
 Lingua iis urens, ingensque in spirando  
 fervor aderat, ac præcordiorum æstus, sitis  
 Tantalea, dejectiones alvi nigrescentes, ex-  
 trema frigida, pulsus per totum morbi  
 eursum vix elatus, ac penè delinquens  
 idem

*Imminentis  
 gangrænæ,  
 ac Sphaceli  
 indicia.*



idem deficiensque . Atque iis quidem magni subsidii extitit Theriaca recens unà cum cardiacis assumpta, cuius beneficio haud pauci evasere . Nec exiguum quoque opem attulere vesicantia initio admota, horum quippè auxilio ad loca remota protrusis læthiferis, exoticisque salibus, seu ut Practici aiunt, morbifica materie producta, atque ibidem exonerata, non omnes passim enecabantur, quamplurimi etiam superstites fiebant.

LX. Nec verò quis me fortè putet inconsideratè adeò Theriacam in huiusmodi Phlogisticis, ac mali moris pectoris affectibus adhibuisse . Ecquid enim ex ingenti remediorum segete usu præclarius, ubicumque internæ viscerum corruptionis, ac Sphaceli metus est, quam Theriaca, quæ læthifera spicula eludat, putredinem arceat, cruorem ne effractis vinculis in fluore totus abeat, coerceat, ac mobilissimas illius partes retineat? Nùm in Pestibus, quarum Natura in tenuissima, celerrimaque putredine maximè versari,



versari, vel ex eo clarum fit, quoniam nullus morbus illis æquè est contagiosus, præsentissimum hæc ipsa auxilium est, cæteris longè præstantius? Narrat ( a ) *Forestus plerosque Hagæ Comitum anno 1580., cum eiusmodi ægritudines dirè ibi crudeliterque sævirent, se ipsos tum alios absque Medici præsentia curasse assumptâ Theriacâ.* Quod tamen auxilii genus, ut potè vulgare, ac comparatu facile haud ipse omninò probare videtur, ait namque idem, *præstare magis ea omnia adhibere, quæ vera methodus curandi docet, quàm uno calipodio, ut calcearij, aut uno medicamento omnes curare.* Nunquàm enim fortè nov-  
rat adhuc Vir eximius specificorum usum in Medicina, aut quod illius ævi mos erat, crediderat ipse sanari haud posse tutò ægritudines, nisi peregrina, ac pretiosa remedia comparentur, quæ

*Forestus  
notatus.*

*Lucis in ortu*

*Indus, Arabs, Syrus, divesque Sabæus*

*Vicino*

( a ) *Obs. 3. de febr. cum morbo Epid. grassant. p. 152.*

*Vicino sub sole legit, quæ præbet Orontes,  
Eximia ignoto mittit quæ Nilus ab ortu.*  
vanam scilicet ac futilem Medicinam esse,  
quæremedia proponit, ut *Plinius* loquitur,  
parata vulgò, inventu facilia. Heu quàm  
miserabilis aderat illis temporibus Rei-  
publicæ nostræ facies, quotve nobilissi-  
mam Artem erroribus implicarunt inge-  
nia Arabum?

*Vomicarum  
generatio,  
ac incre-  
menta.*

LXI. Ubi verò inflammatoria mate-  
ries in suppurationem abierat, perque  
illa sputum expurgari cæperat, summa  
erat nitendum ope, ut ritè id leniter-  
que prodiret, tutaque dein, ac subita  
ulcerosi loci depuratio contingeret. Su-  
bit hic loci, atque in memoriam redit  
miræ in præclara Vestali curationis exem-  
plum, cui huiusmodi abicæssus in Pul-  
mone diù latens erupit tandem, ipsaque  
unà cum sputo folliculum ipsum (mi-  
rabile dictu) quo purulenta materies in-  
cludebatur, eiecit. Erat is cystidis in-  
star efformatus, inque eius fundo pu-  
rulentus humor conspiciebatur eiusdem  
coloris, ac substantiæ, cuiusmodi ade-  
rant



rant sputa, quæ iam diu ante prodie-  
rant. Vesiculam adfuisse crediderim in  
hunc morem protensam ex iis, quibus  
totus undique Pulmo eleganti artificio  
componitur, in qua ceu in folliculo, aut  
cystide pus continebatur, atque earum  
quidem, quæ maioribus Tracheæ ramis  
proximiores sunt, quo facilius assiduis  
tussendi conatibus omni, quò adnecte-  
batur, soluta compede aereos tubulos,  
quorum ad fines exiguæ eiusmodi vesi-  
culæ appenduntur, subire potuerit, per-  
que os dein protrudi. Equidem follicu-  
lata, ut aiunt, Vomica, seu huiusmo-  
di Pulmonum abscessus, qui propriam  
sibi Cystim comparant, nil aliud esse ar-  
bitror, nisi vesiculam quamdam hoc pa-  
cto extensam, purulenta in illam mate-  
rie è finitimis vasis secedente, atque ibi-  
dem collecta, quo usque tandem ob sui  
copiam, aut nimiam acrimoniam effra-  
cto claustro in asperam arteriam, aut in  
cava Thoracis effundatur. Anatomica  
Pulmonum administratio perspicuiorem  
rem efficit: Quippè sanguifera vasa, quæ

*Vomica  
folliculata  
quæ.*



per totum Pulmonem innumeris propaginibus disseminantur, quæve admirabilem ibidem contextum explicant, ad universas vesiculas pergunt, iuxta quas illa variis amplexibus, ac gyris unà invicem ludunt, ac desinunt. Ecquid autem conceptu obvium magis, quàm tenellis desinentibus arteriarum, aut venarum orientibus ramulis disruptis, in vesicularum sinus sanguinem sensim effundi, ibidem colligi, ac dein in pus verum abire? Hinc enormes aliquandò eiusmodi Vomicæ, aut plures unà simul eodem tempore, aut successivè erumpentes. Videmus in statu præternaturali aneurismata passim, ac varices ab dilatatis arteriis, aut venis efformari, ac diversas passim glandulas laxiores evadere intumescere, inque magnam molem consurgere. Nùm æqua ratione vesiculares pulmonum cellulæ extendi magis, ampliores effici, ac dilatari haud poterunt, subque folliculi imagine minus in Anatomicis peritos eludere? Nùm & eadem foriè hæmoptiseos incrementa, ac

incu-



incunabula , totque dirarum pectoris ægritudinum?

LXII. Altera Vomicae species recensetur, quam tamen vix ego Vomicam dixerim; Quando scilicet in pulmonibus foveam unicam, aut fortè binas efformari quandoque contingit, easque circum circa parietes callosos obrinere, ità ut materies ibi collecta in massam sanguineam minimè transferatur, sed quotidie tota, copiâ licet ingenti, expectoretur; Hi satis sani degunt, benè respirant, comedunt, & dormiunt incolumes, aut saltem in modico corporis habitu perstant, & non rarò per senescunt. Hinc nonnulli dicuntur Phrysin per 30. aut 40. annos habuisse. Vivit apud nos Mercatoris Uxor quinquaginta quinque annos prætergressa plurium liberorum mater, è quibus unus ante biennium Phrysicus obiit: Illa habitu phryfico ab annis plusquam viginti merè purulenta expuit sceleton referens, & quamquàm à catarrhis in pulmones crebrò decumbentibus præter frequentes ex liene ægritudines,



dines, fato sæpè fuerit proxima, nostraque cura liberata, periculo tamen semper defungitur, ut in illam quadrare queat, quod eam mulierem, de qua *Hippocrates: Quinquies mortua est.* Quemdam olim secui tabe extinctum, cuius dum pulmones inspicerem binas utrinque cavernulas avellanæ capaces, non tamen exactè rotundas, aut æqualiter cavas reperi, sed quasi laceras, acsi à mustela, vel à glirè frustulatim portiuncula avulsa pulmones exesi fuissent. In harum altera ulceris callo recens obditi vestigia adhuc supererant. Sæpè is sanguinem tussiendo expuerat, tum paucis ante obitum diebus magna copia eiecit atri, spumosi que.

*Puris ac  
purulenti  
discrimen.*

LXIII. Utque rem in pauca contraham: Ut nullam absque folliculo, seu cystide vomicam concipio; Ità harum quotquot occurrunt, Sedem, ac locum in vesicularibus pulmonum cellulis statuendum autumo. Hinc purulenti, ac puris discrimen; Quæ namque ab effracto apostemate expuitur materies, verum illa



ac genuinum pus est. Quæ verò purulenti instar se habet magis, hæc nullam pregressam, aut presentem vomicam, aut aut flaccidos natura pulmones, aut eisdem nimio onere oppressos significat, Quod sanè ritè est secernendum, ne sepe quamlibet aliam pectoris ægritudinem pro vomica accipiamus. Vtriusque, purulenti videlicet ac puris distinctionem preclarè assignat *Divinus Senex lib. de alim.*; Enim verò ut haud concipi unquam potest ullum fieri posse pus absque suppuratione, quidquam sanè inter hoc, & purulentum intercedere opus est, quod nempè ad purulentum tantummodo sufficiat sanguinis vitium, secùs ac in pure generando cui & solida tuum quoque calculum præbent. Adversùs *Hippocratem* stare videtur *Galenus* ex sanguine pus fieri ratus, quod in phlegmone in abscellum abeunte sanguis extrà vasa effusus in pus vertatur. Atqui haud advertit ipse suppurationem haud fieri unquam posse absque carnis erosione, quod sanè indicat sinus post puris evacuatione-

cuationem sæpè relictus; Sanguis enim  
 fusus, & calefactus, ut antiquissima Ver-  
 ba usurpem in hac parte, humidam, &  
 calidam carnem, quam attingit, cor-  
 rumpit, ex qua carne, si Natura robusta  
 fuerit, verum pus nascitur, cui non  
 rarò admiscetur aliquid puriformis ex  
 sanguine, & humoribus extrà vasa effu-  
 sis. Ego quidem totum, quod adest  
 inter pus, ac purulentum discriminis ab  
 ipsis humoribus petendum existimo: Vel  
 enim sanguis est, vel lympa, quæ in  
 pus abit. Utrumque enim horum per  
 proprios sibi demandatos ductus uberi-  
 gurgite excurrit. Utque ab illius vitio  
 verum pus, sic ab lympa pituitam illam  
 putrem, seu purulentum illud, quod à  
 vero pure secernitur, generari puto;  
 Ad utriusque verò generationem solida  
 æquè concurrunt; Discindi hæc namque,  
 erodi, aut quocumque alio modo lædi  
 opus est, ut inde ab receptaculis suis,  
 per quæ vehitur, sanguis, aut lympa  
 secedat, inque pus abeat, aut purulen-  
 tum. Atque hinc è folliculatis vomicis  
 verum



verum pus, secùs verò ab iis, quod fo-  
veas dumtaxat, aut cavernulas in pul-  
monibus obtinent, exire cernimus; Quod  
illæ ab sanguine per ima quotquot De-  
lubra pulmonum discurrente, atque in  
vesiculas exundante enascantur. Hæ verò  
ut plurimum in extima pulmonum par-  
te conspiciuntur; Lymphatica namque  
vasa superficiem tantum pulmonis at-  
tingunt, perque illam assiduo lusu fe-  
runtur.

LXIV. Ceterùm quodcumque illud  
sit discrimen, quod inter purulentum,  
ac verum pus intercedit; Idem illud fa-  
cere videtur, quod & alterum. Utrum-  
que enim sæpè inevitabili fato prolusit.  
Rursùs in hoc etiam differunt, quod  
pus malum sit ut signum, & ut causâ;  
Ut signum quoniam abscessum, & in-  
flammationem systrophicam præcessisse de-  
clarat; Vnde consumptio partis pulmo-  
nis sequitur: Vt causâ quia nisi exeat,  
febrem lentam fovet, rigores inæquales  
affert, & corrumpit partem, & in qua  
manet, & contagio vicinam. Pituita  
verò

*Pus malum  
esse ut si-  
gnum, &  
ut causâ.*

*Observatio  
Practica.*

verò putris , seu purulentum , malum est ut causa tantum , quoniam afficit Pulmonem ipsum morâ , nisi exitum habeat . Sic in tussibus aliquandò cum puitâ excernitur , & sputum album , & semiputre , atque ut aiebat *Hypocrates* , simile puri . Quæ huic succedit Phthisis diuturnior , ac propagari aptior alterâ est , quæ ab vomica provenit .

*Ceterorum  
per Æstatem  
sevientium  
morborum  
narrationis  
continuatio.*

LXV. *Verum illuc, unde capi;* Eiusmodi pectoris ægritudines propè comitabantur anhelationes, quas Græci Asthmata vocant , Tusses , raucedines , capitis dolores , ventris tormina ; atque è chronicorum classe Hydropes , eæque pectoris potissimum , Tympanitides , Tabes , Arthritis , Scabies , postremaque hæc pueris præsertim , ac sæminis . Quædam etiam per æstatem gliscere visæ febres mali ingenii , eòque illæ peiores , truculentioresque , quò Canis instar rabidi hos , atque illos absque latratu lacebabant ; Hisce se se addiderant verminosæ aliæ , hæque inter nonnullæ , quæ incerto plerumque circuitu , mihi ,  
placi-



placidoque vultu ludebant , quæve di-  
 riores , inclementioresque evadebant , si  
 quis illas consueto more expugnare ten-  
 taverat . Obeliores in universum , qui-  
 bus

*Pinguis aqualiculus propenso sesqui  
 pede extat*

æviùs , crudelitèrque magis vexati ; Tùm  
 qui antiqua in Cruribus , aut Tibiis ul-  
 cera , aut peculiarem quampiam ægritu-  
 dinem diù fovebant . His namque inopi-  
 natò arefcente ulcere , aut vetere sanato  
 malo pectus illicò afficiebatur infausto  
 successu . Hoc pacto sublatum initio ve-  
 ris Romanum Pontificem CLEMEN-  
 TEM XI. audivimus , delatis mox Ec-  
 clesiæ clavibus Generis nobilitate , ac mo-  
 ribus Spectatissimo Viro *Michaeli An-  
 gelo Cardinali de Comitibus* , qui no-  
 men sibi assumpsit INNOCENTII XIII.  
 maximo totius Christiani Orbis gaudio,  
 ac plausu .

LXVI. Invalescente Æstate frequen-  
 tiores adhuc , quàm unquàm vomicæ  
 extitere , quæ quidem , etsi pari felicitate  
 T absol-

*Nova vom-  
 micarum  
 Siena diver-  
 so more  
 crumpentiū.*

absolverentur , non eadem tamen initia , ac incrementa observabant , ac quæ anteactō Vere proluserant . Plurimis namque levissimâ de causâ vomica erupit , nullo sæpè prævio vestigio doloris , aut horum quopiam , quæ sive futurum , sive iam factum abscessum , sive propè impendentem illius disruptionem prænunciare consueverant . Sæpè hos inter fluctus ventorum Variolæ , ac Erysipelata se se prodere conabantur , vix tamen quidquam memoratu dignum edidere . Quidam etiam mediâ Æstate subito fati tùm in Urbe , tùm in Agro erepti sunt . Desinere tandem , saltem haud ità frequentiores occurrere appetente Autumno cæperant memoratę vomicę , ac tùm rursus quidem , dirèq; magis foris prodire exarata febres , quarum tamen vix ullam cernere erat absque comite Pectoris labe , sive hæc illis præcurreret , sive in hanc illæ exierint sæpè . Vix pauci per Æstatem Dysenteriâ laborarunt .

LXVII. Primis Augusti diebus magna



gna caloris vis extitit, mox triduum tonitruosum, pluviosum, ac quandò-  
que grandinosum successit. Immotus per id temporis Mercurius constitit diù; Visus hic ima repente petere, ac ve-  
luti in Perigæo degere, cùm propè im-  
penderent tonitrus, *Cælique fragores*. Sæva hinc exarata alvi Tormina ac-  
cessere, quæ etsi primo intuitu lenitèr laceffere viderentur, in contumacissimas dein, periculosas, ac plerisque lethales ægritudines accedente Æquinoctio dege-  
nerarunt. Ingens quoque hic loci com-  
memoranda subit Puerperarum clades, quarum plurimæ abortivos fætus edide-  
re. Fortè id nedùm liquido ad lentorem toties memoratum proclivi, quin, & so-  
lido quoque nimis debili, ac laxo ma-  
ximè tribuendum; Utrumque ab arca-  
na, ac inexplicabili aeris constitutione, undè & cæteri effectus prodierant, re-  
petendum.

*Dira alvi  
tormina Au-  
gusto orta  
in lethales  
plerisque  
ægritudines  
degeneran-  
tia.*

*Magna  
Puerpera-  
rum clades.*

LXVIII. Equidem, ut verbo me ex-  
pediam; Vereor namque ne in ma-  
gnam nimium molem excrescat Pagi-



*Et solida, & liquida præcipuâ morborum Scenâ hoc anno extitisse.*

na ; Si quoi quot hoc anno regnarunt, ac longè , latèque læviere , malorum indolem , ingeniumque , atque originis principium attentè perspicimus , nedum video lentoris crimine redarguenda liquida , quin & forte maximam vitii partem solidis tribuam nimîâ laxitate peccantibus . Ecquid enim tot vomicæ , ut unam instar omnium egritudinem in exemplum afferam , ecquid inquàm tot hoc anno vomicæ , quot nunquàm auditæ olim ? nisi ab solido in crispaturas suas , ac proprios nisûs deduci haud potente ampliùs , ac penè dixerim, deficiente ? Anne foriè quis adhuc , frustrà declamante *Petronio* ( *a* ) , in eo est , ut totum liquido opus, nihil in æconomiâ animali solido velit adscribere , ignoratione potiùs pertinaci , atque inani seclæ amore , quàm ratione aut consilio ? Iuvenem nuper secui ex febris acutâ vigesimo morbi die defunctum , cui omnes Peripneumonix notæ aderant ; Huic universa Pulmonis substantia in strumas veluti composita conspicieba-

*Iuvenis seclæ Peripneumonia defuncti.*

( *a* ) *Satir. pag. 78.*



ciebatur , quibus apertis ingens puris copia profiliebat . Quidam quoque diuturno affectu catarrhali vexatus , qui mox in ascitem degeneravit , cùm vesci ampliùs haud potuerit , inediâ necatus periit ; Aperto Cadavere summiè flaccidos Pulmones , ac multâ sanie repletos, tùm viscera quæq; imi ventris laxa admodum , ac ventriculum præsertim, compერი occluso penitus Pyloro, ut nec Stylum quidem admitteret. Nùm id fluidis potiùs, an solidis adscribendum? Nùm, & ultro toti erimus in expendenda *liquidorum intemperie*, Principis illius intemperiei , quæ in solidis est , immemores prorsus , earum ignari rerum , *per quas vivimus* ?

*Pylorus omnino occlusus in ascitico .*

LXVIII. Antequàm verò supremam operi manum imponam, plura adhuc in mentem subeunt haud reticenda , quæque muneris mei esse puto singulatim percensere . Ac primò quidem Monstrum occurrit humanum Trunco bicipiti hoc ipso anno in lucem editum , quodve in scheleti morem redactum cuilibet spectan-

*Monstri bicipitis Historia .*



Standum servatur . Nihil in illo externâ facie monstrosi , præter duo capita uni trunco affixa , tùm medium quid inter utrumque caput posteriore parte prominens ab humero profectum . Ingens verò spectaculum , admirandumque rerum Theatrum protulit Thorax quo secto bina à se invicem digiti unius intervallo seiuncta corda unico pericardio obvoluta reperimus , geminosque Pulmones , suâ quemque Trachæa, aereisque tubulis præclarè instructum . Duplex ad utriusque Trachææ confinia Thymus insidebat ; Duplex quoq; reperta Aorta ; Tres visæ cordis Auriculæ ; Ad Dextrum namque utriusque corculi thalamum sua aderat auricula ità tamen comparata, atque unà coalescens , ut unica apparenter videretur , reverà duplex ; Utraque enim arctè adeò invicem connectebatur , ut vix ullum superesset ampliùs fœderis vestigium , quod sanè effugere visum vix potuit ob iniectionem ceræ rubræ per venam umbilicalem ante institutam sectionem , cuius ope nedùm vasa maiora cordis,



dis, sed & auriculæ ipsæ, perque imum ventrem dispersa quæque prolixo itinere vasa, ac præcipuè per Epiploon, Mesenterium ac Intestina elegantissimè, ac dilucidè manifestabantur. Ad sinistrum verò cordis sinum sua cuilibet auricula eminebat seiuncta invicem prorsus, atque distincta. Sinistrum corculum paullo maius dextro aderat, exque illo prodiens Aorta consueto tramite, ac divisione progrediebatur, quæ autem ex dextro proficiscebatur, tota penitus in ascendentes ramos impertiebatur. Nihil in toto Sterno, ac costis peculiare visum, præterquàm ab primo osse Sterni eminens quidpiam, inque arcûs formam elaboratum. Duplex pariter Spina occurrit, tum Æsophagus; Duo itidem ventriculi quorum quilibet sua habebat & orificia superiora, & inferiora, singula inferiora in propria, & bipartita protracta intestina Duodena, & Ieiuna, quæ tandem circà initium Ilei unita concredebant, & in unum desinebant Ileum, Cæcum, Colon, & Rectum. Duplex insuper Pancreas.



creas. Hepar insigne cum duabus vesiculis felleis. Lien unicus. Renes æquo prægrandes magis, quàm in fætu perspicui solent. Nihil in reliquis partibus, ac præsertim circà vasa generationis monstrosi observatum. Utraque spina toto sui tractu geminata protendebatur ad os usque Sacrum, ubi in unum dein os *coccygis* seu *caudæ* dictum desinebat. Incolumis adhuc dùm, & salva Parens decimam unà cum hocce recens edito fætu enumerat prolem. Visa sibi est quid insoliti pondere ac mole utero gerere postremis præsertim gestationis mensibus. In lucem editus vitæ superstitis indicium ad aliquot temporis minuta præbuit, quo sacris illum laticibus Christiano ritu abluere concessum fuit, magnâ oriâ apud Theologos lite, nùm unica, an duplex adhibenda fuisset lustratio. Mihi de hac re verba facere omninò vetat Philosophi, ac Medici Dignitas. Satiùs puto huiusmodi monstrorum causas, ludentisque Naturæ prodigia, seu aberrationes propiùs inquirere: Monstrum enim voco

*quid-*



*quidquid Naturâ deforme est*, hoc est *præter communem cursum Naturæ*, cuius tùm variæ species, tùm plures significationes occurrunt, quas hic loci referre non habeo.

LXX. Utque liberè sententiam meam aperiam: Putarim ego Monstruosum huiusmodi partum reverà geminum initio fætum extitisse; Atqui disrupta præmaturo conatu ovula, aut eadem foriè, vel in ipso adhuc ovario cohærentia invicem, arctoque fœdere alligata in unum coivisse dein, remanentibus plerisque in partibus gemellorum vestigiis, atque in iis poussimùm locis, quæ ad vivificos auræ seminalis afflatus vitæ initia primò susceperant. Atque hinc foriè decisa aliquandò fuisset celeberrima illa Quæstio de *Cordis* ac *Cerebri* Principatu, nisi horum utrumque geminum occurrisset, ut proinde aut æqua in utroque motûs vibratio eodem temporis momento facta fuit, ac per consequens par utrinque dominatûs, ac Imperii ratio, aut in horum neutro querenda sunt vitæ primordia. Equidem

*Authoris de  
huiusmodi  
monstrorum  
generatione  
opinio.*

in illâ rerum caligine tenellę homunculi partes, nec perfectè adhuc omninò delineatę, vel ad levissimum impetum dissilire invicem, novas hinc subire formas, ac sese in huiusmodi ostenta effingere facillè queunt. Idem namque motus, qui ad procreandum effingendumque fœtum concurrir, idem utique aut concitatus nimis, aut diverso quolibet modo ab naturali more recedens, monstrosos efficit partus: Omne siquidem quidquid in hoc amplissimo Naturę Theatro sese spectandum præbet, ab certâ quâdam mensurâ motûs proficiscitur. Atque hanc quidem sententiam eò libenter magis securiùsque afferre, ac tueri haud vereor, quod Pręstantioribus huiusce ætatis Viris, ac speciatim Clarissimo illam, ac amicissimo *Pestalossio* Philosopho, ac Medico Lugdunensium Celeberrimo acceptam esse scio, ut mihi idem *Ornatissimus Vir*, quę illius opinio esset de huiusmodi monstrorum generatione, ac causis per literas roganti, amicè aperuit, ac unâ simul alterius penè consimilis monstri hoc ipso  
anno



anno, ac ferè sub idem tempus Lugduni editi effigiem ad me misit, *Iani Bifrontis* instar, ut ab apposita utriusque figura videre est. Summè displicuit Doctissimo Viro internas partes haud perlustrasse, cùm ego illi quæ admiranda in meo reperi, rescripserim; Atqui nullus utique dubitationi locus relinquitur, duplex illi reverà Cerebrum obtigisse, duplex Cor, geminosque pulmones, tracheam, æsophagum, &c. *Je suis pourtant certain*, sic idem ad me conscripserat, *qu' il a double cerveau, double trachée artère, double poulmon, double epine du dos, &c.* Vocatque id monstrigenus, *compositum uniforme*, præclarâ divisione monstrorum in multiformia, & uniformia, eaque rursus in composita, ac simplicia, ut in pulchrâ, ac eleganti *Dissertatione de Monstiris* Clariss. Vir explicat, quam hic loci adnectere pergratum Lectoribus duxi, haud equidem, ut quas mihi laudes tribuit Vir Amplissimus, ipse omnibus patefaciam (longè enim absum ab vanâ huiusmodi ostentatio.

*Monstrorū  
divisio in  
multiformia, & uniformia.*

tatione,) ast quidem ut Meritissimi Viri nomen longè latèque proferam, eximus hinc quoque paginis hisce meis splendor accedat, ac decus ingens.

---

*Illustrissimo, atque Amplissimo Viro*

C A R O L O R I C H A

*HIERONYMUS IOANNES PESTALOSSIUS*

*S. P. D,*

**V**T fatis quatenùs in me est desiderio Tuo faciam, Vir Ornatissime hancce *de Monstris* Dissertatiunculam ad te mitto, quâ breviter, & dilucidè pro viribus rem totam expedire conabor

*Monstri appellatio.* Monstrum est *error Naturæ, seu recessus à statu naturali, qui contingit per accidens Physicum in corpore organiato, idest in homine, aut in bruto, vel in plantâ; per quem errorem corpora hæc fiunt deformia.*

*Accidens Physicum* dicimus illud quo  
me-



mediante pars aliqua, vel superabundat absolute, vel deficit; Quo pariter fit ut corpori pars aliena innascatur. Hinc differt ab accidente modali, quo pars, quæ in statu naturali recta debet esse, præternaturaliter incurvatur, vel longa abbreviatur.

Potest itaque monstrum definiri *Generationis terminus à statu naturali alienus per accidens physicum*. *Illius Definitio.*

Dicitur primò *Generationis terminus*, ut inde pateat errorem illum primæ conformationis rebus tantùm animatis competere. Secundò additur *à statu naturali alienus*, quia illæ res, illa corpora conformationem habent à naturali diversam. Tertiò demùm *per accidens physicum*, ut ostendatur discrepantia, quæ est monstrum inter, & vitia conformationis morbosæ, atque etiam *Prodigia*. Unde concluditur dari recessum à statu naturali absque monstro, nullum verò dari monstrum absque illo recessu.

Gigas, & Nanus distant à statu naturali tantummodò per accidens modale  
Ma-

Magnitudinis in isto deficientis, in illo verò excedentis à nimiâ, vel minimâ fibrarum extensione: Itaque Monstra nequaquam audiunt.

*Gigantis,  
Nani, ac  
Monstri  
discrimen.*

Quidquid à statu naturali aliquo modo recedit stuporem inuentibus parit; Stupor autem ille variis animi pathematis stipatur, quod elucescit à conspectu *Nani, Gigantis, & Monstri*: Prior quidem stuporem creat benevolentiae coniunctum, pulchellus nempè videtur, & hinc unusquisque ipsius conservationem exoptat; Alter parit stuporem admirationis participem; Tertius demùm stuporem horrore commixtum.

*Ac accidens  
inter modale,  
& Physicum.*

Homuncio gibbosus, valgus, aut varus, & toto corpore deformis est profectò generationis Terminus à statu naturali alienus, aut per accidens modale, & à vitio conformationis, seu vi morbi fit illud. Ceteroquin singula membra situm naturalem occupant, constat numero iusto &c. Error est in figurâ tantum, quæ simplex est modus, nec ideo Monstrum dici debet, & hinc commiser-



ferationem, nedùm horrorem ingenerat. Æthiops non est Monstrum: Color enim ipsius nil nisi accidens est modale.

Fætus natus capite onusto protensis crinibus, aut mento prælonga barba horrido, vel etiam canitie tamquam senex indecorus aliquid prodigiosi, nil monstrosi præsefert; Recedit à statu naturali tantummodò quoad tempus. Perinde ac Puella, quæ nata prægnans elapsâ unâ hebdomadâ fætum edidit ex *Ephem. Erudit. Parisiens.* Partus ille prodigiosus non Monstrosus est.

Fætus toto corpore lanâ coopertus quasi agnus, aut pilis alterius cuiuslibet belluæ affinibus monstrum profectò foret, hi siquidem pili ab humanâ Naturâ sunt alieni; Hic autem error, seu recessus à statu naturali verè est accidens physicum.

Si fortè fortuna mulier partu ederet animal quodpiam perfectum, & speciei prorsùs ab humana diversæ, illud animal minimè deberet monstrum nuncupari, quandoquidem homo illud intuens  
ori-

originis nescius nullam animadverteret matrem inter & prolem convenientiam, consensum inter uirumque suspicaretur nullum: Monstrum verò sui notam, & characterisma in se, & præ se ferre debet, ità ut ex autopsiâ dignoscatur: Productio illa originis habita ratione prodigiosa foret dumtaxat.

Venio iam ad Monstrorum Differentias, seu divisionem, quam ego apud Authores mancā adeò ac discrepantem invenio, ut sequentem concinnare celeri calamo necessarium habuerim: Monstrum itaque vel uniforme est, vel multiforme; Utrumque rursus simplex est vel compositum. Uniforme est totum eiusdem speciei v. g. humanum in homine, caninum in cane, &c. Multiforme est duarum, diversarumve specierum, aut partes habens omninò alienas, atque extraneas.

Simplex quod unico constat corpore, & nulla extrà numerum gerit membra.

Compositum quod constat vel corpore, vel membris duplicatis, triplicatis



tis &c. . Quemadmodum est illud, in quo duo corpora perfecta superficie tenus, vel in ( *a* ) fronte, vel in ( *b* ) dorso, vel in ( *c* ) latere coalescunt, vel alio quovis modo cohærent. Hæc & alia huiusmodi videantur in *Ulyssis Aldrovandi Historia Monstrorum*: Aut illud etiam quod ex duplici corpore ( *d* ) plus minusve simul immerso coagmentatur: Aut pariter aliud, quod duplici capite ( *e* ) tribus, quatuor, vel pluribus brachijs, aut totidem cruribus constat, &c.

*Monstrorum  
divisio, &  
exempla  
ex Aldro-  
vando.*

## X Sim-

( *a* ) *Gemellæ frontibus coherentes . Aldrov. pag. 635.*

( *b* ) *Gemellæ dorso coalitæ pag. 642. & gemelli tergo connati pag. 643.*

( *c* ) *Gemini latere coaliti. pag. 644.*

( *d* ) *Infans geminatus uniceps . pag. 608. Fetus geminatus vultibus oppositis. pag. 649.*

( *e* ) *Icon puellæ bicipitis . pag. 404. Puer tribus brachijs, & totidem pedibus pag. 490. Fetus quaternis brachijs, & pedibus. pag. 491. Homo sex brachijs refertus. pag. 494.*



Simplex uniforme fit monstrum. Primò per mutilationem ( *f* ), cui nempè unum vel ambo brachia , crurave deficient , vel quod capite tantum , & trunco [ *g* ] donatur , membris verò cæteris caret . Secundò per translationem , sive transpositionem partium , uti est illud , quod habet [ *b* ] brachium è Parotide profiliens . Tertiò per complicationem mutilationis simul , & translationis , sicut illud , quod unico inter scapulas brachio gauderet .

Simplex multiforme monstrum efficitur , primò per additionem partium extranea-

[ *f* ] *Monstrum altero brachiorum mutilato pag. 486. Homo quadragenarius brachiis carens . pag. 481. Infans sine pedibus . pag. 520.*

[ *g* ] *Infans sine brachiis , & pedibus pag. 478.*

[ *b* ] *Infans brachio transposito pag. 487.*



traneorum ut illud quod gestat [ *i* ]  
 cornua, vel ( *l* ) caudam, aut ( *m* )  
 cucullum, palliumve [ *n* ] carneum.  
 Secundò per commutationem membro-  
 rum propriorum in aliena, quod fit  
 quum aliena membra in locum nativo-  
 rum supponuntur, & substituuntur,  
 uti monstrum illud quod gestat caput  
 ( *o* ) belluinum, aures ( *p* ) leporinas,  
 aut manticarum effigie ( *q* ) ad genua  
 usque pendulas, vel Elephantis probos-  
 cidem

X 2

scidem

[ *i* ] *Monstrum humanum Cornibus*  
*arietinis. pag. 460. Homo cornutus in*  
*Ducatu Humenæ inventus pag. 127.*

[ *l* ] *Satyri altera species. pag. 25.*

[ *m* ] *Infans cucullatus. pag. 583.*

[ *n* ] *Infans pallio carnosio indutus*  
*pag. 584.*

( *o* ) *Cynocephali effigies. pag. 22.*  
*Homo ore, & collo gruis pag. 14. Mon-*  
*strum capite asinino. pag. 368.*

( *p* ) *Infans auribus leporinis. pag.*  
*456.*

( *q* ) *Homo fanesius auritus. pag. 10.*

scidem ( *r* ) loco nasi, vel pedes ( *s* ) caballinos, seu ( *t* ) anserinos, aut ungulas avium more ( *u* ) vice manuum, pedumve appendas &c. aut illud demum quod mediâ sui parte ( *x* ) humanum est, alterâ verò belluinum. Teriò per accidentias simplicis uniformis his posterioribus complicata v. g. mutilationis, & commutationis simul. ( *y* )

Compositum erit uniforme quoties membra multiplicia eiusdem erunt speciei.

Com-

( *r* ) *Infans cum promuscide pag. 373.*

( *s* ) *Hippopos. pag. 32.*

( *t* ) *Infans manibus, & pedibus anserinis. pag. 504.*

( *u* ) *Monstrum pedibus, manibusque ungue avium refertis. pag. 377.*

( *x* ) *Fætus semihominis, & semicanis effigies. pag. 651. Infans partibus inferioribus caninis. pag. 571.*

( *y* ) *Fætus sine brachiis cum cauda piscis loco crurum. pag. 480.*



Compositum multiforme evadit quum duo ( 2 ) corpora diversæ speciei adunantur , vel quum unum , idemque corpus duo , vel plura possidet capita, humanum aliud , alia ( 1. ) belluina , vel membra extraneis commutata in duplici corpore . ( 2. )

Compositum , & complicatum ex accidentibus monstri uniformis simplicis puta : Primò mutilationis in corpore exempli gratia bicipiti brachiis carente : vel in Puellâ Bifronte ex Museo nostro , cui tres tantum pro utraque facie prostant aures : Aut secundò transpositionis partium : Aut tertiò mutilationis simul, & transpositionis : Vel denique ex aliis accidentibus monstri multiformis simul unitis .

Mutilum, seu simplex uniforme Monstrum per mutilationem uniforme dicendum est ; Reliqua omnia deformia vocabuntur .

Pergo

[ 2 ] *Fætus bicorpor humanus, & caninus . pag. 652.*

[ 1. 2. ] *Exempla desiderantur, forsan per tempus evenient aliquandò.*

Pergo nunc ad causas exquirendas monstrorum ; In qua quidem re mihi metipso valdè gratulor, Vir Celeberrime, quod unà tecum sentiam, atque decernam. Et fanè ut ab uniformi simplici exordiar juxta allatam à me superiùs divisionem, Abolitionem fibrarum, nonnullarum saltem, causam esse suspicor mutilationis in monstro simplici uniformi. Quotquot enim fibræ in delineato Embryone, quod ovo includitur, delentur, totidem à fœtu partes refecantur.

Fibræ nonnullæ in ovo à sede suâ dimotæ causa sunt transpositionis erroneæ; Dimoventur autem, seu potius defleuntur fibræ tenellæ à levi quavis compressione in ovario perpessâ, à fortiori namque expunguntur omninò, quæ causa est mutilationis. Prædictarum causarum concursu mutilatio simul, & transpositio fiunt. Monstrum multiforme partibus alienis, vel succrescentibus, vel propriarum loco succedentibus causam habet maternam imaginationem depravatam.

*Monstrorum  
causæ, &  
initia.*



vatam in homine, in bruto autem variarum specierum simul coeuntium mixtionem, interdum etiam cerebri belluinæ matris dispositionem imaginationis humanæ vicariam.

Composita uniformia fiunt à cohærentiâ duorum, vel plurium ovorum, quorum partes quædam distentiæ extant, aliæ verò compressæ supprimuntur.

Composita multiformia ab ovorum coniunctione, & ab imaginatione simul vitiatâ in homine pendent; At in belluâ à coniunctione ovorum simul, & à diversarum specierum in coitu commixtione, vel ut iam dictum ab aliqua cerebri dispositione imaginationis vicem, & vitium supplente.

Ovorum coniunctio in ipso ovario perficitur ob abolitionem septi inter ovum utrumque medii, per obstructionem, seu compressionem succo nutritio transitum denegantem deleti, quo fit ut duo ovarii calyces, seu loculi concrecant in unum, ovaque contenta approximen-

*Ab deletis,  
aut quopiâ  
alio modo  
vitiatis in  
ipso ovario  
fibris dedu-  
cenda.*

tur,

tur , & plùs minùsve simul immerfa coalescant , quapropter illa sic conjuncta eodem tempore facundantur , atque unum totum constituunt , quod per tubam Fallopianam in uterum devoluitur .

*Harveus  
citatus .*

Nec sanè hæc ovorum conjunctio vanæ, & fallaci conjecturæ superstruitur : Videatur de hac re *Harveus in exercitationibus de generatione Animalium* , in quibus sic legere est [ a ] : *Nec desunt sua monstra ovis ; hæc referri possunt ova gemellifica , quæ duobus vitellis prædita sunt , quale nuper in utero Gallinæ perfectum , testâque obdutum reperi . . . . . Ex istiusmodi ovis gemini pulli nascuntur , &c.* Equidem testimonium istud , Vir Præclarissime , nil adhuc facit ad monstrosam pulli bicipitis originem , quam attulisti ; Ostendit tantummodò oriri pullos gemellos ex eodem ovo excludendos ob duplicem vitellum distinctum in illo ovo contentum . At sic pergit idem Har-

*veus*

[ a ] *Exercit. 12.*



veus ( b ) Vidi sæpè ova gemellifica ,  
 quorum singulos vitellos bina albumina  
 ambiebant cum membranis communibus  
 propriisque singillatim obvoluentibus .  
 Alia quoque ova vidimus cum binis vi-  
 tellis quasi connascentibus, quibus utris-  
 que unicum albumen commune circum-  
 fundebatur. Ultimum hoc testimonium  
 duas includit partes, prima quidem per-  
 tinet ad gemellos pullos ex ovo appa-  
 rentèr unico, re ipsâ tamen duplici na-  
 tos, altera verò ad pullos monstrosos ,  
 aut geminos , aut bicipites ob duorum  
 vitellorum cohærentiam.

Sic res abstrusa , Vir Ornatissime, pau-  
 cis elucidatur verbis : Hincque patet <sup>Antiquorū</sup>  
 quantus fuerit antiquorum error cogi- <sup>error ostens-</sup>  
 tantium monstri bicipitis, vel multimem- <sup>ditur .</sup>  
 bris causam materiæ prolificæ redundan-  
 tiam esse , quum potiùs in huiuscemodi  
 monstribus defectus, aut abolitio semper repe-  
 riatur partium plurimarum mutilatarum .

Enim verò , si duo capita corpori ei-  
 dem intideant , ova duo Natura suppe-  
 ditavit

( b ] Exercit. 23.

*Bicipitis  
monstri ef-  
formatio  
explicatur.*

*Natura in  
producendis  
Monstris  
industria.*

ditavit ad gemellos embryones perfectos  
seorsim producendos idonea, at duorum  
ovorum occurfus partes quasvis compres-  
sione attritas delevit omninò: Bina capi-  
ta nullam passa compressionem discreta  
remanere, corpus verò suppositum ex  
adhæsiōe utriusque corporis ad quodvis  
caput attinentis conflatum est, quorum  
duorum corporum mediam partem refe-  
ctorum medietates duæ superstites quasi  
per infusionem coaluere, mediante vaso-  
rum, & fibrillarum tum carnosarum,  
tum ossæarum anastomosi, donec sub-  
stantia ubique mollis, ductilis ubique  
existeret; Et, ut vera loquar, qui voca-  
tur error in animali productio, operæ  
pretium est mirâ industriâ comparatum  
ex parte Naturæ producentis.

Quâ quidem idæâ Physiologicâ omnes  
id genus coniunctiones monstra compo-  
sita uniformia efformantes satis superque  
exponuntur. Quoad verò monstra mul-  
tiformia, nemo nescit qualis sit Auctorum  
mens in enodandâ vi Maternæ imagina-  
tionis in fætum perversè agentis; Et hæc  
de



de Monſtrorum naturâ, & origine dicta ſufficiant. Reliquum eſt ut Tibi toto ani-  
mo gratuler, Vir Doctiſſime, de Laude *Clar. Viri ad Autho- rem gratu- latio ob ſu- ſceptum opus de morbis vulgaribus* maximâ, quam ab ſuſcepto opere de *quotannis conficiendū* Morbis vulgaribus iam percepisti, & in dies magis percepturus es. Perge, (quod facis) iuvare rem Medicam, neque for- mides blaſphematorem, & ſciolorum acu- leos: nunquam caruere invidiâ egregii, forteſque conatus. Fortaſſe enim hi ma-ximè ex eo opere profecturi ſunt, quibus id magis ſordeſcere videbitur. Vale, & me ama, à quo amaris plurimùm. Lug- duni Segulianorum pridie Kal. Ianuarii MDCCXXII.

LXXI. Idem, quod ex Clariſs. Viri ſententiâ de humanis ſætibus additum eſt, de cæteris pariter dicendum: Idem namque in ſingulis Naturæ producentis error ne dixerim, an luſus miro artificio comparatus? Agnam bicipitem vidiffe olim memini Trajecti ad Rhenum, cùm magnus ibi ac toto Orbe ſpectatiſſimus Pacis conventus ageretur. Nuper etiam apud nos Vitula biceps vili pretio ſpe-

*Agnæ, ac Vitulæ bi- ceps ab Au- thore viſa.*

*Huiusmodi  
monstrorum  
generatio in  
oviparis.*

Etanda offerebatur è Cervâ orta, ut vulgò ferebatur, ac Tauro; Atque huiusmodi exempla innumera propè, atque ad nauseam ferè habentur apud curiosarum rerum Collectores. Quod verò meæ tùm Celeb. Viri hypothefi opponi forsan videbitur, ut ego ad illum miseram, ab oviparis id unicè peti potest. Vifa namque aliquandò, ac mihi quidē haud ità dudum Gallinula biceps; quo fanè videri potest nonnullis monstrorum huiusmodi productionum causam haudquaquàm ab cohærentiâ, seu coniunctione ovorum, ast intrâ eiusdemmet ovi circumferentiam quærendam esse. Rem omnem præclarè explicat Immortalis *Harveus*, ex cuius mente Vir Clariss. tùm gemellorum, tùm monstrorum huiusmodi productionum generationem ostendit. Etsi enim unicum apparenter videatur ovum, ex quo vel geminus, vel monstruosus idem pullus emergit, re ipsâ tamen duplex existit, nec aliter concipi potest res. Hæc autem ovorum cohærentia in ipso ovario inchoatur perficiturque.



que. Coniuncta hinc ovula unà simul ad uterum elabuntur, ubi durâ obducta Testâ amplectente sub unius ovuli imagine ludunt. Id verò totum ipsa ovarii, seu loci, in quo gallinarum vitelli continentur, habitudo perspicuum facit. Singulis namque ovarium adest, seu superior Matrix *Fabricio* statim infra hepar, ceû vuaracemus, cuius in centro quamplures pediolos, seu pedunculos, appendiculas fortè umbilicales, seu fistulas *Aristotele* dictas videre est, quarumque libet à racemi fundamento ad vitellum producitur, quem cùm contingit, dilatatur, & perindè ac nervus opticus in oculo amplificatus, vitellum externâ tunicâ obducit, eumque ferè integrum ambit; Atque hinc quidem propter similitudinem *Calyx* dicitur. In hoc tamquam in sinu inchoamenta pulli delitescunt. Infinita propemodùm vitellorum multitudo per totum ovarium in uno veluti acervo globata conspicitur rotundæ figuræ, & cuiusvis magnitudinis, in quâ à minimo ad maximum ea intercedit differentia

*Ovarij Gallinarum  
descriptio.  
ex Graafio.*



ferentia, quæ est à grano sinapis, aut decuplò minoris ad fructum ferè nucis Juglandis, aut mespili. Eò autem maiora evadunt ova, quò à centro dissita magis; quove sensim auctiora evasere, aut spontè suâ, aut contrahentibus fortè sese anterioris membranæ fibris disrupto clauistro ex ovario profiliunt, abque infundibulo, seù membranosa oviductûs expansione excepta per oviductum ad eam partem, quam memoratus *Harveus* Gallinæ uterum, seù Matricem appellat, diriguntur, in qua ovum perficitur, albumine cingitur, & testa contegitur, remanente exteriori tunica cum pediolo racemo affixa.

*Gemellorum  
ortus, ac  
incrementa.*

LXXII. Coalescunt itaque, adque gemellorum, aut Monstri productionem cohærere utraque invicem unà debent germina; At huiusmodi coalitus, seù cohærentia in ipsomet ovario persolvitur. Ibi ab quapiam vel levissima causa compressis, atque hinc cohærentibus invicem magis calycibus, seù pediolis, magis quoque invicem cohærent ovula, agglutinan-



tinanturque, ità ut unico pediolo unum  
 veluti ovum infideat; Quod verò gemel-  
 los hinc sæpè, quandoque etiam Mon-  
 stra oriri videamus, ex eo fit, quod vel  
 duo illa ovula agglutinata hoc more in-  
 vicem propria adhuc quæque membra-  
 na, seù tunica obvolvuntur, ac bino al-  
 bumine gaudent, vel unicum utrisque  
 albumen commune circumfunditur binis  
 quasi connascentibus vitellis, ac simul  
 unà vario ordine permixtis. Eadem quo-  
 que Clariss. Viri *Antonij Vallisnerij* de  
 huiusmodi Monstrorum generatione sen-  
 tentia est, ut ipse Laudatissimus Vir in  
 recèns edito elucubratissimo Tractatu  
*Della Generazione dell' Uomo, e degli Ani-  
 mali* dilucidè explicat refutatis integrè,  
 atque reiectis quotquot hætenùs in hoc  
 argumento effinxere sibi tùm Veteres,  
 tùm recentiores. *Nascono i Mostri (a)*  
*sic ipse ait, da due, o più capi, o con al-  
 tre membra, e parti moltiplicate, o insie-  
 me, come ramo con ramo, attaccate, o  
 incastrate, e fatto di due tronchi un solo*  
*tronco*

( a ) Parte 2. cap. 17. n. 5.

tronco, perciocchè due, o più germi, o due, o più uova mature possono in uno restringersi, o ammonticellarsi, e così strettamente combaciarsi, che col tempo s'attaccino, si compenetrino, s'intrighino, e un solo corpo confuso, e addoppiato compongano. Ciò appar manifesto nelle uova delle Galline, che hanno due, o più tuorli, d'onde nascono polli con due, o più capi, o con le membra moltiplicate, de' quali molti conservo nel mio Museo. Quàm facile verò, etsi inconspicuè penitus in tam abstruso Naturæ Templo, ac Delubro concipere est binos, aut plures invicem calyces comprimi, inque unum evadere, binosque hinc aut plures vitellos suo quempiam calyce, ac propè dixerim carcere comprehensum coalescentibus pediolis agglutinari simul, connecti, inque gemellos modò, modò in monstra, atque huiusmodi portenta efformari, admiranda prorsùs! Is ille profectò est aureus arboris ramus, qui nemore in tanto nulli sese ostendit adhuc vel solertissimo Virum.

LXXIII. Atque, ut quo more superioris



rioris Anni morborum narrationem ab-  
solveram, labentis historiam conficiam; *Massiliensium Pests narratio.*

Reliquum est, ut pauca adhuc de Massiliensium Peste, quod alterum erat commemorandum, adiiciam. Mirum utique quantum illa gliscendo iuneris paucos intra menses perfecerit. Postquam enim Massiliam, opulentissimum Galliae ad mare internum emporium, Arelatum veteris Burgundiae Caput, Aquas Sextias, Telonem Martium, cum pleraque iis finitima Oppida, ac Pagos dire infestaverat facta lues: Avenionem paullò ante Veris exordia pervasit, tractumque Arausionensem, ac universam propè Occitaniam, Narbonensem olim Provinciam dictam, nunc *Languedoc*, quasi *Langue de Goth*, quod circa Annum Christi CCCC. Gothorum Hispaniam, atque Italiam vastantium pars illam invaserit, nomenque Regioni de suo imposuerit. Prolixa res esset tot sigillatim recensere funera, ac clades, quas dira adeò Pests edidit, ac etiamnum huc illuc incendii instar oberans edit. Observatum quidem Æstate

Z

hanc



*Excandescere hanc  
magis  
Æstate,  
quam hyeme.*

hanc excandescere magis, ac Bacchantis in morem ultrò citròque furere; hyeme verò mitescere, ac sese propè omninò condere. Quousque scilicet erodentes moleculæ hiberno frigore minùs læviendo paræ ab æstivo calore elatæ dein, ac vulnerando apæ irascendi imperium acquirant, ac polleant magis.

*Pestem inter ac contagiosos morbos, tum hosce, ac ceteros, qui non contagiosi vocantur discrimen.*

LXXIV. Sanè ut contagiosos omnes morbos peculiari cuidam veneno adscribimus, quo obvia quæque corpora morbo afflatu inficiuntur, quodve idem sæpè venenum ex *Cælij* sententia in nostro corpore gignitur; Haud ità à vero alienum fore puto, venenatas moleculas, ac summè læthiferas, sive aliundè delatas, sive quod incongruum quoque haud prorsùs erit asserere, nativas, ac Patrio sub Cœlo ortas effingere, quibus *Pestis* tribuatur. Neque enim ab contagioso quopiam, sed & ab alio quocumque Morbo, qui humanum vexat genus, plurimùm differre *Pestem* arbitror, si modò Physicè loquimur. Totum, quod illam inter ac contagiosos morbos, ut vocant, quos



quos inter ipsa Principem obtinet locum, discrimen est, id ipsum hosce inter postremos cernere est, ac cæteros quosque, qui non contagiosi vocantur. Ut verò tùm hi, qui contagio ab uno in aliud corpus feruntur, tùm qui *proprio Marte* sese per vices ostendunt, conduntque vicissim, originem suam ab quapiam re corporis texturam tàm in fluidis, quàm in solidis vitare apta propiùs repetunt; hincque via Medicis aperitur ad iis obstitendum, opponendo aliquid per quod illata sivè fluidis, sivè solidis labes opportunè præpediatur, præcaveaturque. Ità qui contagiosus maximè meritò reputatur, seu quod idem est, qui propriè, ac expressissimè *Pestis* vocatur, haud aliter homines lædit, quàm fluida, aut solida, aut utraque suoptè ingenio, ac indole diversimodè alterando, & sic exulcerationem, phlogosin, systrophem, ac id genus alia inducendo, quæ Phænomena Pestium constituunt. Nullus scilicet morbus est, cui seu solida, seu liquida, seu utraque sedem haud præfe-



rant, ac incunabula. Novimus aliquan-  
dò sævissimas Pestes repentiè ortas, ac  
longè latèque extemplò propagatas, quin  
ulla foret infectionis aliundè delatæ sus-  
picio; Sæviores & aliæ recensentur ad-  
ventitiâ labe progenitæ, cuiusmodi illa  
est, quæ nuper à remotissimis Syriæ pro-  
fecta finibus, *magnumque aeris spatium,*  
ac *multum* permenfa æquoris Massilien-  
sibus tandem incubuit, totamque adhuc  
*Provinciam*, ac *Occitaniam* depopula-  
tur. Indigenum illis, hisce adventitium  
venenum *Pestibus* facem tradidit. *Ve-*  
*neni* namque nomine iure meritò desi-  
gnandum mihi visum est, quidquid ad  
læthaliter adeò nocendum valet, quodve  
cum erodentibus venenis pares effectus  
invehit.

*Natura Pe-  
stis quesita  
diù, reperta  
non dùm.*

LXXV, Atque *hoc* quidem opus, *hic*  
*labor est* huiusce *veneni* naturam expen-  
dere, quod unum profectò interest ante  
omnia scire, certatum diù, indecisum ha-  
ctenus: Quid scilicet *rei physicæ* pestis  
sit, seù in quo illa consistat. Advocan-  
dus utique, si adhuc viveret Epidauri,  
vel



vel quocumque pretio *Æsculapius*, qui litem inter Viros Doctissimos motam dimimeret. Quot verò in risus sese effunderet Deus ille Medicinæ, quot cachinnos tolleret, si hæc Numina tangerent, quo ille ludibrio, ac despectu, sibilisque vanas quorundam hypotheses, qui suprà cæteros scire putant, exploderet! Haud pauci scilicet Isthmum hunc fodere aggressi sunt; atqui ingenio abrepti suo *Nubem* postremò *pro Iunone* amplexi sunt. Nequicquam enim quod instituerant semel iter, absolverant; Metaphysicis quippè dein abstractionibus ludentes, quò metam propiùs attigisse crediderant, eò longiùs discessere. Equidem *Pestis* essentia, ut cæterarum ferè ægritudinum inquirenda potissimùm est ab effectibus, quos inducere illam videmus, quin agmina hùc advocemus, ac exercitus insectorum invisibilium *ab remotissimâ Ægypto*, quam sibi Orbis plagam, ceù comparatam hisce animalculis sedem, ac propriam horum Regionem

Clar.



Clar. Vir ( *a* ) effinxit, unde has modò, ac illas terras, atque *ultimam* usque *Thulen* magnis itineribus lustrant; Sive ea denique volucra sint, sive repentia, sive ea scilicet per aera vehantur aut volitent. Id namque deerat unum huic antiquissimo systemati, ut quas nemo effinxerat adhuc alas, hasce demùm animalculis hisce nonnullus daret, eaque è reptilium genere imò prorsus abiectoque ad aligerorum, seù volucrum classem eveheret. Incongruum nempè visum est Eruditissimo Viro, ( *b* ) ac Mechanicis reptatùs legibus, iuxta quas unumquodque repule solido cuiquam adhærescat necesse

( *a* ) *Lettera intorno all'aria, o vermicinioli se cagioni della Peste scritta dal Dottore Bartolommeo Corte in Milano 1720. pag. 70.*

Eiusdem *Lettera Apologetica intorno agli e ffluvj, se organici, o inorganici cagion; della Peste. Ibid. 1721. pag. 12.*

( *b* ) *Systema Pestis Physicum elaboratum à R. P. Io: Saguens Ord. Minimorum, &c. Colonie Agrippinae 1721.*



cesse est ad reptandum, alienum penitus huiusmodi animalcula, seu insecta per fluidum aera reptantia effingere, cuiuscumque ea exiguitatis, atque invisibilitatis existant. Opus proinde erat aut illa pulicum in morem ad altitudinem convenientem per aerem incessanter saltantia, aut reverà alis instructa concipere, queis per liquidum æthera volitando assidue ludant.

LXXVI. Ego fanè haud inficior exiguis huiusmodi, ac penè dixerim *invisibilissimis* animalculis universum hunc nobis circumfluum aerem scatere, quæ quidè sive ad *reptantium*, sive ad *volucrum* Sobolem referantur perindè est. Nec fidem renuo Doctorum Virorum observationibus, qui incomparabili diligentia, ac improbo labore horum animalculorum ortum, ac incrementa in variis passim liquoribus adnotârunt. Vidi Ego ope Microscopii unicâ lente, atque orbiculari constantis in unâ aceti guttulâ in phialâ vitreâ servati serpentigenū quidpiam, seu anguillarum instar ludere,

*Animalculis  
exiguissimis  
ac invisibili-  
bus univer-  
sum aerem  
scatere no-  
bis circum-  
fluum nega-  
ri haud pos-  
se.*

re,



re , quæ quidem tres , aut quatuor primo die , deinceps post multos dies decem , aut plures , atque ita proportionally in decursu dierum apparebant . Vidi & his incomparabiliter minora alia animalcula in aquâ , ubi ponuntur flores ad florendum diutius . Quodve prodigio par est , haud illa Serpentina instar ludere spectantur ubique ; Atque iuxta florum , qui in aquâ tum ad florendum diu , tum ad macerandum forte relinquuntur , varietatem , ac diversa genera , diversas illa induunt formas , ac inter se distinguuntur . Sic Cyclamen , sic Cithyus , Rosa , Amaranthus , Narcissus , Iris , Anemone miram explicant huiusmodi animalculorum sobolem , quorum haud minor ferme varietas , quam florum ipsorum . Alia enim limacum more labuntur ; Alia formicarum ; Locustam alia exhibent , Hirudines , lumbricos ; E' Predatorum censu alia , alia Volucrum , seu Aligerorum , Quadripennium , Bipennium &c. Quodve adhuc mirere magis , ut quæ mihi visa sunt , tantummodò referam ;

Cerne-



Cernere est, quæ primo die huc illuc ludunt animalcula, ac vitæ indicia præferunt, altero mox die immi vasis petere fato functa, eorumque jacturam, novâ editâ extemplò sobole, ingenti usurâ restitui. Sic post aliquos dies in vasis fundo quid fœdum sedimenti adinstar conspicitur, quod quidem nil aliud ferè esse puto, quàm denatorum exuvias; In summo autem vasis quid oleosum occurrit, fortè ovulorum congeries, è quibus nova subindè animalcula prodeunt, queis haud inutilem cibum præbent exarata Patrum cadavera. Hæc ac pleraque alia pulcherrima *Naturæ ludentis* spectacula nobis Microscopia detexere, quibus nemo, nisi cæcus, aut *qui*, ut ait *Galenus*, *dubitationibus oblectatur*, quorum quamplures hoc ævo sunt, fidem denegare audet. Credere enim posse per lentem microscopica repræsentari id, quod non est, ut plerique autumant, perindè est, ac credere non esse veros characteres, quos Senex per perspicilla discernit; Quod denique finè ullâ rei veritate possint per

*Horum mira provisus fecunditas, ac velox interitus.*



eamdem lentem repræsentari in pulice  
 v.g. Proboscis, auriculæ, squaminæ, jun-  
 cturæ tibiæ, furcillæ pedum, ipsa  
 etiam intrà eius viscera circulatio sangui-  
 nis, & cætera id genus, quæ visus in-  
 ermis licèt acutissimus deprehendere non  
 valet. Id totum ego fateor, ac unà cum  
 Laudatis Viris lubens assero; Concedam  
 & ultrò quidquid sub Sole est, huiusmo-  
 di referum esse animalculis invisibilibus,  
 exiguissimis, ac *immensæ subtilitatis*,  
 ut cum *Plinio* loquar, quorum *mul-  
 tiplicissimæ* sunt generationes: Quin imò  
 deberi iis cæterarum ferè exordia rerum,  
 iis quidquid in hoc adspectabili Mundo  
 præclarum spectatur, quidquid ludit in  
*Orbe Terrarum*. Horum alia mihi ante  
 oculos pono adunco instructa rostro,  
 exili alia aculeo, alia proluxâ perquàm  
 Proboscide; Hirsuta alia, paucipeda, se-  
 peda, Multipeda, Apoda, alia deniq;  
 etiam cum Doctiss. Viro aligera mihi effin-  
 go, perque acra ludere, ac *volare* eadem;  
 hisque animam tribuo, æquè ac in Ele-  
 phan-



phantibus, & Camelis, atque hinc magis Divini ego Opificis Sapientiam admirabundus suspicio, qui in exiguo adeò, ac invisibili corpore ea scitè apposuit organa, quæ ludenti intùs animulæ obsequi valent, ac vitales edere motus. Haud is ego sum inani captus gloriâ, aut pervicacis adeò ingenij, qui ea quæ ipse video, tum quæ unâ mecum Clariss. Viri observârunt, in dubium adhuc revocare velim? Sic prorsus arbitror; Iâ omninò cenfeo; Huius sum planè *Iis verò Pestis ortu, ac incunabula referre minimè deberi unquâ.* Sententiæ; Pro hac, si Diis lubet, *ad* aras usque, ac focos dimicabo. Quid autem quæsò, quid indè? Ergonè *Vis* omnis morborum, pestilientiaque ab hisce animalculis per aerem ludentibus repetenda? Ergonè Massiliensium Pestis ab uno, aut altero horum ovulo intrà gossipii farcinas latente, adque apertionem talium farcinarum statim edito ortum tulit, propagatâ hinc, ac penè exemplò longè, latèque disseminatâ horum sobole, atque progenie? Heu quot Paradoxa, Deus bone, opus est in anteces-



sum deducere, quot aureos hamos comparare, ut sese decipi sinant ingenia, plenaque deitur errori fides! Huiusmodi sunt, quæ Prop. 6. 7. 8. 9. Laudatus Vir protulit, ac speciatim paragraho 17. ac 18. harum postremæ, nunc *Scaligeri* observationibus, nunc *Plinii* auctoritate suffultus, qui idem longè minùs *questitas* sibi auctoritates, [ *a* ] *quàm rationes esse* paullò antiè affirmaverat. Ergo-  
nè, ut pressius loquar, quæ magnam etiamnùm *Provinciae*, ac *Occitaniæ* partem *Pestis* exagitat, totque hominum millia *morbo*, *mortique catervatim* dedit, ab hisce semel infectis orta, iis fovetur adhuc, ac incrementa sumit *eundo*? Mirum utique, ac miraculo vicinum, cur illa nondùm, nedùm cæteras *Galliæ* *Regiones*, sed & longissimè *diffitas* peragraverint, finitimosque æquè, ac magno locorum intervallo disjunctos agros, viasque vastaverint? Quis enim volitantibus per aera *culiculis* obicem po-  
nere,

( *a* ) *Systema Pestis Physicum*, &c.  
pag. 140.



nere, quis miram adeò, ac perennem eorumdem fœcunditatem coercere potens? Si pauca ovula intrà aliquot gossipii sarcinas collecta, adque talium sarcinarum apertionem confestim exclusa numerosam adeò insectorum sobolem edidere, quæ paucos intrà dies plusquàm viginti hominum millia unâ in Massiliæ Urbe interfecit; Quis exindè natorum numerum, & quæ nascentur ab illis persequi iam modò aptus, ac recensere?

LXXVII. Equidem, si Historiarum monumenta consulimus, quotquot hæcenus diro prorsùs immitique flamine fœvisse Pestes legimus, has hyeme plerumque, aut æstate ortas novimus, suaque passim tempora iuxtà statas Solis conversiones percurrere; Ità ut quæ hiberno solstitio sese ostendit primò, ac subludere capit, proximo Vere excandescens magis, ac velut aucta viribus, Æstate dein summum sui impetum edat, ceù in statu, ac vigore consistens; Econtrà verò quæ Sole signum subeunte Cancrì sese prodit, nonnisi hyeme magnam invehit cladem,

*Quotquot  
sæviere Pestes, has  
hyeme, aut  
æstate sese  
primò prodidisse.*



*Insectorum  
id systemati  
adversum  
penitus.*

cladem, desinens illa ludere, aut saltem  
mitescens omninò, propè appetente Æqui-  
noctio. Sivè autem hyeme, sivè æstate  
fese illa prodat, aut excandescat magis;  
Neutram harum ovorum exclusioni ap-  
tam video, ac proinde vel ab id  
unum nullimodè ab huiusmodi infectis,  
seu animalculis ortum ducere *Pestes* que-  
unt, quod tùm hyeme potissimùm, tùm  
æstate inertia potius ovula quæque vi-  
deantur, quàm exclusioni apta. Nùm  
maior fortè tribuenda aeri vis, per quem  
hec ipsa undequaque ludunt ovula, quàm  
centrali telluris calori; Ut dùm cætera  
concredita terræ semina excitari per hye-  
mem nequeunt, quin imò per id totum  
ferè temporis torpida manent, ac inertia  
prorsùs, hæc eadem adversâ Naturæ le-  
ge propitiam sibi hyemem experiantur,  
ac tùm quidem temporis sobolescant ma-  
gis, fæcundenturque? Quod si secunda  
adeò iis hyems est; Cur non potius fri-  
gidissima illa loca incolunt? Cur raræ  
adeò, ac visæ nunquàm sub gelidâ Arcto  
savire *Pestes*?



LXXVIII. Sed esto, quod *Pestes*, seu *mortifer æstus*, ut illas vocat *Lucretius*, sive hyeme, sive æstate oriæ suam hisce debeant infectis originem, eaque sint, quæ intrò suscepta in corpore (per quas illa vias haud equidem video) tot funesta passim edant Phænomena, ac nec tandem corporibus ferant, quorum *fluens vigor*, rectius utique *oscillans* idem, minùs aptus aderit iis obistendo; Esto, quod *ignobilia Mundi*, & *contemptibilia* elegerit Deus, & ea quæ non sunt, ut ea quæ sunt, destrueret, ut pulchrè D. Paulli verba adhibens ludit hic loci Vir (a) Præclarissimus. Esto inquam, quod ista animalcula Pestem reverà induxerint, hanc foveant, hanc denique huc illuc ludendo ferant; Vel, ego peto ab adversariis, vel hæc ipsa ante ortam Pestem præexistebant, ludebantque iam tùm per aera passim, vel ea Pestis tantummodò tempore excitantur, ac ludunt? Non equidem primùm, aliter enim nullo non tempore latè læviret Pestis: Non secundum; quo enim

Dato etiam quod huiusmodi insecta per aerem ludant, aut volitent, iis Pestium indolem explicari nullatenus posse assertur, & comprobatur.

( a ) Prop. 5. §. VI.



in loco sese illa absconderant silentibus Pestibus, quò sese receperant illa diù, ut statim ac edita dein aerem densis exami- nibus occupent? Qui fit, ut quæ inertia tandiù permanferant, ac planè torpida, soluta mox compedibus veluti, ac penè extemplò excitata longè latèque volitent funestas ubique clades paritura? At *ab Ægypto* ait hic quidam, ac *novâ Memphi* ad nos subinde transvehuntur Pestes, natali horum animalculorum Solo, ac Patriâ; Ab Ægypto inquit, *mentre ogn' anno quel Regno è infestato dalla Pestilenza, e di là sortano sempre porta- ti da qualcuno ( ea namque sibi apodâ fortè effingit, ac lumbricorum instar ) o ad- dosso, o nelle merci à punire quelle Pro- vincie, che N. S. hà determinato di gastigare con questo orribile flagello.* Præcla- rè quidem; Atqui nonnè aliquandò exortæ in Europâ Pestes sunt, multaque hominum millia Orco tradita, quin ulla vel levissima extiterit transvectæ aliundè luis suspicio? Nonnè obsessis diù Urbibus, inque Militum Castris dira plerumque Pestis



Pestis signa extulit immitis adeò, ac truculentissima, æquè ac quæ exotico flamine Massilienses & adhuc infestat. Ecquis autem hisce in Pestibus, quas *indigenas* dicere fas est, quis agmina hæc insectorum ab Meridionalibus oris profecta sibi effinxit unquam? Ecquid enim opus ab *Pharo*, *Canopo*, aut *Mareotide* lacu, ac superbâ Pyramidum miraculis *Memphi* animalculorum exercitus advocare, quæ Pestes adferant? Si quæ tùm temporis ludunt per aerem animalcula, sub nostro illa Cælo excitantur, ac sebolescunt. Qui autem fiat, ut ubi nulla propemodùm huiusmodi animalcula aderant, ubi purissimus antea aer existerat, ubi nulla ab aliis locis transvecta lues fuit, hæc ipsa, ceù proprio Marte, ex templò edita insecta præfatas Pestes adtulerint, ego quidem assequi haud possum, ni fortuito putredinis casui tribuere illa velim, quod quidem Philosophum, ac Medicum, hoc præsertim felicissimo Scientiarum sæculo pudet asserere? Deinde etiam si Phlogoses illa intus, si abscessus,



symplices excitare, ac totam propè liquidorum texturam invertere queunt, quâ datâ portâ, amabò, ad profundiores utque corporis recessus, ac intima delubra pervadent? An per patentes Bronchiorum tramites? At nec subtiliores quidem aeris moleculas unâ cum sanguine in Pulmonibus permisceri vel ipsa Pulmonum textura, ac mirabile, quod in iis elucet, vasorum undequaque percurrentium artificium, ac dispositio satis superque suadet, ac apertissimè ostendit. Equidem si vel exigua aeris moles singulis haustibus medio sanguine per corpus distribueretur, ob insignem calorem quem in partibus reperiret aer, summo-perè elasticus evaderet, & turbaret potius sanguinis circulum, ac fermentationem, quàm promoveret; Obque id maximè Natura validissimo Cortice munivit Plantarum semina, Plantam ipsam, hominem, & animalia densissimâ pelle, ne tam facilis sit aditus aeri in partes fluidas eorum. An per apertum oris hiatum, perque œsophagum dein, ventriculum, inte-



intestina, vialque lacteas, seu *Galaxiam*? At quis obsecro, haud videt in tam prolixo, ac difficili itinere, tot inter angusta viarum, anfractusque, ac intricatissimum propè labyrinthum vix concessum esse tenuissimis chyli moleculis oscula vaforum subire, quæ sic configurata, seu rectius commensurata esse debent, ut doctè adverterat Præclarissimus *Lancisius* ( *a* ) ut nonnulli globulos pari configuratione, seu commensuratione præditos excipiant, cæteros quosque ceterum minùs subeundo pares, aut eâ nondum mole, seu configuratione donatos dimittant. Nulla hic excogitanda, aut effingenda corporum parvitas, quâ facili negotio per quoscumque illa poros irrumperere queant, ac sese intrudere; ( Nulla namque amplius sufficit potior ratio adversariis, quâ ictum eludant ) Nulla inquam exiguitas, quæcumque effingi queat,

Bb 2      locum

[ *a* ] *Dissertat. de Humorum secretionibus in genere, &c. ad Eruditissimum Virum Dom. Ioannem Baptistam Blanchum.*

locum habet? Par enim est osculorum parvitas, ut æquè ac ipsa animalcula non nisi microscopio videri queant, quin imò persæpè etiam oculorum aciem effugiant. An per Cutis poros, seù universum corporis habitum? Aptior utique cæteris via, ac magis expeditum iter, si ità comparati forent exiles illi meatus, ut facilè per ipsos subire posset quidquid se se obvium præbet, ceù lanua quædam cuicumque hominum discurrenti diu noctuque patens. At inquiunt, nùm per eosdemmet poros pleraque passim remedia cuti dumtaxat applicita quasdam sui particulas emittunt, quæ ad ultimos usque sinus perveniunt, magnamque edunt in corpore mutationem? Ità quidem; Atqui nullus, quod sciam, tenuissimis hydrargiri moleculis, quas per cutis poros subire novimus, alas præbuit, aut volucres illas effinxit adhuc? Deinde quomodò alata hæc animalcula, quæ sanè cuiuscumque illa parvitas sint, nunquàm profectò ad eam exiguitatem accedere queunt, qualem minimis molecu-



leculis hydrargiri concedimus , sese intrudere per eosdem meatus possent? Obstat hic alarum expansio , quominus oculorum diametro adaptentur , inque patentes subeant poros ; Necessè enim est ut quod ingredi debet , eiusmodi sit cum meatu commensurationis , aut configurationis : Docet Mechanice . Obstat hic repugnans valuula ad pororum cutaneorum ostiola , adnotante *Malpighio* apposita , cuius resistantiam superare spirituosæ , summèque tenuissimæ molecule valent , alatum quodpiam , aut volucre non valet . Cuiuscumque enim exiguitatis id effingatur , concipiaturque , nunquàm ad eam parvitatem deveniet , quam spirituosæ , ac inanimes particulæ obtinent . Animalcula hæc Microscopio videri queunt , secùs moleculæ inorganicæ , tenuissimæque ludentes particulæ , quæ vitra eludunt , visum effugiunt .

LXXIX. Quod de aligeris huiusmodi animalculis , seù *culicibus* attulimus , id paritèr iis obtrudimus , qui eadem *pedata* , aut *Apoda* sibi effinxere , aut quocumque

*Quod de vo-* cumque modo per aerem reptantia . Ne-  
*lucibus in-* que enim singulis erroribus , ac difficul-  
*sectis , id de* taibus , quibus hæc hypothesi obruta  
*ceteris, que-* manet , explicandis immorari ultrò fas  
*cumque ef-* est . Equidem non is ego sum , qui hy-  
*fingantur ,* pothesin meam suos quoque pati *manes*  
*aut excogi-* haud videam ; Non ii tamen , si quid ego  
*tentur, dici.* hic judico , eius omninò momenti sunt ,  
 ac qui adversariorum ingenia , & adhuc  
 fatigant . Si cui magni videntur esse pon-  
 deris , magnique negotii , is ille est , qui  
 aut sedulò rem minimè perspexit unquàm ,  
 aut *qui nil rectum , nisi quod placuit*  
*sibi , ducit .*

LXXX. Et sanè *veneni* vocabulum , quod  
 tantoperè abhorrent ii , haud adeò abs-  
 re esse videtur , si modò quid eo nomi-  
 ne intelligendum sit , rectè concipimus .  
 Nihil utique fingi poterat ad rem acco-  
 modatius , aut congruentius , quàm *ve-*  
*neni* nomen , quo rem quampiam sum-  
 mè læthiferam indigitamus ; *Veneni* in-  
 quàm , cuius funestam maximè , ac vi-  
 rulentam vim Symptomatum atrocitas  
 abundè testatur . Hinc facili prorsùs ne-  
 gatio

*Veneni no-*  
*mine nihil*  
*fingi posse*  
*aptius , at-*  
*que apposi-*  
*tum magis*  
*ad Pestis na-*  
*turam , at-*  
*que effectus*  
*explicandos.*



gotio explicamus , cur sæpè intra nos metipfos idem venenum oboriatur , atque ad propinquos dein teterrimo afflatu propagetur ? Cur frequentiores in Ægypto , ac locis æquatori proximis Pestes , quàm Septentrionalibus Oris ? Cur intra gossipii sarcinas latens idem ad sarcinarum apertionem propinquiores illicò , mox alios subindè sævissimo flamine interfecerit ? Quidquid enim è locis subterraneis , è fossilibus , ac mineralibus , è palustri , ac lutulento Solo sub vaporis specie continuò exhalat , *veneni* id vim ac nomen juremeritò obtinet . Id ipsum est quod in poros angustissimos intimè penetrans , perque universi corporis Sphæram diffusum , illius crasin , texturam , formam , & mixtionem prorsùs destruit , eò illud dirum magis atque mortiferum quò exhalationes , undè id oritur , copiosiores sunt , aut sulphuræ activioris Naturæ . Equidem quod unicè obtrudere huic hypothesi queunt , id ab mirâ huiusce veneni ab uno in aliud corpus propagatione repeti potest , quod quidem nulli

vene-



venenorum, quorum necem inferre hominibus novimus, cōpetit unquàm; Ast id ipsum præclarè explicat Clar: *Pestatossius*, quove pacto semel orta Pests ex uno loco in alterum transportari possit ad remotissimas usque regiones dilucidè exponit Vir Præstantissimus. ( a )

LXXXI. Mirum utique illud magis, quod sub pestiferâ luet àm tenuis, & stupendæ exiguitatis vapor àm celerem nocendi vim habeat, ut robustissima corpora intrâ breve spatium opprimat. At qui levitèr saltem in Arte Medicâ versatus est, facilitè perspiciet, minima subindè causam, & originem esse maximorum effectuum. Exiguum est quod Syncopticos per odorem reficit, & ad vitam revocat. Parum quoque est, quod ex antimonii vitro vomitum movet, dum huius una drachma centum vomitiones provocare valet. Pauxillum Opii omnes motus & solidarum, & fluidarum partium compescit. Tenuis Zibethi vapor

quot

( a ) *Avis de precaution contre la Peste pag. 39.*

*Maximos  
effectus ab  
minimâ ple-  
rumque  
causâ pro-  
ficisci.*



quot in hyſtericis Fæminis catastrophes ,  
quot turbas motuum excitat, atque mo-  
litur? Fumus graveolens lucernę recens  
extinctæ vi diffuſivâ , & ſuimet multipli-  
catione multum aeris inficit, & nidorem  
peringratum in diſſita etiam intervalla  
cubiculi diſſundit . Subtilis vapor in va-  
ſis , quæ vinum capiunt , ex vappida  
corruptela remanens ingentem vini recen-  
tis quantitatem ſimili tetro odore imbuit  
atque implet . Parva moles, & vix ſenſi-  
bilis in vitro, quod corruptum acetum  
continuit, omnem liquorem infuſum ace-  
ti producendi cauſſâ ad ſimilem vappe-  
ſcentiam diſponit . Eâdem ratione pau-  
xillum etiam eſſe, quod corporis deſtru-  
ctionem moliatur , haud difficultè ex  
jam dictis poteſt intelligi . Profectò enim  
exiliſſimum eſt quod cum corpore in pe-  
ſte communicatur , ſed idem agiliffimæ  
naturæ eſt & celerrimè ſeſe per univerſi  
corporis tractum diſpergit . Nihil ſub-  
tilius aurâ peſtiferâ, nihil illâ penetran-  
tius , ac mirâ multiplicativâ virtute  
ſtupendum magis ! Optimè hinc ſemi-

minis pestilentis ratio cum igne potest comparari , sicuti enim scintilla in magnam exardescere potest flammam , & latè spargit incendium : ità etiam seminium pestilens tot millia hominum corripere , & corrumpere aptum est .

*Miasmatũ  
pestilentia-  
lium ortus,  
ac propaga-  
tio ex Lu-  
cretio ex-  
plicatur.*

LXXXII. Quidquid itaque ab læthiferis corporibus sub tenuissimi vaporis specie assiduè exhalat , id morbos gignere summè læthiferos , ac Pestes ipsas valet . Ut enim in universo multa sunt corpuscula hominibus , reliquisque animalibus salubria , ità plurima noxia , & mortifera . Quandocumque autem hæc noxia corpuscula , sive per Cælum intromissa , sive è Terris surgentia aerem replerunt , morbidus fit iste aer , & inde Pestis in hominum viscera ingressus . Si peregrina hæc corpuscula reijcias , aerem excute , atque in illo tanti mali cladisque originem invenies : Nam diversarum Regionum diversus aer , inde qui sanus indigenis , advenis, ipsique inasluetis insaluber est ; Inde etiam morbi quibusdam Regionibus peculiare . Diversi verò hi morbi



morbi ex aeris diversitate oriuntur. Proinde quando alterius Regionis aer, qui nobis noxius est, sedes suas deferit, & in nostrum Cœlum serpere incipit, ut nebula & nubes paullatim progreditur, omneque cœlum, quâ prorepat, conturbat, ac mutat; Denique cùm in nostrum Cœlum venerit, corrumpit illud, reddit sui simile, ideòque alienum nobis, & noxium. Hęc autem malignitas, & Pestilentia in nostrum Cœlum subitò irrepens, vel in aquas cadit, vel in fruges, & Herbas, aut alia Hominum alimenta, & Pecudum pabula descendit, aut Malignitas in ipso Aere suspensa manet, & cùm spirantes auras ex aere ducimus, necesse est, ut noxia, quæ cum aere miscentur, corpuscula in corpus nostrum per mille illa vias, ac spiracula mille pervadant; Hactenùs quidem optimus Poeta ille, ac consummatissimus Philosophus, qui Physicam veritatem Poetico Stylo delineavit.

*In prima adunque*

*Sai, che già t' insegnammo esser vitali (a)  
 All' Uom molti principj, ed all' incontro  
 Morbo anche molti cagionare, e Morte.  
 Questi poi che volando à caso insorti  
 Forte il Ciel conturbar; rendono infetto  
 L' Aere, e quindi vien poi tutt' il veleno  
 De' Morbi, e del Contagio, o per di fuori,  
 Come vengono le Nuvole, e le Nebbie  
 Pe' l Ciel cacciate dal soffiar de' Venti,  
 O dalla stessa Terra umida, e marcia  
 Per Piogge, e Soli intempestivi insorto  
 Spira, e vola per l'aria, e la corrompe.*

LXXXIII. Si quis plerisque morbos cō-  
 tagiosos, uti scabiē, Phitysim, Luemque Cel-  
 ticam, &c. attentè perspexerit, horum effe-  
 ctus, ac Phænomena quæque, tūm *originis*  
*principium*, quæ summa rerum est, sibi  
 ob oculos posuerit, is Vates esto. Hinc  
 quippè intelliget ille, in quo præcipuè  
 consistat tota contagii vis, in quâ qui-  
 dem potissimūm *divinum* illud elucet Hip-  
 pocratis; Rectoque dein tramite ad veram  
*Pestis*

( a ) *Lucrezio tradotto da Alessandro Marchetti. Londra 1717. pag. 390.*



*Pestis* naturam indagandam, revelandamque pertingeret, quò deindè detecto eius genio, eò faciliùs, & expeditius iter sit ad inveniendam securam, ac perspicuam methodum, gravissimam hanc luem & avertendi, & si summo vitæ necisque nostræ Arbitro ità visum fuerit, illam sanandi. Si enim Scabies, Phtyfis, Lues Gallica, Variolæ, &c. ab peculiari quodam veneno, sive intrà ipsamet corpora genito, sive per aerem ludente, abque variâ invisibilium, ac tenuissimarum molecularum combinatione è quocumque locorum abdito, aut specu emergentium profecto ortum habent, atque hinc mirè, prout sua cuique inest *veneno* indoles, ingeniumque, multiplicantur, propaganturque; Haud aliter profecto explicanda natura *Pestis* est, quæ Principem obtinet inter hosce affectus locum; quamve inter, ac exaratas ægriitudines hoc unum invenio discrimen, quod hæc celeriore vim habeat, & citiùs Tragœdiam absolvat? Si quæ sese prodit in extracto sanguine,



aut in bubonibus vermium soboles, hocce, ut Clarissimi Viri adnotarunt, effectus potius esse, quàm Pestilentiarum aut exaratorum affectuum Authores, ac Parentes puto. Haud ego tamen exinde inferri velim, ac mihi crimini dari, quod obsoletam hic loci hypothesein de *viventium procreatione ex putri*, ut aiunt, iterùm in Scenam producam, ut Amicissimo Viro *Muratorio* ingeniosè obiecit Vir Doctissimus ( *a* ). Notum id mihi, ac Eruditissimo Viro, perspectumque diù, æquè ac illi erat; Neque id unquàm in mentem subiit. Effectus Pestium sunt, quod magno excitato in fluidis motu ab præsentia pestilentialis veneni, dimota hinc, suisque velut è sedibus ac proprio nido expulsâ intus latente progenie vermium, egressum hi, viamque moliantur, ac tùm sese aliquando etiam visibiles produnt. Innuere id ipsum videtur laudatus *Vallisnerius*, verminosa huiusmodi sobolis, quæ sese in febribus malignis, ac summè putridis passim exhibet, orium,

ac

( *a* ) *Lettera Apolog. pag. 27.*



ac incunabula propiùs inquirens, atque perpendens. Si manifestano ( a ) inquit, i vermi nelle Febbri maligne; ma non si generano allora. Vi erano avati; ma perchè stavano quieti, non si sapeva, che nè meno vi fossero. Accesa la Febbre, e viziati i sughi, che dentro il cavo delle intestina fluiscono, tentano la fuga, sentono l'inclemenza del luogo, e i sughi renduti ostili, da' quali sovente vengono uccisi, d'onde cavano i Savj Pratici un funesto pronostico, riflettendo alla forza, e malignità della cagione morbosa.

LXXXIV. Iamque ubi Præclarissimo Tanti Viri Nomine meas hæcce Paginas exornare licet, lubet, quæ modò animo subit, comparisonem instituire inter ea, quæ de Pestis naturâ, atque origine etiamnùm afferuntur, ac ea, quæ de generatione animalium usque adhuc afferebantur, Leevenoechio hinc, hinc Graafio Ducibus, atque Antesignanis, quæve Clar. Vir re penitiùs expensâ, ac sedulò ex-

Comparatio  
inter syste-  
ma genera-  
tionis ac  
systema  
Pestis.

plo-  
( a ) Della generazione dell' Uomo,  
&c. Parte pr. cap. 13. pag. 94.



ploratâ, magnâ sui laude illustravit. Contendebatur adhuc, an ova reapsè forent vesiculæ illæ, quæ in Mulierum ovario conspiciuntur. Mirum utique quod hæc hypothesis statim ac in lucem edita acerrimos propugnatores habuerit, quotve ex adversò haud inferioris subse-  
lii hostes infensissimos! Vix tamen cæperat illa palàm in scholis doceri, cùm magna en Philosophantium turba ex septentrionalibus Oris caput extulit, qui cùm in masculino semine recèns emissio, tepidâque aquâ diluto, ac microscopiis optimis spectato innumera *præter fidem* animalcula exigua, oblonga, caudata, viva, anguillulas veluti, ac serpentum instar inspexerint, ab iis futuri humani corporis rudimenta potiore iure, quàm ab ovis, aut vesiculis in ovario Mulierum detectis repetenda esse affirmarunt. Neutrum horum arriserat Sapientissimo Viro; Quamobrem intricatissimum opus explicare aggressus optatam propè attingit metam, solidisque rationibus, atque observationibus, prælucènte



illi Magno Præceptore *Malpighio* præclare ostendit ( *a* ) immeritò ova dici vesiculas ab *Graafio* , ac *Stenone* detectas , atqui rejectâ prorsùs animalculorum fabellâ *pugillaribus* , & *stilo notandâ* , inquirenda propiùs in ipso quidem ovario esse exordia hominis ; Elaborari ibidem obscuro velût in templo futurum hominem ; Ex ovo utique nasci illum , ovumque istud nonnisi magnâ adhibitâ solertiâ , ac diligentîâ videri posse , quinimò tunc mage imperspicuum id reddi , cùm perfectum propè est , omnique ex parte absolutum ; Veram hinc esse traditam de generatione ex ovo hypothesin ; Naturæ hanc legibus congruam prorsùs , minimèque alienam ; Æquè hominem , ac vivipara quæque ità dicta ex ovo , ac animalia cætera , quæ ovipara dicimus , atque etiam *genus ipsum arboreum* , ut *Empedocles* tulit , procreari ; Ab hisce scilicet vesiculis , quæ in ovario quamplures extant , materiam suppeditari , quâ ovum

in

( *a* ) *Della Generazione dell' Uomo*  
*&c. parte seconda cap. 2. &c.*



in luteo quondam corpore delitescens ,  
 inchoatumque ultrò perficitur, elabora-  
 turque, quo usque ab luteo hocce, seù  
 subflavo corpore æquam magnitudinem  
 adepto intùs latens illud, aut sponiè  
 suâ decidens ut in subventaneis ovis con-  
 tingit, aut ab spirituoso virili semine actû,  
 quâ datâ portâ abeat, egrediaturque.  
*Graafii* ova rejecit; Malè operam po-  
 suisse *Leevenochium*, facilè hinc in er-  
 rorem incidisse quotquot extrà ova ani-  
 malia quæsierant aliquandò nascenda, con-  
 tendit; Quærendum quidem in ovo fæ-  
 tum, nec alibi contineri aut degere, at longè  
 nobiliore illum apparatu, solertiore longè  
 artificio confici. Sicq; Generationem *ex ovo*  
 dùm reffellere videtur, illustriorem effe-  
 cit, ac præclariorem. Idem Physico Pe-  
 stis Systemati fatum manet; Rejēctis nam-  
 que, obsoletisque prorsùs veterum fabu-  
 lis, peculiari cuipiam *veneno*, Pestium,  
 ut cæterarum ferè ægritudinum, quæ  
 contagium continent, ortum, ac incu-  
 nabula primus tribuit *Fracaſtorius*; Ac-  
 cepta hinc, abque omnibus penè Scho-  
 lis



lis recepta hæc hypothesis fuit, etsi in obscuro adhuc latens, atque, ut obdus-  
 ctus nubibus Sol, densis etiamnum te-  
 nebris obvoluta. Effecit id ut *Kircherus*  
 magni, ac perspicacis ingenii Vir, ac pleri-  
 que dein Clariss. Viri antiquissimum de  
 verminoso miasmate placitum excita-  
 rint, pluribusq; id coniecturis explicave-  
 rint. Optandum sanè, quidam modò  
 insurgeret, qui rem sedulò expendens,  
 inque intima Naturæ penetralia propiùs  
 inquirens pari studio, ac felicitate, quid  
 hoc *veneni* nomine propriè intelligen-  
 dum sit, dilucidè explicet nobis; quove id  
 ipsum pacto sese in hominum corpora in-  
 sinuet, totque difficiles morbos inducat.  
 Haud is ego sum, qui tot Doctissimo-  
 rum Virorum scripta improbem, aut  
 minimùm curem. Horum ego, ut ami-  
 citiam impensè foveo, eamque obsequio,  
 atque officiis, quandiù vivam, recolam  
 diligentèr: ità labores, ac studia summè  
 commendo, atque etiam si Diis placet,  
 ad astra feram. Haud is mihi animus  
 est

*Officiosa  
 Authoris er-  
 ga Clariss.  
 Viros, qui  
 de Peste  
 scripserunt,  
 peroratio.*



est horum laudi, ac gloriæ quidquam  
detrahere;

*Dum Iuga montis aper, fluvios dum  
piscis amabit,*

*Dumque Thymo pascentur apes, dum  
rore cicada,*

*Semper bonos, nomenque borum,  
laudesque manebunt.*

Utinam quidem dum in impugnando,  
& refutando totus incumbo, refutèr ip-  
se, & explodar; Nihil mihi antiquius  
unquam, ac pergratum magis, quàm  
si fortè ab recto tramite aberraverim,  
in viam reduci, abque Sapientibus Viris  
edoceri. Malè etiam Philosophantibus  
nonnulla habenda laus est, quod *ansam*  
*offerant vera inveniendi.*






*Quella Bifrons  
Ex Musæo Pestaluciano An. 1721.*

*Gravé par Seraucourt*









*Duer Biceps*  
*Natus Augustæ Taurinorum an. 1721.*  
*Ex Musæo Authoris. Tasniere sculp. 1722.*



















